



1024

L. II. 6





ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՅԻՆ ԳԵՐՈՐԴ ՏԱՐԻ

1910

№ 1

ՅՈՒՆՈՒԱՐ

Թ Ի Ֆ Լ Ի Ս

ԷԼԵԿՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆԻ. ՊՈԼԻՑ,

1910

ԲՈՎԱՆԴԱԿՈՒԹԻՒՆ

** Բանաստ. Յար. Պետրոսեան	3
Մի օր. վէպ. Արսէն	4
Մեսրոպ Ա. Արտագեցի. Մաղափա աե. Օրմանեան	12
Գիւղացին. Բանաստ. Մ. Ենգիբարեան	20
Պատմութիւն Սասանեանց և Իրանի նուաճուժք արաբա- ցիներէից. պրօֆ Ա. Կրիմսկու. Մ. Շովրեան	22
Գիտութեան տօնը. (Մոսկուայից) Ա. Վ.	34
Նորագոյն պատմագիտութիւն Կարլ Լամբոէիսի Pes- simist	44

ՄԱՏԵՆԱԽՕՍԱԿԱՆ

Դր. Բօլէզեր. Խրատներ ծնողների և դաստիարակների համար. Պարոյր:— Ստացուած դրքեր	60
---	----

ԱՄՍՈՒԱՅ ՏԵՍՈՒԹԻՒՆ

Պատրիարքական հրաժարական Mars.— Ի՞նչ պիտի անեն թիւր-
քիայի հայերը. Գ. Ենգիբարեան.— Ս. Օրմանեան.— Վահան
վարդապետ.— Լուրեր:

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

ՅԱՅՏԱՐԱՐՈՒԹԻՒՆՆԵՐ

ՏՊԻՈՒՄ Է

ԳԻՒԱՆ


ՀԱՅՈՑ ՊԱՏՄՈՒԹԵԱՆ

Գ Ի Ր Բ Թ.

Յովսէփ Արղուսեան

«ԼՈՒՄԱՅ»-ի յունուարի համարը ուշա-
ցաւ խմբագրի հիւանդութեան պատճառով:
Հետեւեալ՝ փետրուարի համարը լոյս կտեսնի
ամսոյս վերջին:

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՅԻՆ ԳԵՐՈՐԴ ՏԱՐԻ

1910


№ 1

ՅՈՒՆՈՒԱՐ

Թ Ի Ֆ Լ Ի Ս

ԷԼԵԿՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆԻ. ՊՕԼԻՑ, 7.

1910



* * *

Քամին փչեց, քոզ ու դուման
Աւիարին առան ու բռնին.
Վա՛խ, իմ արեւ, որ ու գիւման
Խաւար դարձան իմ գլխին:

Բա՛րձր սարեր, կա՛րձր ֆարեր,
Ճանաչ, կանաչ քուփ ու ծառ.
Այ լե՛՛ն ֆարեր, այ ժէ՛՛ն ֆարեր
Դարդիս չունէ՞՛ք մէկ հնար:

Աւիարք եկայ, աւիարք մեայ,
Օր ու աստուր ես չունիմ.
Մարդկանց ւրտում խիղճ չգտայ...
Սարեր, ֆարեր, ի՞նչ անեմ:

ՅԱՐՈՒԹԻՒՆ ՊԵՏՐՈՍԵԱՆ

ՄԻ ՕՐ

Մի քանի ամիս առաջ մեռաւ իմ ամենամօտ բարեկամ Աշոտ Դրանիկեանը: Նրա կիսնքը, գոնէ ինձ համար, երկար ու բարակ պատմութիւն չունէր: Մի քանի խօսքով կարելի էի համարում աւարտել նրա կարճ կեանքի համառօտ և հակիրճ պատմութիւնը: Պատմութիւնը հետեւեալն է. ուսումն ավերջացնելուց յետոյ Աշոտն հկաւ հայրենիք, երկու թէ երեք շաբաթից յետոյ հիւանդացաւ անբուժելի հիւանդութեամբ, որի պատճառով ուղարկեցին Կովկասեան հանքային ջրերից մէկը, որտեղ և մարեց ընդ միշտ: Ահա բոլորն ինչ որ կարող էի ասել նրան անծանօթ հետաքրքրուողներին, որոնք ուզում էին իմանալ, թէ ո՞վ է ջահիլ մեռեալը:

Անցեալ անգամ Դրանիկեանները տանն էի: Որդեկորոյս մայրը լալիս էր ու լալիս: Ոչինչ չէր հանգստացնում նրան: «Աշոտս, Աշոտս» բարձրագոյ աղաղակելով ողբում էր սգաւոր մայրը վաղամեռիկ երիտասարդի կսկծալի մահը: Որդու զգեստները գիրկն էր առել, համբուրում էր և մէկիկ-մէկիկ պատմում նրա բարեմասնութիւնները: Ես ուզում էի ունենալ իմ սիրելի բարեկամ Աշոտի նկարը, ուստի մօրը խնդրեցի տալ ինձ այն, եթէ միայն կայ:

—Աշոտի նկարը: Հա, ունինք, ո՞չ չունինք: Մի հպտ միայն ունինք, այն էլ մեզ մօտ կը մնայ: Աշոտս ասում էր, որ նորնկարուել է և իւր մօտնեն այդ նկարները: Հիւանդացաւ. ուշք ու միտքս կորցրի և մոռացայ հանել նրա գրքերի սնդուկից նկարները: Ոտքերումս և ձեռքերումս ոյժ չի մնացել, խնդրում եմ, դ՛ուր բերէք գրքերի սնդուկն այստեղ, փնտրեցէք և նկարներից մէկը վերցրէք ձեզ համար:

Ես մօտ գնացի պահարանին, հանեցի սնդուկը և կողքից կախած փոքրիկ բանալիքով բացի ու սկսեցի քրքրել: Նկարները գտայ, սակայն և այնպէս հետաքրքրութիւնս ինձ ստիպեց Աշոտի բոլոր գրքերը մի առ մի տեսնել: Այս հաճելի գործողութեան ժամանակ ձեռքս ընկաւ մի թղթակալ, որի մէջ կար մի նորագիր, սակաւաթուղթ ձեռագիր: Եւ սկսեցի թերթել: Դժուար ընթեռնելի

ձեռագրով գրած, տեղ-տեղ ամբողջ երեսներ կամ տողեր ջնջած ու սևացրած, մի քանի տեղ էլ միջից թղթեր պոկած գրուածք էր դա: Երևում էր, որ սևագրութիւն է: Զեռագրի միավանկ, երկու բառից բաղկացած վերնագիրը գրուած է այս երկտողի ճակատին. բայց ձեռագրի խորագիրն ունի իւր ներքեւում մի հազիւ նկատելի, փակագծի մէջ գրուած, բառ՝ «խոստովանութիւն», իսկ լուսանցքում նշանակուած է տարեթիւը և ամսաթիւը, որից եզրակացրի, որ «Մի օրը» Աշոտը գրել է ուսումնաւարտելուց անմիջապէս յետոյ:

Աշոտ Դրանիկեանի ձեռագիրն այժմ անփոփոխ հրատարակում եմ և դնում մեր ընթերցող հասարակութեան առաջ, ենթադրելով որ երիտասարդ ուսանողի անկեղծ և հապճէպով գրած տողերը քիչ թէ շատ հետաքրքրութիւն կը գարթեցնեն ընթերցողների մէջ, մատնացոյց անելով մեր ընտանեկան, դպրոցական և մասամբ հասարակական կազմակերպութեան թերի, պակասաւոր և ցաւոտ կողմերը: Ի Հարկէ դա նոր հարց ու խնդիր չէ. շատ և շատ անգամ այդ մասին խօսք ու կոխ է եղել, վէճ ու պայքար է մղուել մեր ինտելիգէնտ շրջաններում և մամուլի մէջ:

* * *

1

Գեղեցիկ էր այդ մայիսեան արշալոյսը: Ես երբէք չեմ մոռանում այն: Երկնքի արևելեան կողմը բացուել էր: Բիւրաւոր գոյներով ներկուել էր երկնակամարը: Գոյներն այնքան վառ էին, այնքան աչք գրաւող և խողտեցուցիչ: Ասես թէ երկինքը կամենում էր մրցել վարնանային բնութեան սքանչելիքների հետ: Իսկ վարնանային բնութիւնը. այն ևս ոչնչով յետ չեր մնում երկնային գեղեցկութիւններից: Այն ևս հրաշալի էր, զմայլեցնող: Մենք, հողի մարդիկս, աւելի սիրում ենք երկրային փայլը. պերճութիւնը, քան երկնային անմասն, թովիչ տեսարանները: Մի բնագրական, անգիտակցական ոյժ, զօրութիւն դրդում է մեզ դէպի երկիրը, դէպի բնութիւնը: Մենք սիրում ենք նրան, անսահման, անհուն և անպատմելի խանդավառութեամբ: Եւ իրօք, հնց կարճի է չ'սիրել մայիսեան երկրաւոր հրաշալիքները: Ամբողջ բնութիւնը շունչ առած գործում է: Ամեն ինչ հիացնում է, սրտի թրթիռ և յոյզ է պատճառում: Լայնատարած մարդս իւր դիւթեական բնէրմունք արձակող ծաղիկներով, թռչունների երգերը քաղցրաշունչ

դայլայններով, բարակ, քնքոյշ գեփիւնի մեղմանոյշ սուրումը թաւիշ խոտերի և ծառերի վրայով, տերեւների սրտագրաւ փսփսուկը, գաղտնի ու խորհրդաւոր զրոյցը—այս բոլորը, բոլորը հողեղէն մարդու վրայ այնպէս են ազդում, այնպէս են յուզում, որ նրա հոգին թե սուած ձգտում է դէպի վեր, դէպի ինչ որ մեծ, անհասկանալի ու հսկայական վեհութիւն:

Բայց այդ անուշ առաւօտը հոգիս մոայլ մտածումների բովարան էր ներկայացնում: Խեղդուկ, վշտալի և սրտածմլիկ մտածումներ: Ես բնութիւնը սիրողներից եմ, ես պրեթէ պաշտում եմ նրան: Սակայն ինչ անէի: Հոգիս հակապատկեր էր կազմում բնութեան զուարթութեան, թարմութեան և աշխուժութեան հետ: Այնտեղ կեանքը թունդ եռում էր, իսկ իմ հոգում թոյլ մարում: Այնտեղ պատրաստուում էր մի տօնական փառաւոր հանդէս, իսկ իմ սրտում հնչում էր մեղամաղձիկ, ծանր ու մռայլոտ վշտերգ: Ճիշտ այդպէս բնութեան սիրահար մի դատապարտուած, որ արշալոյսի ժամին գլուխը պէտք է դնէ դահճի կացնի տակ, ուշադրութեան մի մասն է միայն զբաղեցնում բնութեան վսեմ հրաշալիքով, իսկ մեծագոյն մասը գրաւուած է հոգեկան յոյզերով, տխուր և տրտում խոհերով: Եւ իրօք. ես երբեք չէի տխրել այնպէս: Կանգնած մեն-մենակ բարձր պատշգամբի վրայ, աչքերս յառած դէպի հեռուն, մտորմունքների մէջ խորասուզուած: Ի՞նչ էր պատահել: Չէ՞ որ իրաւունք ունէի այդ օրը բոլորից շատ ուրախ և զուարթ լինելու: Աւարտմանս վկայականը պէտք է յանձնէին: Գիշեր և ցերեկ, տարիներ շարունակ սպասել էի այդ երջանիկ օրին: Պարտականութիւններս աշխատել էի անթերի կատարել: Արել էի այն բոլորը ինչ որ պահանջել էին, ինչ որ դատարակիչներս ճշմարիտ և խելացի ուսանողի գլխաւոր նպատակըն էին համարում և առաջադրում էին ինձ՝ կատարելու համար: Եւ այժմ, երկար ու ձիգ տարիներից յետոյ, ուսանողական պարտքերիս ու պարտականութիւններիս շրջանը բոլորելով՝ եկել հասել էր ցանկալի ժամը: Միայնացած առանձնութեան մէջ, վերջին անգամ կեանքի հոգսերից ազատ ուզում էի թափանցել հոգուս խորքը, քրքրել անցեալիս տխուր և ուրախ, մոայլ ու պայծառ յիշատակները: Մխիթարական շատ քիչ բան էի գտել վերյուշներիս մէջ: Հէնց դրա համար էլ այդ ժամին այդպէս յուսահատ էի տրտում և թալկադէմ:

Տարիների մի ամբողջ շարք: Ի՞նչ եմ արել, ի՞նչ բանի համար եմ պատրաստուել և այժմ ռւր պիտի զնամ: Արդեօք ես գիտեմ իմ նպատակը, գիտեմ թէ քայլերս ռւր պիտի ուղղեմ: Ն'ս, որ ամեն օր թութակի պէս կրկնում էի սեփական ոյժերի վրայ

վստահանալու և յենուելու գաղափարը, ինքնավստահութիւն և հաւատ՝ յաջողութեան համար, ես, որ միշտ զգուշացնում էի ուրիշներին օտար հովանաւորութիւններից խուսափելու մասին, այժմ գիտակցութիւնս պարզօրէն ինձ հասկացնել է տալիս, որ կարօտ եմ հովանաւորութեան և առանց ուժեղ նեցուկի շուտափոյթ, պէտք է կորստեան վտանգի ենթարկուեմ և զահաւիժուեմ զէպի մի անդունդ, որտեղ լռում են կեանքն ու հրգը:

Այսպէս վշտագին մրմնջում էի դառնակսկիծ շեշտերով խեղտուկ ձայնով է հառաչանքներով: Նոյն եղանակով շարունակում էի խորհրդածութիւններս, աւելի և աւելի խորասուզուելով մտահոգութեան և մռայլութեան մէջ:

—Ուրեմն տարիների մի պատկառելի շարքը, դառն ու վըշտոտ օրերի վիթխարի քանակը կորե՛լ են ինձ համար ապարդիւն, առանց մի շօշափելի հետք թողնելու, առանց օգտի, մխիթարութեան: Էլ ինչո՞ւ համար թոքեր մաշել, փոշի ծծել, անքուն գիշերներ սպանել, երբ վերջ ի վերջոյ պէտք է ֆնաս ձեռնունայն, դատարկ և կեանքի համար անպէտք ու ոչինչ լինելու խայթիչ, մեռցնող գիտակցութեամբ: Բայց մի՞թէ ես մեղաւոր եմ, մի՞թէ չեմ արել այն, ինչ որ ներել են իմ ոյժերը, ինչ որ հնարաւոր է եղել: Ես ծոյլ չեմ եղել, այլ չափազանց աշխատասէր, տոկուն, եռանդոտ: Ի՞նչպէս և ի՞նչով բացատրել այս առեղծուածը: Ես ինձ անսլարտ էի համարում և իբրև մի անմեղ զոհ ներկայանում ներքին դատաստանիս առաջ:

Հապա ո՞վ էր մեղաւոր:

II

Ուսանող Աշոտ Դրանիկեանն հմեւ.—ունևոր ծնողների զաւակ: Մանկութիւնս և պատանեկութիւնս անցրել եմ հայրենիքում, ծնողներին մօտ: Ուրախ և բախտաւոր օրեր շատ չեմ տեսել: Ուսումս շարունակելու համար՝ հարկադրուած, գրեթէ փախէփախ, օտարութիւն եմ գիմել: Նոր կեանքն ու նոր պայմանները բաւական ազդել են կենցաղիս, վարք ու բարքիս ընթացքիս վրայ:

Տգէտ էին ծնողներս: Հայրս՝ բռնակալ, մայրս՝ ստրուկ: Ընտանեկան միջավայրից ստացած տպաւորութիւններս անմխիթար, ճնշող և անհրապոյր էին: Սաւարի թագաւորութիւն, ապականութեան բոյն,—այսպէս եմ անուանում այն ընթանիքը, որտեղ անցրել եմ ամենի համար այնքան քաղցր մանկութեան և պատանեկութեան տարիներս:

Հայրս մի հրէշ էր, որ իւր անբարոյական, զգուշի և կեղ-

տոտ վարքով ամբողջ ընտանիքի ներքին կեանքի վրայ մի սև բիծ էր թողել: Դրսում մեր ընտանիքը քիչ թէ շատ յարգուած էր, որովհետև հայրս այն մարդկանցից չէր, որոնք այնքան հեշտութեամբ կարողանում են մատնել իրանց ընտանեկան կեանքի գաղտնիքները: Ապրում էր ըստ երևոյթի երջանիկ և նախանձելի կեանքով: Պահում էր մի շարք ծառաներ: Բոլորի հետ էլ այս կամ այն կերպ կապուած էր: Ունէր երկու աղախին և մի սպասաւոր: Աղախիներէից մէկը իւր նախկին ընկեր-վաճառականի կիներն էր, որի ամուսնուն ճարպիկ կերպով կարողացել էր աղքատացնել, սնանկ հրատարակել և թորախտով հիւանդացնելով գերեզման գլորել: Այժմ նրա կնոջ և երկու հրեխաներին պահում էր «հոգու համար» ամուսնու տասնհակ հազարներից բաղկացած դրամազուլիւր պարարտ քսակի մէջ ղետեղելուց յետոյ: Միւս աղախինը մի դեռահաս աղջիկ էր, որի հետ յանցաւոր կապեր ունէր: Հօրս էական գծերից մէկն էլ այն էր, որ նա սարսափելի ժլատ էր: Սակայն ժլատ՝ պէտք է խոստովանել՝ ոչ իւր ընտանիքի համար, ուստի-խմող, զուարճասէր մարդ էր: Ժլատութեան ախտը սոսկալի ձեւերով էր արտայայտուում նրա գործառնութիւնների մէջ: Ես պարզ յիշում եմ նրա մի երազի պատմութիւնը, որ այնուհետև զարմանալի ազդեցութիւն ունեցաւ նրա կեանքի վրայ և որի յիշատակն անջնջելի մնաց մինչև վերջը: Հայրս պատմում էր, որ մի գիշեր տեսել է, որ ինքը իբր թէ անցնում է մի սոսկավիթլար մեծութիւն ունեցող, հսկայափառ սարի տակով: Գարնանային մի գեղեցիկ օր է լինում, յանկարծ լսում է մի որոտընդոստ, հուժկու ձայն: Սարսափում է և դողում: Սարից ճեղքւում և պոկւում է մի խոշոր բեկոր և ընկնում ներքև: Նա ահաբեկւում է. վտանգն անցնում է անփնս: Վայր ընկած քարաբեկորը ոսկու գոյն է ստանում, հայրս մօտենում է և համոզւում, որ ոսկի է դարձել այն: Մի գերբնական ոյժի զօրութեամբ վերցնում է և բերում տուն: Այնուհետև հարստանում է, այն էլ լինչպէս: Աշխարհիս ամենամեծ միլիօնատէրերը նրա սպասաւորներն են դառնում: Նա ապրում է փարթամ, ճոխ և երջանիկ կեանքով:

Այս երսիցը հօրս վրայ ահագին ազդեցութիւն էր թողել. նա ամբողջովին համակուեց հարստանալու տենչով և ձգտումով: Ոչ մի բան նրա համար այնքան թանկ և ազդեցիկ չէր, որքան այդ ձգտման առաջ բերած յոյզը, սրտի թրթիռը: Հօրս հոգին որոշ չափով մեղմացաւ, փափկացաւ և բանաստեղծական ցնորքների, մտորման և խոհանքի քնակարան եղաւ: Ի հարկէ, ընդհանուր ընթացքը, վարք ու բարքը չը փոխեց: Նա մնաց նախկին անբարոյականը, կրքոտը: Իւրաքանչիւր մի հնչիւն, իւրա-

քանչիւր մի շշուկ և ամենաչնչին ձայն՝ երազանքի գիշերուանից յետոյ՝ նրան գրաւում էր, սիրտը շարժում և ալեկոծում: Նրա աչքերում արտասուքի կաթիլներ էին ելևում այդպիսի բոպէներին. նա մի տեսակ հոգեկան հրազայոյզ վիճակի մէջ էր ընկնում, սրտադողի վեր էր թռչում և գոչում «ձայնը, ձայնը», որով ուզում էր յիշեցնել բեկորի ճեղքուելու, պոկուելու ձայնը: Շատ անգամ էլ զրուցելիս խօսքի թելը կտրում էր և ամբողջ ուշադրութիւնը լարում որևէ ձայն լսելու համար, լինի դա ժամացոյցի թէ արծաթէ գդալի զրնգոց: Քոյրերիցս մէկը գրեթէ ամեն իրիկուն դաշնակարանի վրայ նուագում էր հօրս համար: Գեղեցիկ նուագները գրաւում էին նրա հոգին, զմայլեցուցիչ յոյզերի մէջ նետում: Նրանք յիշեցնում էին հօրս՝ երազի մէջ տեսած այն գարնանային սքանչելի օրը, երբ տեղի ունեցաւ նոյնքան և աւելի հրաշալի հրաշքը: Մէկ էլ տեսար հայրս իրիկնադէմին եկաւ տուն և խսկոյն քրոջս թևից բռնեց, տարաւ դաշնակարանի մօտ և սկսեց մեղմ, փաղաքշիչ ձայնով խօսել. «Աղջիկս, արի նստիր և նուագիր, բայց այնպէս լաւ, այնպէս լաւ, որ ես կարծեմ, թէ գարունք է, ուրը առջևս է, յանկարծ բեկում է բեկորը և ես մի ձայն եմ լսում, մի խորհրդաւոր, զմայլեցնող ձայն»: Քոյրս նստում էր և սկսում նուագել: Հայրս էլ էր նստում դաշնակարանի կողքին. զլուսը յենած ձեռքերին: Աղջիկը սկսում է նուագը: Մի քանի բոպէից յետոյ հայրս սրտաթոււնդ ցատկում էր և գոչում բարձրաձայն գրեթէ գոռալով. «Ձայնը, ձայնը»:

Այո, հօրս այլանդակ պատկերը իմ յիշողութեան մէջ միայն այդ պայծառ կէտն է թողել, եթէ միայն կարելի է այդպէս անուանել յիշեալ յատկութիւնը:

Մայրս մի խեղճ կին էր: Թէև բնաւորութեամբ բարի, բայց սահմանափակ խելքի տէր, մի բոլորովին խեղճ ու պարզամիտ անձն էր, որ կրթական ոչ մի ազդեցութիւն չէր կարող ունենալ զաւակների վրայ: Նա միահեծան, կրակոտ և դիւրաբորբոք ամուսնու հլու, հնազանդ գերին էր: Այդ կինը շատ բան գիտէր իւր ամուսնու արարքների մասին, իւր աչքի առաջ, իւր ընտանեկան յարկի տակ ամուսինը գործում էր ամեն տեսակ խայտառակութիւններ, անասելի յանգստութիւններ: Խնչպէս մնայլ ու արցունքոտ էին անցնում նրա օրերը: Ո՛չ մի ուրախութիւն, ոչ մի երջանիկ վայրկեան: Նա այրւում, տապալկում էր, բայց բողբոջ ժպիլի ամուսնու անօրէնութիւնների դէմ, ձայն ու ծպտուն հանել չէր կարող: Նա այնքան խղճուկ, այնքան ապիկար կին էր, որ իւր միշտ արգահատանք շարժող խուլ բողբոջներով սիրտը ցաւեցնում, կսկծեցնում էր: Արտասուաթոր աչքերով գիշեր-

ներ էր լուսացնում: Ամուսինը թղթախաղի հերոս էր: Նա խմում էլ էր: Եւ այդ բոլորի պատճառով տուժողը, տանջուողը խեղճ ու կրակ այդ տգէտ կիւնն էր: Միայն ամուսինը չէր նրան հոգեպէս սպանողը, զաւակներն ևս պակաս չէին նրան վիշտ ու հոգս պատճառում: Նա ունէր երկու տղայ և երկու աղջիկ. տղաներից աւագը—ես եմ: Իսկ փոքրը տեղական դպրոցի մի աշակերտ՝ 18 տարեկան: Մի փչացած, վաղահաս, կրքոտ և անբարոյական արարած, որ ամբողջ օրեր զուարճութիւնների, կեր ու խումի, վատ ընկերների և յանցաւոր վարք ու բարքի տէր կանանց շրջանում էր անցկացնում: Ոչինչ չէր ազդում նրա վրայ. ոչ դպրանոցի վարչութեան յորդորները, ոչ «բարեացակամ» հօրս մշտամրմունջ խրատներն ու սպառնալիքները, որոնք աւելի և աւելի գրգռում էին նրան: Անսանձ, վայրենի բնազդների տէր մի խրատասիրտ տղայ էր: Զօրեղ կրքերի տէր, նպատակի հասնելու համար միջոցների մէջ խտրութիւն չ'դնող, անզուսպ ըզրացմունքների և դարձ մոլութիւնների գերի մի հեշտասէր էր: Ի՞նչ ասես, որ չէր գործում, ոչ աջ էր նայում, ոչ ձախ: Սարսափելի կնասէր էր: Մեր ղեռահաս աղախինը նրա հետ ևս կապեր ունէր: Մի գեղեցիկ օր այդ սիրուն աղջիկը յղացաւ, հայրս միջոցներ էր փնտրում վերահաս վտանգի, անպատեհութեան առաջն առնելու: Տղան իմացել էր, թէ բանը ինչու՞ն է: Անդիմադրելի զգացկոտութեամբ համակուած՝ ուղեց գնդակահար անել «երդմնադրուժ սիրեկանին», սակայն հօրս ջլապինդ ձեռքի մի հզօր հարուած նրան շնչասպառ փռեց գետնի վրայ:

Այդ չարաբաստիկ օրը ես գրեթէ փախայ հայրական տանից, չ'կարողանալով այլևս հանդուրժել շուրջս կատարուող սըրբապղծումներին, չարիքներին և նողկալի դէպքերին: Ես չէի կարող մնալ և կուռել, դեռ պատրաստ չէի զգում ինձ՝ կռիւ սկսելու մի ապականուած ու այլանդակ միջավայրի դէմ. ես փախայ, որպէսզի վերադառնայի աւելի գորեղացած:

Երկու քոյր էլ ունէի, որոնք մօրս համար ցաւ ու կրակ էին դարձել: Տեղական չորսդասեան օրիորդաց դպրանոցն աւարտել էին: Պատրաստուում էին գիմնազիա մտնելու: Պատրաստող ուսուցիչը մի օտարազգի երիտասարդ էր: Հայրենի քաղաքից հեռանալուց յետոյ՝ ընտանիքից ստացած իմ անցեալ տխուր տպաւորութիւններիս պակասը լրացրեց կրտսեր եղբայրս, յայտնելով նամակի միջոցով այնպիսի տեղեկութիւններ, որոնք ինձ համար այնքան էլ անյայտ և անսպասելի հանգամանքներ չէին. ես գրեթէ ամեն բան գիտէի, թէ և մութ և ոչ պարզ կերպով:

Նախազգում էի, որ համանման մի բան տեղի պիտի ունենար։
Եւ տեղի ունեցաւ։ Ահա թէ ինչ։ Քոյրերիս ուսուցիչը, օտա-
րազի երիտասարդը, մի ամբողջ պատմութիւն էր սարքեր։ Իւր
աշակերտուհիներին առանձին-առանձին սէր էր խոստացել, եր-
կուսին էլ խաբել, ամուսնութեան երդում տուել և մի գեղեցիկ
օր թողել նրանց ու շտապով հեռացել քաղաքից, Աստուած գիտէ
թէ որտեղ...

ԱՐՄԷՆ

Կը շարունակուի

Տ. ՄԵՍՐՈՊ Ա. ԱՐՏԱԶԵՑԻ

180. Չորեքտասաներորդ դարուն երրորդ քառորդին հասած ենք, որ է Ռուբինեանց անկման և կործանման միջոցը: Թէպէտ եղելութիւնը քաղաքական, սակայն իւր եկեղեցական նշանակութիւնն ալ ունի, քանի որ կրօնային ուղղութեան և օտարասէր զգացմանց արդիւնքն եղաւ: Կիլիկիոյ քրիստոնեայ իշխանութեան անհնար պիտի չըլլար Եգիպտոսի հզօր իշխանութեան մօտ ապրիլ, եթէ Լատինաց հետ մտերմական և ներքին յարաբերութիւններ մշակելով կասկածելի չդառնար Եգիպտացւոց աչքին և եթէ Արևմուտքէ խոստացուած օգնութիւնները խաբէական միջոցներ չլինէին լոկ կրօնական հպատակութիւն մը կորզելու: Բայց մեք պատմութիւնը պիտի ներկայացնենք միայն, և քաղաքական կացութիւնը պատկերացնելու համար, քանի մը տեղեկութիւններ աւելցնենք: Կոստանդին Պաղտինեան տասնուհինգ տարիէ ի վեր կը թագաւորէր, երբ Յակոբ Բ. մեռաւ, և Մեսրոպ Արտազեցի կաթողիկոսացաւ (1359): Սորա չորրորդ տարին մեռաւ Կոստանդին (1363), և ժառանգ չթողուց, որովհետև զաւակները ծաղիկ հասակի մէջ մեռած էին: Կիպրոսի Լուսինեանները ուղեցին գահը գրաւել, և անմիջապէս Ճիվանի որդին Բոէմոնդը Հոովմ զրկեցին, որպէսզի պապէն պսակուելով և օգնութիւններ ընդունելով Կիլիկիա դառնայ. այլ Բոէմոնդ ճանպորդութեան ատեն Վենետիկի մէջ մեռաւ (1363): Կիլիկիոյ ազգային կուսակցութիւնը, որ ժառանգական խնդրով ժամովաճառ կը լինէր, վերջապէս համաձայնեցաւ վախճանելոյն հօրեղբորորդին թագաւորեցնել, որ էր Լևոն Ե.-ի խնամակալներէն Հեթումի որդին Կոստանդին, Նզըրի իշխանը (1364): Նոյն միջոցին Կիպրոսի թագաւոր Պետրոս Լուսինեան Հոովմ գացած էր, և Ուրբանոս Ե. պապէն կոնդակ ստացաւ, որպէս զի վախճանեալ Ճիվանեան Բոէմոնդի տեղ անոր կրտսեր եղբայրը Լևոն, Հայոց թագաւոր հռչակուի: Հոովմէ զառնալուն Պետրոս տեսաւ որ Կոստանդին Հեթումեան արդէն թագաւոր հռչակուած էր: Սա կանխից և առատ ընծաներով և խոստումնա-

րով Պետրոսի պաշտպանութիւնը խնդրեց, Պետրոս հաւանեցաւ և պապէն առած կոնդակը մէջ տեղ չը հանեց (1364), մանաւանդ որ Կոստանդին նոյն իսկ Կոնիկոսը ու Կիլիկիոյ մէկ մասը Պետրոսի չը թողուր: Հինգ տարի ետքը Պետրոս սպանուեցաւ (1369) երբ Կիլիկիա պիտի անցնէր, և Յովհաննէս Լուսինեան Կիպրոսի թագաւորութեան ինամակալ եղաւ: Կոստանդին այն ալ շահեցաւ, և իւր իշխանութիւնը շարունակեց, մինչև որ Պետրոս Ա.-ի որդին Պետրոս Բ. հօրը իշխանութիւնը ստանձնեց (1373):

181. Մեսրոպ կաթողիկոս, որ Յակոբ Բ.-ի յաջորդեց (1359), Արտագեցի կը կոչուէր, վառնզի Արտագու Ս. Թագէոս մայրավանքին առաջնորդն էր, և Թերևս Զաքարիա Ծործորեցիի անմիջական յաջորդը, որ յայտնի էր իբր Սոյ կանոններուն պաշտպան մը: Հարկաւ Մեսրոպ ալ նոյն հոգևով տոգորուած էր, և ուրիշ կերպ ալ չկրնար եղած ըլլալ, վասնի որ կրցաւ Պաղտինեան Կոստանդինի պաշտպանութեան ներքև կաթողիկոսական աթոռ բարձրանալ, առանց Կիլիկիոյ եպիսկոպոսներէն լինելու: Նոյն բանը կը հաստատուի նաև այն պատուով ցոյցով, զոր Մեսրոպ ընծայեց Իննովկենտիոս Զ. պապին, իւր գահակալութիւնը ծանուցանելով անոր յոյժ պատուադիր զգացումներով: Այսու հանդերձ Մեսրոպի վրայ կը գտնենք աղգային եկեղեցւոյ և հնաւանդ ծէսերու անկեղծ սէր մը, որով կը ձեռնարկէ անոնք վերակենդանացնել և նորամուտ սովորութիւնները հետզհետէ խափանել: Ազգին զայթակղութեան ամենամեծ կէտն էր բաժակին ջուր խառնելը. և Մեսրոպ յաջողեցաւ նոր ժողով մը գումարել ի Սիս (1361), և պաշտօնապէս ջնջել Սոյ գլուխներուն այն կանոնը, որ բաժակին ջուր խառնելուն կը պատկանէր: Թէպէտ միայն այս կէտը կը գտնենք պատմագիրներէն յիշուած, սակայն այդ միակ կէտն ալ բաւական է դիտելու, թէ ինչպէս Սոյ նախընթաց ժողովին (1307) սկսելով հետզհետ աճող ու զօրացող լատինամոլութիւնը սկսաւ տեղի տալ և աւաղել: Մեսրոպ իւր այդ նորոշմամբ խղած կըլլար Հռոմի հետ ներքին կապակցութիւնը, և իրաւունք ալ ունէր, վասնի զի քաղաքական օգնութեանց պայմանով հաստատուած կրօնական յարաբերութիւն մը՝ այլ ևս գոյութեան պատճառ չունէր, երբոր քաղաքական յարաբերութիւններ ջնջուելու աստիճանին հասած էին: Եգիպտացիք զրաւած էին Ադանան և Տարսոնը (1360), իսկ Լատինացիք և ոչ իսկ օգնելու շարժում կը ցուցնէին: Կոստանդին Պաղտինեան, որ դեռ կը թագաւորէր, նա ալ վերջի վերջոյ համոզուած էր նոյն գաղափարին, որ ազատաբար թող տուաւ Մեսրոպին ժողովական որոշմամբ հակալատին զործողութեան մը յանգիլ: Մեսրոպի վրայ ուրիշ գիտելիք չունինք, բայց եթէ տաս-

սուերեք տարի պաշտօնավարելէ յետոյ խաղաղութեամբ վախճանիլը (1372):

Տ. ԿՈՍՏԱՆԴԻՆ Ե. ՍՍԵՑԻ

182. Մեսրոպ յաջողցուցեր և նուիրագործեր էր Հեթումեան Կոստանդինի թագաւորութիւնը, որ նուազ ևս միտեալ էր Լատիններուն կողմը, քան իւր նախորդը իւր վերջին տարիներուն մէջ: Փոխանակ պապական հովանաւորութեան դիմելու, նա յաջողած էր դրամի գօրութեամբ շահիլ Կիպրոսի Լուսինեան թագաւորն ու խնամակալը, որք շահու և դրամի սիրոյն մինչև իսկ պապական կոնդակ մը ծածկելու և մերձաւոր ազգականի մը կարծեցեալ իրաւունքը անարգելու համարձակած էին: Կոստանդին Հեթումեան պապերէն յոյս մը պիտի չունենար. քանի որ անոնք Լուսինեան Լեւոնը, Ճիվանի որդին, թագաւորեցնելու որոշում տուած էին: Մեսրոպի յաջորդը ընտրուեցաւ Հեթումեան Կոստանդինի հովանաւորութեամբ, և եղաւ Կոստանդին անուն եպիսկոպոս մը, զոր պիտի կոչեմք Կոստանդին Ե. Սսեցի (1372), այլ ոչ իւր նախնի թացին և ոչ իւր գործունէութեան վրայ կարող ենք տեղեկութիւններ տալ: Մխիթար կաթողիկոսի ժողովին մէջ Կոստանդին անունով եպիսկոպոս մը կայ, Կիլիկիոյ վիճակներէն, այլ վիճակն ալ չէ յիշուած և նոյնութիւնն ալ հաստատել գտուար է: Թագաւորութիւնը կարի անձուկ սահմաններու մէջ փակուած էր ի Սիս, զի Ադանա և Տարսոն Եգիպտացւոց ձեռքն էին, և անոնց կողմէն ամիրա մը կը նստէր Տարսոնի մէջ, որ Մանչակ կոչուած է Թլկուրանցիին քերթուածներուն մէջ (Սիսուան 225): Մանչակ քանիցս Սոյ վրայ յարձակեցաւ, և Կոստանդին թագաւոր յուսահատութեան մէջ ինկած անձնատուր լինել կը պատրաստուէր, արքունի գանձերը ապահովելով: Այդ պարագային կը զօրանայ Լուսինեանց կուսակցութիւնը, որուն համամիտ կը գտնուէին Կոստանդին կաթողիկոս, և Մարիամ թագուհի, Պաղտինեան Կոստանդինի կինը, որ Օշին պայլին և Յովհաննա թագուհին աղջիկն էր:

183. Հեթումեան Կոստանդինի հակառակ կուսակցութիւնը, տեղեկանալով թէ Կոստանդին արդէն բանակցած է Եգիպտացւոց հետ Սիսը անոնց յանձնելու, սպաննեց զայն (1373 ապրիլ) տասը տարի թագաւորութենէ ետքը, և թագաւորութեան խնամակալ հռչակեց Պաղտինեան Կոստանդինի այրին Մարիամ թագուհին, և անմիջապէս պատգամաւորութիւն մը ղրկեց Կիպրոս, Պետրոս Բ. թագաւորին, որպէս զի Ճիվանեան Լեւոնի թագաւորիւնն օգնէ

Պատգամաւորութիւնը Լեոնի ալ ներկայանալով ծանոյց Կոստանդինի սպանութիւնը, և զինքն թագաւորութեան հրաւիրեց յանուն խնամակալուհւոյն և յանուն կաթողիկոսին, որ պէտք է լինի նախայիշատակեալ Կոստանդին Ե. (Դարդել 70): Պետրոս և Լեոն հաճեցան պատգամաւորութեան առաջարկին. այլ գործադրութիւնը խափանուեցաւ, որովհետև Կիպրացիք պատերազմ ունէին Գինուացւոց հետ, և Պետրոս Բ. պէտք ունէր Լեոնի, որ իւր զօրապետն էր: Այդ պատճառով, թէպէտ Լեոն պաշտօնապէս ստանձնեց Կիլիկիոյ թագաւորութիւնը (1373), այլ չորս անձերէ խնամակալութիւն մը կազմեց, որ իւր կողմանէ Կիլիկեան կառավարէ մինչև իւր գալը: Խնամակալներն էին. Մարիամ թագուհի Պաղտիսեան Կոստանդինի այրին, Ռեմի կոմսուհի նոյն Կոստանդինի քայլը ու Գուրտոնի եղբայր Բոեմոնդ Լուսինեանի այրին, Բարթողիմէոս սեպուհի նոյն Բոեմոնդի անհարազատ որդին, և Վասիլ իշխան պարոն Թորոսի որդին: Այս չորսերուն ընկերակից տրուեցան Կոստանդ սպետ, Լեոնի զինակիրը իբր զինուորական հրամանատար: և Մանուէլ իշխան, Նէպոլսոյ թագուհիին դստանը, որ հրաւիրակ եկեր էր Մարիամ թագուհին Նէպոլիս տանելու: Ազգային պատգամաւորները, որոց գլուխ էր Լեոն իշխան Համուսի, զադտադողի Սիս մտան, և պաշտօնապէս հրատարակեցին այդ կարգադրութիւնները, և Լեոնի դրօշը բարձրացուցին Սիսի ամրոցներուն վրայ (1373): Կոստանդին Ե. կաթողիկոս մասնակից էր այդ ամէն գործողութեանց, այլ երկար չեղաւ իւր պաշտօնավորութիւնը, զի միւս տարին (1374) վախճանեցաւ, երկու տարի կաթողիկոսութենէ յետոյ:

Տ. ՊՕՂՈՍ Ա. ՍՍԵՅԻ

184. Կոստանդինի մեռնելէն անմիջապէս ետքը, չորս խնամակալներու հովանաւորութեամբ կաթողիկոս ընտրուեցաւ (1374) Պօղոս եպիսկոպոս մը, որոյ նախնիքացը անձանօթ կը մնայ պատմութեան մէջ: Լեոն, թագաւորութեան յանձնառու ըլլալէ ետքը, շարունակեց Գինուացւոց դէմ պատերազմը վարել, այլ Համագոստաբերդին մէջ գերի ինկաւ, և հազիւ դրամով իւր ազատութիւնը ձեռք ձգեց, և Գինուացւոց պաշտպանութեամբ, մայրն ու կինը մէկտեղ առած Կիլիկիա անցաւ, և Կոռիկոսի ծովաբերդը ցամաք ելաւ (1374 ապրիլ 2): Այն տեղէն խորհեցաւ նախ Տարսոնի վրայ յարձակիլ, որոյ առումը զիւրին կը կարծէր, այլ Կոռիկոսի բերդապահին հակառակութեան երեսէն քիչ մնաց որ նորէն Գինուացւոց ձեռք իյնար: Կոռիկոսի հայ եպիսկոպոսին օգնութեամբ ծովաբերդէն մեկնեցաւ,

և Աղանայի գետաբերանին մօտ ցամաք ելաւ, և երկու օր անընդհատ և արշաւասոյր ընթացքով և միայն քսանուհինգ հեծեալներու ընկերակցութեամբ Սիս հասաւ և մեծաւ փառօք քաղաք մտաւ (1374 յուլիս 26): Պօղոս կաթողիկոս կը գանուէր Սսեցի բազմութեան գլուխը, որ քաղաքէն երեք փարսախ հեռու նորեկ թագաւորը դիմաւորելու ելած էր: Լեոնի մայրը՝ իշխանուհին Սուլթան, և կինը՝ թագուհին Մարգարիտա, աւելի ուշ հասան հանգիստ ուղևորութեամբ: Հայեր ուղեցին որ Լեոն Հայոց ծէսով և կաթողիկոսին ձեռքով թագաւոր օծուի, այլ Լեոն հակառակեցաւ, պատճառելով թէ ինքն լատին ու հռովմէական է և իւր եկեղեցւոյն պաշտօնեաներէն միայն կրնայ օծուիլ, և թէ այդ նըպատակով արդէն Կիպրոսէն լատին եպիսկոպոս մը և լատին միառոն բերել տուած է, և թէ առաւել կը հաճի թագէն հրաժարիլ, քան թէ Հայոց կաթողիկոսէն օծում ընդունել (Դարդէլ 113): Բայց երբ տեսաւ թէ Հայեր շուտով չեն զիջանիր, իբրև յետին շնորհ ինքը զիջաւ, որ լատին եպիսկոպոսը աջ կողմէն և հայ կաթողիկոսը ձախ կողմէն, միատեղ եկեղեցի մտնեն, երկուքն ալ պատարագեն, և ապա ինքն նախ լատին եպիսկոպոսէն օծուի և յետոյ երկրորդ անգամ հայ կաթողիկոսէն ալ օծում ընդունի: Այդպէս ալ դորձադրուեցաւ (1374 սեպտեմբեր 14): Պօղոս կաթողիկոս, կ'երևի, չնեմեց Լեոնի Հայոց եկեղեցւոյն դէմ ըրած նախատինքը. վասնզի մինչ յառաջագոյն իւր նախորդին հետեւելով ամէն պատիւ ու պաշտպանութիւն չէր զլացած նորընտիր թագաւորին, այնուհետև միտքը փոխեց, և Լեոնի հակառակ կուսակութեան մէջ կը գտնենք իւր անունը:

185. Այդ կուսակցութիւնը որ արդէն կար, և նախկին թագաւորներու բարեկամներէն կազմուած էր, ստուարացաւ օծման միջադէպով, և աւելի ալ շատցաւ երբ Լեոն սկսաւ ինամակալները նեղել գանձի հաշիւ պահանջելով, և անոնցմէ Վասիլ իշխանը, ու Հեթումեան Կոստանդինի այրի թագուհին ժամանակ մը բանտարկեց ալ: Այդ առթիւ Աշոտ իշխան մը՝ ալ, որ բանտարկեալ թագուհւոյն եղբայրն էր, սկսաւ հակառակութիւններ գրգռել Բերիայէ, ուր կը գտնուէր, այնպէս որ Լեոն շուտով վարկը կորսնցուց, մինչև իսկ կուսակցութիւն մըն ալ կազմուեցաւ Լեոնը թշնամիներուն յանձնելով շարունակ պատերազմներէ ազատելու: Արդէն Սսոյ արտերն իսկ թշնամիին առջև բաց էին, և ութը տարիներէ իվեր մշակութիւնը դադրած էր, և պարէն բերող սայլերն ու գրաստները չէին կրնար ապահով երթեկեկել: Նոր տարւոյն սկիզբէն (1375 յունուար 5) Եգիպտացիք զօրաւոր բանակով պաշարած էին Սիսը, և ոչ ուստեք օգնութեան յոյս չէր մնացած:

Լևոն Սսեցիներու վրայ վստահ ըլլալու համար, կաթողիկոսէն սկսելով բոլոր եկեղեցականներէն և աշխարհականներէն հաւատարմութեան նոր երդում պահանջեց: Նոյն միջոցին Մելիք ամիրա, Հալէպի կառավարիչը, նոր բանակով Սսոյ պաշարումը պնդեց (1375 փետրուար 24), և սոքն ու տագնապը քաղաքին մէջ ծանրացան: Լևոն ևս քանզևս ատելի դարձաւ, և Հայերը, Պօղոս կաթողիկոսի գլխաւորութեամբ, սկսան հաշտութիւն խնդրելու հոգ տանել, մինչ Լևոն պատերազմը շարունակել կուզէր: Նոյն իսկ Լևոնի Կիպրոսէ բերած լատին սպանները, սկսան իրեն դէմ դառնալ, և միջնաբերդը մտնելով կ'ուզէին զինքն սպաննել (1375 մարտ 24). բայց Լևոն յաջողեցաւ փախչել ու ազատիլ: Լատին հակառակորդներ օր մը ամրացեալ մնացին բերդին մէջ, և Լևոնի հայ զինուորներուն յարձակումները ընկրկեցին. այլ Դոմինիկեան կրօնաւոր մը գաղտնի մուտք մը գտաւ, և հայ զինուորներ յաջողեցան նորէն միջնաբերդին տիրանալ (1375 մարտ 25):

136. Որչափ և Հայեր Լևոնի պաշտպանութեան համար լատին դաւաճաններուն դէմ ելան, սակայն տեսնելով որ ազատութեան յոյս չկայ. և արտաքին օգնութեան նշոյլն իսկ չերևիր, կաթողիկոսի նախադաշնութեամբ խորհրդակցութեան հաւաքուեցան, ու որոշեցին Եգիպտացիներուն անձնատուր ըլլալ, և որոշումին Լևոնի հաղորդեցին: Սա թէպէտ ևս իր կողմը բնաւ մէկը չունէր, և իւր ընտանեօք առանձնացած սենեկի մը մէջ վիրաւոր կը պառկէր, այսու հանդերձ համաձայնել չուզեց, սակայն Պօղոս կաթողիկոս և Վասիլ նախկին խնամակալ, յանուն քաղաքացւոց, իրենց որոշումը յայտնեցին Մելիք Այշեխուր ամիրային, և Լևոնի անձին համար ալ ապահովութեան թուղթ մը ստանալով, բերդը դարձան: Ամիրայն անհակառակ մտաւ և բերդին տիրեց առանց նոր արիւնհեղութեան, և Լևոնէն ալ առաւ բերդին բանալիները և գանձին հարստութիւնները: Քանի մը օր ետքը (1375 ապրիլ 22) Լևոն և իրենները, իբր քսան հոգի, բերդէն հանուելով Հալէպ տարուեցան, անկէ ալ Եգիպտոս: Լատին պատմիչը կը դիտէ, թէ ճիշտ զատիկ օրն էր, երբ Լևոն իբր գերի Սսոյ բերդէն կը մեկնէր, և ճիշտ նախընթաց զատիկի օրն ալ Կոռիկոսի բերդը հասած էր իբրև նորընտիր թագաւոր (Դարդէլ 89): Մեր նպատակէն դուրս է քաղաքական եղելութեանց վրայ աւելի երկարել:

137. Պօղոս կաթողիկոսին շատ տխուր կերպարան մը կը վերագրէ լատին պատմիչը (Դարդէլ 138) ցուցնելով զայն իբրև ուխտադրուժ մատնիչներու գլխաւորը, և Սսոյ անկումին մէջ աւելի դեր մը տալով Պօղոսի, քան որչափ որ Լատիւլիւրացիին կուտայ Պետրոսի Անիի անկումին մէջ: Սակայն զարմանալի չէ,

որ անկեալ իշխանի մը ջատագովը համարձակ մեղադրէ անոր համակիր չեղողները: Մենք չպիտի համարձակէինք Հայոց եկեղեցին անարգողի հանգամանքն աւելցնել Լեոնի յիշատակին, եթէ իւր իսկ մտերիմը յստակ խօսքերով չպատմէր զայն: Իսկ հայ եկեղեցւոյ կաթողիկոսի մը յիշատակին չպիտի կարենանք անպաստ խօսել, երբ նա իւր եկեղեցին անարգողին համակիր չկրցաւ մնալ, թէպէտ սկիզբէն ամէն համակրութիւն և օգնութիւն ցուցուց առատապէս, երբ տակաւին ազգի և եկեղեցւոյ պաշտօն մը կը սպասէր գտնել անոր մէջ: Լեոնի ազգային պաշտպանութեան համար ընելիքն ալ իւր նշանակութիւնը կը կորսնցնէ, երբ նկատենք, որ տէրութիւնը կործանուած էր արդէն այն վայրկեանէն, որ ամբողջ թագաւորութիւնը Սոյ պարիսպներէն ներս միայն ամփոփուած էր, և Լեոն իւր նշանակութիւնը կորուսած էր այն օրէն, որ Արեւմտքի հզօր օգնութիւններով սպասուած թագաւորը, միայն քսանուհինգ հեծեալներով Սիս կը հասնէր: Նոյնիսկ այդ Լատին հեծեալներն էին որ Լեոնի դէմ ապստամբեցան, և ծանր վտանգին մէջ նորէն Սսեցի Հայերը եղան, որ կաթողիկոսին հրամանին հետեւելով, Լեոնի անձը պաշտպանեցին և ազատեցին: Երբ որ այլևս պատերազմի միջոցները կը պակսէին, խոհական խաղաղութիւնն էր որ պարագայից կը պատշաճէր, սակայն այս անգամ ալ Պօղոսի խորհուրդները Լեոնի մերժուեցան, հայ կեանքերը անխորհուրդ ամբարտաւանութեան զոհելու նպատակով: Այդ խորհրդածութիւնները մեծ կշիռ ունին այն դատաստանի մէջ, զոր պէտք է կազմենք Պօղոսի վրայ: Պէտք չէ նաև աչքէ վրիպեցնել, որ վերջին երեք կաթողիկոսները, Մեսրոպ ու Կոստանդին ու Պօղոս եղան, որոնք Անաւարդեցիէն սկսելով դէպի Լատինականութիւն տանող հոսանքը կեցուցին, և ազգային եկեղեցւոյն ինքնութիւնը զօրացուցին:

188. Պօղոս իբր կաթողիկոս և իբր ազգի գլուխ անձնատուր լինելով, գերի ինկողներու թիւին մէջ անցաւ, և այնպէս ալ Սիսէ հանուելով Մէլէքի զինուորներուն հետ Հալէպ տարուեցաւ (1375 Ապրիլ 30) և միւսներուն հետ բոլոր մայիս ամիսը այնտեղ անցուց, և Եգիպտոսի Սուլթանէն եկած հրամանին համեմատ Հալէպէ մեկնելով (յունիս 1) Գահիրէ հասան (յուլիս 9): Քանի մի որ ամէնքն ալ արգելական պահուեցան, և ապա Էջրէֆ Շապան սուլթանին ներկայացան (յուլիս 22), որ յարգեց Մէլէքի տուած ապահովութեան զիրը. և գերեալներուն հարցուց թէ թեր կ'ուզեն մնալ: Լեոն իւր հաճութեամբ և Գահիրէի Հայերուն երաշխաւորութեամբ քաղաքին մէջ մնաց, Մարիամայրի թագուհին, և Ռիմի կոմսուհին, և սորա երկրորդ ամուսինը Սոհիէ կամ Շա-

հուն ասպետը՝ Երուսաղէմ գացին, Իսկ Պօղոս կաթողիկոս և Հայոց գլխաւորներ խնդրեցին իրենց տեղը դառնալ, և հաւատարմութեան խոստմամբ աղատութեան շնորհը ընդունեցան. և նոյն տարին (1375) չ'վերջացած Պօղոս կրցաւ Սսոյ աթոռը դառնալ: Այս պատճառաւ պարտաւորուեցաւ Պօղոս պաշտօնապէս դադրեցնել Հայոց թագաւորին համար աղօթքները, թէ պատարագէն և թէ ժամերգութենէն, ինչ որ անհրաժեշտ հետեանք էր Եգիպտոսի սուլթանին հպատակութիւնը ընդունելուն: Հատին պատմիչը կ'ըսէ, թէ է Հայոց առանձինն ինչ բարեք սովորութիւն, զի քահանայր ամենայն աղօթեն ի սուրբ պատարագին եւ յայլ մաղթանս հանապարօրեայս վասն թագաւորացն Հայոց վախճանելոց, և յալանէ յանուանէ վասն թագաւորին որ կենդանին է (Դարգէլ 154): Սակայն մի պարագայն ուղիղ չէ, վասնզի կենդանի թագաւորին համար աղօթքը ոչ թէ քահանայն կը ղրուցէ, այլ սարկաւազը կը հրաւիրէ, և ժողովուրդը կը պատասխանէ: Այդ փոփոխութեան հետեանօք է, որ թէ անդաստանի և թէ քարոզներու մէջ Հայոց թագաւորութեան և թագաւորին բացատրութիւնները Քրիստոնէից բացատրութեան փոխուած են. և այնպէս ալ կը շարունակեն: Պօղոսի մահուան նկատմամբ մասնաւոր տեղեկութիւն չունինք, միայն գիտենք թէ երեք տարի ալեծուփ պաշտօնավարութենէ ետքը խաղաղութեամբ վախճանեցաւ (1377): Պօղոս կը փակէ թագադիր գլուխներու գործակցութեամբ պաշտօնավարող կաթողիկոսներուն շարքը, որ սկսուած էր Գէորգ Բ. Գառնեցի հայրապետէն (876):

ՄԱՂԱՔԻԱ Ա. Ե. ՕՐՄԱՆԵԱՆ



Գ Ի Ի Ղ Ա Ց Ի Ն

Դաշտերը ծածկուեց սպիտակ սաւանով,
Գիւղացին հազիւ մտաւ ծածկի տակ.
Ամբողջ ամառը նա տանջուեց յուսով,
Որ ձմեռն ապրէ հանգիստ, անվաստակ.
Կերածը չոր հաց, խմածը՝ սառ ջուր,
Շատ քիչ է տեսել նա տաք կերակուր.
Խոնաւ գետինն էր նորա անկողին
Նա սպասում էր ցանկալի օրին.—
Հինգ խալվար ցորեն կալից կ'ծախեմ,
Գարու բերքովն էլ պարտքերս կ'տամ.
Աւելցած փողով հարսանիք կանեմ
Տղիս, աղջկանս, «ծաղը»*) կ'կանչեն.
Բայց ով տեղեակ է բնութեան խաղերին,
Նա չէ հաւատում այդ երազներին.
Մայիսին սաստիկ, մեծ կարկուտ տեղաց,
Խեղճի մուրազը փորումը մնաց.
Իսկ նա թնչ տարաւ իւր վար ու ցանքից
Եւ ինչ ստացաւ գարուց ու ցորնից.
Եկած բերքերը տուեց պարտքերին,
Տուն գնաց, դարդակ ջվալը ուսին.

*) Ծաղ կանչել. գիւղական սովորութիւն է, որ հարսնեքաւորները ընծայ են տալիս նորապսակներին ոսկու, արծաթեայ ամաններով և փողով, ըստ կարողութեան և պատուի:

Դարձեալ նորից պարտք, նոր ցորեն փոխ առ,
 Տուր մեծ վերադիր, մինչև գալող կալ.
 Այսպէս է ապրում թշուառ գիւղացին,
 Ամբողջ ձմեռը, ձեռները ծոցին:
 Բաղդաւոր է նա ով որ իւր տանից
 Սերմ ունի ցանած, բերած իւր կալից.
 Երջանիկ է նա, ով իւր գրպանից
 Հարկն է վճարում. հարուստ ամենքից.
 Իսկ դու շատերի ապրուստը գիտե՞ս.
 Գիւղի բարեկամ, գնա ինքդ տես,
 Մարդիկ տգէտ են, տիրում է խաւար,
 Մի դպրոց չ'կայ ողջ գիւղի համար.
 Արուեստանոցի տեղակ գինետուն.
 Այդ տունը քանդող, որջը, գիւղացուն.
 Զ'կայ գիւղական մի շտեմարան
 Նեղ օրուայ համար միակ յենարան,
 Իսկ բժշկական օգնութեան մասին
 Կարծես մտածող չ'կայ բնաւին.

Այդպէս են գիւղեր, մեծ շէն և աւան,
 Այդպէս է ամբողջ գաւառն Ապարան:

Մ. ԵՆԳԻՐԱՐԵԱՆ

ՊԱՏՄՈՒԹԻՒՆ ՍԱՍԱՆԵԱՆՑ

ԵՒ

ԻՐԱՆԻ ՆՈՒԱՃՈՒՄԸ ԱՐԱՅԱՑԻՆԵՐԻՑ

(Ա. Կրիմսկու)

Հազարեան ճեմարանի մասնադիտական դասարանների պրոֆ. Ազ. Կրիմսկու այս ստուար զիրքը, in 8, բաղկացած է 416 էջերից. աղբիւրները մանրամասնօրէն չիշուած են տաքն և հինգ էջերում (3—18) և են՝ հին յոյն և լատին պատմագիրներ. Պարսից, Ասորոց և Հայոց հեղինակներ, ի թիւս որոնց Եզնիկ, Եղիշէ, Սեբէոս, Մ. Խորենացի, հնախօսութիւն, հին դրամնթներ. արեւմտեան նորագոյն աղբիւրներից՝ Շպիդէլ, Ռօուլինսօն, Իւստի, Նեօլդեկէ, Բաուսն, Կլինտօն, Հերցերգ, Ռայթ և այլն:

Որովհետև Հայոց նոր զրականութեան մէջ շատ սակաւ տեղեկութիւններ ունինք Հայաստանի հին դրացիների մասին, որոնք երկար տարիների ընթացքում ոչ միայն ազդել են մեր նախնեաց վրայ իրանց կուլտուրայով, այլ և աւատական դրութեան մէջ են պահել Հայաստանը կամ բոլորովին տիրապետելով՝ բաժանել են նրան իրանց մէջ, այս պատճառով էս կարեւոր եւ համարում կանգ առնել չիշեալ զրուածքի վրայ և այնտեղից ամբողջ հատուածներ թարգմանել. իսկ այն դէպքերում, ուր պ. Կրիմսկի՝ Սասանեանց հարստութեան պատմութիւնը աւանդելիս, ակնարկներ է անում Հայոց վրայ, լրացնել մեր տոհմային պատմութիւնը Գարագաշեանից, Ք. Պատկանեանից և այլ աղբիւրներից. միով բանիւ աշխատել լուսաբանելու հայ Արշակունեաց արտաքին մասամբ ներքին քաղաքականութիւնը երկու դրացի պետութիւնների վերաբերութեամբ, կ'աջողուի՝

Մեծ հաճութեամբ տեղ ենք տալի մեր յարգ. աշխատակցի այս յօդուածին «Լուսայ»-ում. մի տեղ սակայն հեղինակը շտապել է Մ. Խորենացուն IX դ. հեղինակ լինելը վերջնական համարել. մինչդեռ, որքան մեզ յայտնի է, այդ խնդիրը դեռ երկար վիճաբանութեան նիւթ կարող է լինել, երբ լոյս տեսնի մեր մի այլ յարգ. աշխ. գիտն. Նորայր Բիւզանդացու ընդարձակ ուսումնասիրութիւնն այդ մասին: ԽՄԲ.

արդեօք մեզ հաշտեցնել Կրիմսկուն Գարազաշեանի հետ, թողնում ենք ընթերցողի դատողութեան:

Այս երկտող յառաջաբանից յետոյ դառնանք Կրիմսկու գրքին:

«Հայոց մատենագիրները, ասում է ռուս գիտնականը, բաւականին տեղեկութիւններ են բովանդակում իւրեանց զբոռածքների մէջ Սասանեանց հարստութեան մասին, որոնց վրայ յենլով պրօֆ. Բ. Պատկանեանը գրեց իւր հետեւեալ մագիստրոսական շարադրութիւնը՝ Опытъ Истории династии Сасанидовъ (փորձ Պատմութեան Սասանեան հարստութեան): Համեմատաբար Ասորոց հեղինակների հետ, հայ հեղինակները պակաս յուսալի աղբիւրներ են: Պարսկաստանի ասորիները նեստորական աղանդաւորներ լինելով՝ Հռովմայեցւոց արեւելեան կայսրութեան ռեսերիմ թշնամիներն էին, հալածուած Հռովմայեցիներից և այլ պատճառով նոքա վայելում էին ոչ միայն Սասանեանց համակրութիւնը (փոքր բացառութեամբ), այլ և յարատե հովանաւորութիւնը. Հայերը, ընդհակառակն, ձգտում էին Հռովմայեցւոց կայսրութեան կողմը, որի բնակիչների հետ հասարակական կրօնն էին դաւանում. ուստի Պարսից կառավարութիւնը շատ խիստ կերպով էր վարւում Հայերի հետ և հայ պատմիչները—ոչ անաչառ աղբիւրներ*) են պարսիկների վերաբերութեամբ: Բացի դորանից նոցա տեղեկութիւնները Պարսկաստանի բոլոր երևոյթների մասին աւելի պակաս են, քան Ասորոց մօտ, որոնց երկրում էր գտնւում Սասանեանց թագաւորների բուն մայրաքաղաքը:

Բայց այսուամենայնիւ այնպիսի անուններ, ինչպէս Եղնիկ V դարու (զրազաշտականութեան պատմութեան համար), Ե-

*) Արշակունեաց շրջանի մեր պատմիչների անաչառութիւնը բուն հայ իշխանների մասին ևս շատ կասկածելի է. Փ. Բիւզանդ, Եղիշէ, Ղ. Փարպեցի սիրահար են Մամիկոնեան տոհմի, Մ. Խորենացին գովաբանում է Բագրատունեաց ցեղի իշխաններին. ուրեմն, կուսակցական ոգւով են գրում. եթէ փոքր ինչ հեռու գնանք, մի քանի դար յետոյ, կտեսնենք Յովհան Մամիկոնեան եպիսկոպոսին, Յովհաննէս կաթողիկոսին, Թովմա Արծրունուն, Ստեփաննոս Օրբելեանին, որոնք գովում են Մամիկոնեան, Արծրունեաց և Սիւնեաց իշխանական տոհմերը: Մ. Շ.

դիշէ (դատողութիւններ ստանալան, մոգութեան քաղաքական դերի մասին), Սեբէոս եպիսկոպոս VII դարու (Սասանեանց վերջին ժամանակի վերաբերութեամբ) — հեղինակաւոր են հանդիսանում: Զափաղանց ընկած է այժմ ամենահռչակաւոր Հայոց պատմադիր Մ. Խորենացու, ազգային «Հայոց Պատմութեան» հեղինակի վարկը, ուր (պատմութեան մէջ) սփռուած են երբեմն տեղեկութիւններ Պարսկաստանի մասին: Առաջ կարծում էին, թէ Մովսէս Խորենացին ապրում էր V դարում: Այժմ կարելի է լիովին ապացուցուած համարել, որ նա ամենէին V դարում չէ ապրել և ժամանակակից չէ եղել հնագոյն անցքերի, այլ հաւաքել է ուրիշի հաղորդածները և այս թւում Յունաց: Ինչպէս այժմ (Գարագաշեան և Կառիերի նախածնունդութեամբ) վերջնականապէս ապացուցուած է պրօֆ. Գ. Խալաթեանցի մահրակրկիտ քննութեամբ, Մ. Խորենացին օգտուել է VII—VIII դ. աղբիւրներից. հետեւաբար, հարկ է եզրակացնել, որ նա գրել է VIII-դ վերջում կամ IX-ի սկզբում: Շատ կարեւոր է հին պարսկց վէպի*) մասին այն տեղը Մ. Խորենացու մօտ, ուր նա հաղորդում է հին պարսկական զրոյցը Բիւրասպ Աժ-դահակի (Զոհակ), ինչպէս նորան կոչում է Մատեան Թագաւորաց (Շահ-Նամէ) նաև Ռոստոմի մասին**):

Այժմ դիմենք բուն Սասանեանց պատմութեան, որ սերտ յարնչութիւն ունենալով Հայոց պատմութեան հետ, միանգամայն նոր լոյս է սփռում նորա վրայ, լուսաբանում է Հայոց քաղաքական անցեալ կեանքի շատ հանգամանքները: Ուշի ուշով կարդալով Կրիմսկու այս նշանաւոր երկը, մեր սակաւաթիւ բանասէրները կհամոզուին, որ առանց ուսումնասիրելու՝ հաստատանի երկու դրացի մեծ կուլտուրական պետութիւնների, այն է՝ Պարսից Սասանեանց միահեծան տէրութեան և բիւզանդական Հայսրութեան պատմութեանը անհնար է հասկանալ մեր ազգային պատմութիւնը: Մեր նախնիքը անծնոնհաս եղան

*) Պարսից առասպելեաց:

**) Քանի որ Սեբէոսը (VII-դ) ճանաչում է Մ. Խորենացուն, այս վերջինս չէր կարող ապրել VIII կամ IX դարում: Մ. Շ.

հզոր կենդրոնական իշխանութիւն ստեղծելու մայր երկրում: Հայր, ասում էր հանգ. պրոֆ. Բ. Պատկանեանը, միշտ հաւատարիմ ծառայ էր օտարին, և վատ տնտես իւր տանը: Բայց այն ժամանակից յետոյ երեսուն տարիներ են արդէն անցել և ներկայումս հայադիտութիւնը և արեւելեան ազգերի պատմութիւնը հոխացած են նորանոր ուսումնասիրութիւններով և հետազոտութիւններով, որոնցից դժուար չէ գուշակել, որ Սասանեանց օրերում հզոր Հայաստանի գոյութիւնը ձեռնտու չէր ոչ Պարսից ոչ էլ Յունաց քաղաքական տեսակէտից: Յիշեալ երկու պետութիւնների զլխաւոր նպատակն էր տիրապետել Ասորիքին և Միջագետքին, որոնց համար նոքա ամբողջ դարեր մրցում էին իրար հետ. ինքն ըստ ինքեան այստեղից պարզ է, որ կաղձակերպուած, հզոր հայկական մի թաղաւորութիւն անցնելով մէկի կամ միւսի կողմը, համածայն իւր շահերին, շատ կզրժուարացնէր մրցակիցների գործը. ուրեմն, հարկը պահանջում էր «բառնալ 'ի միջոյ զՀայս», որ և կատարուեցաւ 390 թուին բաժանելով Հայաստանը իրանց մէջ: Արեւելեան մեծագոյն մասը անցաւ Պարսից, իսկ արեւմտեան փոքր մասը — Յունաց: Բայց չկանխենք պատմութիւնը և աշխատենք հակիրճ խօսքերով ամփոփել այստեղ ռուս հեղինակի երկի բովանդակութիւնը, մերթ ընդ մերթ լուսաբանելով մեր ազգային պատմութեան մութ կողմերը. մեր ասելիքը վերաբերում է յատկապէս Սասանեանց հարստութեան շրջանին՝ մինչև Արաբների պատմական ասպարէզ իջնելը:

«Սասանեանց ծագումը: Արտաշիր I (224—242) և նորագծած սասանեան հարստութեան ընդհանուր բնաւորութիւնը:

Փարս նահանգը (Պերսիդա, կամ բուն Պարսկաստանը) Կիւրոսի և Դարեհի հայրենիքը, որտեղից ծագում էին նոյնպէս Սասանեանք, Արշակունեաց ժամանակ բաւականին անկախութիւն էր վայելում, ինչպէս առհասարակ ընդունուած էր պարթեւական թագաւորութեան մէջ ուրոյն նահանգների վերաբերութեամբ: Երրորդ դարու սկզբում Բրիտանից յետոյ, Փարսում կային բազմաթիւ մանր իշխաններ, որոնք, բնակուելով զանազան լեռնային խռոչներում, միմեանց թշնամի էին հան-

գիտանում: Ոմն Պապակ որդի թէ սերունդ Սասանի, ազգաւ Շիրազի արուարձանից, յաջողեցաւ տապալել Շիրազի իշխան Գոլեհրին, որին ձառայում էր և բացի դորանից տիրեց Փարսի մայրաքաղաք Ստահրին (Պերսեպոլիս): Տակաւին իւր կենդանութեան օրերում Արշակունեաց արքունիքից նա կարողացաւ իւր որդու Շապուհի համար թագաւորութեան իրաւունքը ձեռք բերել: Բայց հազիւ թէ Պապակը մեռաւ, նորա միւս որդին Արտաշիրը, ապստամբեցաւ եղբօրից, յաղթեց նորան և ինքը դարձաւ թագաւոր (211), և շուտով իւր իշխանութեան տակ միացրեց ամբողջ Փարսը: Իւր ամենայն ձեռնարկութիւնների միջոցին Արտաշիրը աշխատում էր յենուել զրադաշտական հոգևորականութեան վրայ: Ծշմարիտ է, Զրադաշտի վարդապետութիւնը Իրանում չէր հանգել ոչ մակեդոնական ոչ պարթևական տիրապետութեան միջոցին, Արշակունիք ինքեանք էլ դաւանում էին Զրադաշտի կրօնը, սակայն ոչ եռանդուն կերպով: Ընդհակառակն Արտաշիրը յաճախ կրկնում էր. «զահր—նեցուկ է բազնի, իսկ բազինը—նեցուկ զահի.» Նա ճգնում էր ընդգծել իւր դաւանութիւնը մոզութեան և այսպէս ուղղակի Արտաշիրից է սկսում զրադաշտական մոզերի մոլեռանդ զասակարգի մշակումը, որ յետոյ այնքան նշանաւոր դեր խաղաց Սասանեան կայսրութեան մէջ և երեւելի հանդիսացաւ իւր անհամբերողութեամբ օտարահաւատների և աղանդաւորների վերաբերութեամբ: Իրան բաւականին զօրեղ համարելով Արտաշիրը պատերապմ սկսեց արշակունեաց մնացեալ աւատական իշխանութիւնների դէմ (արևելքում Կերմանի, արևմուտքում Սուգիանի և այլն) և յաղթելով նոցա, առանց դժուարութեան տապալեց Արշակունեաց իսկ հարստութիւնը: Ընդ ամենը տեղի ունեցան երեք պատերազմներ, որոնց վերջնում ընկաւ Արտաւան V-ը թագաւորը. նորա զուգար Արտաշիրը, ըստ աւանդութեան, կոխտեց ոտքերի տակ: Այդ վայրկեանից Արտաշիր I (224—242) դարձաւ արքայից արքայ և հիմնեց հռչակաւոր Սասանեանց հարստութիւնը:

Ես արդէն չիշեցի, շարունակում է պ. Կրիմսկին, որ Սասանեանց պետութեան բնորոշ տարբերութիւնը Արշակունիներից

կայանում էր հոգևորականութեան գերիշխանութեան մէջ: Մի այլ յատկութիւնը սկսեալ նոյնպէս Արտաշրից — աւատական պետութիւնների ոչնչացման սխտեմն է, նոցա նահանգների զարմնէն և ջնջումն աւատական հարստութիւնների. վերջիներս Արտաշրից և յաջորդ Սասանեաններից թոյլատրում էին միայն ծայրերի և սահմանակից նահանգների համար, զօր. հայաստանի թագաւորութեան (որի նուաճման ժամին հոգ էր տանում Արտաշրի որդի Շապուհ Սառաշինը), որպէս և արաբական հեր իշխանութեան կամ թագաւորութեան (Եփրատ գետի մօտ) կամ փոքր ինչ յետին ժամանակներում հեռաւոր արևելեան երկիրների համար միջին Ասիայում: Բայց թէպէտ բուն Իրանում ուրոյն աւատական հարստութիւնները ջնջուած էին, ուրիշ դէպքերում Արտաշրի և այլ Սասանեանների օրերում պետական կազմակերպութիւնը սուհասարակ մնաց նոյնը, ինչպէս որ էր Արշակունեաց ժամանակ: Պետութեան Արշակունեաց բաժանումը 18 նահանգների (сатрапий) պահպանուեց և միայն Սասանեանց վերջին շրջանում դոքա միացան չորս փոխարքաների իշխանութեան տակ: Իրան մեծամեծները կամ տեղական աւագանին (ազնուականութիւնը), որ կարելի է համեմատել Լեռնական միջին դարերի բարոնների հետ, պահպանեցին իրանց ոյժը և միշտ կարող էին սպառնալ արքայից արքաներին, այն տարբերութեամբ սակայն Արշակունեաց ժամանակից, որ Սասանեանց օրերում իրանց ազդեցութիւնը նոքա հարկադրուած եղան բաժանել հոգևորականութեան հետ. 'ի վերջոյ աւագանին հոգևորականութեան հետ միասին կազմեց մեծամեծների դասակարգ: Ինչպէս կտեսնենք ստորև, սասանեան թագաւորը ծգտում էր ինքնակալութեան, իսկ աւագանին և մոգերը ճգնում էին սահմանափակել արքայական ինքնակալութիւնը: Այս երևոյթը սասանեան պետութեան ներքին քաղաքական կեանքի զլխաւոր բովանդակութիւնն էր, որ սակայն, կորստաբեր չէր երկրի բարեկարգութեան համար: Ընդհակառակն, թէ ներքին վարչութիւնը և թէ ելեմտից կառավարութիւնը հասցրած էր ներդաշնակ սխտեմի Արտաշրից սկսեալ, Իրանում հաստատւում էր անընդհատ բարեկարգութիւն, որ,

չորս գար չեսոյ, երբ ընկաւ սասանեան հարստութիւնը, Պարսկաստանի մահմետական կառավարիչները իբրեւ կաղապար էին քնտրել իւրեանց համար, թէեւ չկարողացան հասցնել կարգը և նահանգների արդիւնաբերութիւնը այն կատարելագործութեան, ինչ որ սասանեանց օրերումն էին:

Գալով արտաքին քաղաքականութեան՝ կարելի է Արտաշրի թագաւորութեան միջոցին ակնարկ տեսնել սասանեան պատմութեան չետադայ ընթացքի վերայ, Այն է՝ մի կողմից Սասանեանք պատերազմներ են մղում հռովմայեցւոց կայսրութեան դէմ (ապա մասնաւորապէս, հռովմայեցւոց արեւելեան կայսրութեան այս. Բիւզանդիայի դէմ)՝ հայաստանի և Միջագետքի առթիւ. իսկ միւսից—արեւելեան բարբարոսների սպիտակ ձոնաց (հեփթաղների, Գուշանաց) դէմ: Կոռւի լարուած շրջանը բարբարոսների հետ (V-դ) խաղաղութեան շրջան է Յունաց համար: Այս չորեքդարեան կռուում հռովմայեցւոց կայսրութիւնը ասպարէզ հանելով մի շարք ժիր ու տաղանդաւոր կառավարիչներ վերջ ի վերջոյ յաղթանակող կողմն էր հանդիսանում յաճախ և այդ վիճակուեցաւ Արտաշրին փորձով տեսնել (233 թ), երբ նա միջամուխ եղաւ հռովմայեցւոց ասիական երկիրները. բայց միևնոյն ժամանակ էլ հռովմայեցւոց կայսրութիւնը միշտ պիտի նայէր Սասանեանց վրայ, իբրեւ արժանաւոր և հաւասար ախոյեանների վրայ, նա մանաւանդ այն պատճառով, որ Պարսից յաջողում էր ոչ սակաւ յոյն—հռովմայեցւոց չարաչար պարտութեան մատնել և անարգանքով ծածկել նոցա անունը: Դարեւոր կռիւր հռովմայեցւոց կայսրութեան հետ ազդեցութիւն ունեցաւ սասանեան մայրաքաղաքի տեղի ընտրութեան վերայ ևս: Տեսականապէս մայրաքաղաք էր համարուում հին Ստահրը. այնտեղ էր և թագաւորական մեհեանը կրակի, ուր ի միջի պլոց կախ էին տալիս յաղթուած թշնամի թագաւորների դուխները. բայց իրօք, գործնականապէս Սասանեանց գլխաւոր քաղաքը դարձաւ Արշակունեաց հին մայրաքաղաք Տիգրանը, որի մօտ, Տիգրիս գետի միւս ափում շինուած էր քաղաքիս միւս կէտը—Սելևկիա («Բեհ—Արտաշիր»): Հարուստ երկիրը, ուր կանգնած էր այս կրկնակի քա-

ղաքը, չէր պատկանում Իրանին ոչ աշխարհականապէս, ոչ ազգազրականապէս, վասն զի այս տափարակը, Իրանի բարձրաւանդակից ղուրս, սեմական բնակչութիւն ունէր յատկապէս. բայց պատերազմական գործողութեանց ասպարիղին մօտ լինելու անհրաժեշտութիւնը ստիպեց Սասանեաններին՝ Արշակունեաց օրինակով, բնակչութիւն հաստատել Տիգրոնում: Անընդհատ յարաբերութեան արգասիքը հռովմայեցւոց հետ էր նաև կուլտուրական ազդեցութեան փոխարինութիւնը. պետական, զինուորական կազմակերպութեան, արհեստների արդիւնաբերութեան մէջ — ամենուրեք կարելի է նշմարել յոյն — հռովմայական կուլտուրայի մեծ ազդեցութիւնը Իրանի վրայ: Ինչպէս կտեսնենք ստորև Խօսքով Անդշիրվանը 540 թ. մտնելով Ասորիք և տիրելով Անտիոքին, նորա բնակիչներին գաղթել տուեց Տիգրոն և. հոգ տարաւ, որ նոցա համար յատկացրած աւանում նոքա լիովին պահպանեն առաջուայ յոյն — հռովմայական կենցաղավարութիւնը: Անկասկած է, որ Սասանեանց ժամանակ տեղի ունեցաւ Եւրոպական և ասիական Փոյկլորի փոխարինութիւնը. հռովմայեցիք և յոյները չէին կարող չժանօթանալ Պարսկաստանի միջնորդութեամբ արևելեան, մասնաւորապէս հնդկական առաւելների ու վէպերի հետ և այլն. հաւասար կերպով և պէս պէս յոյն-հռովմայական սիւժետներ պիտի մտնէին արևելք, այս թւում և հնդկաստան:

Արդ զննելով Սասանեանց հարստութեան հիմնադրի թագաւորութիւնը, ես ցոյց տուի, թէ հոգեւորականութեան և աւագանու ազդեցութիւնը պետութեան ներքին կեանքի վրայ, պատերազմները յոյն — հռովմայեցւոց և միջինասիական բարբարոսների դէմ արտաքին կեանքում — այն երևոյթներն են իւրեանց հետևանքներով, որոնք բնորոշում են սասանեանց պատմութիւնը»: Այնուհետև յարգելի պրօֆեսորը խոստանում է իրողութիւնները աւանդել զարուց դար:

Ինչպէս ընթերցողը չիշում է, Արտաշրի պատմութեան ընթացքում պ. Կրիմսկին երկու անգամ ակնարկեց հայաստանի վրայ: Կանգ առնենք այստեղ և տեսնենք, թէ ոչք էին թագաւորում այն ժամանակ հայաստանում և վերջինս վայելում

էր արդեօք անկախութիւն: Պահպանութիւնի ցեղի թագաւորութիւնը կործանելուց յետոյ Պարսկաստանում, Արտաշրի առաջին զործը եղաւ աշխատել տապալելու նաեւ Հայոց Արշակունի հարստութիւնը Հայաստանում, ուր այդ միջոցին թագաւորում էր Տրդատ II Խոսրովը, (որդի Վաղարշի, մեռած բանտում 216 թ), որ իւր թագը ստացել էր 218 թ. Անտոնինոս Կարակալայի յաջորդ Մակրինոս կայսրից: Ըստ Դիոնի, ասում է Գարադաշեանը (տե՛ս. Քննական պատմ. Հայոց. մ. II էջ. 268) Արտաշիր իւր թագաւորութեան սկզբում (226 թ.) արշաւելով Հայաստան, մեծ ընդդիմութեան հանդիպեցաւ այն ժամանակի թագաւորի կողմից, որի մօտ ապաւինած էին Արտաւան V-ի որդիքը: Այն թագաւորն էր Տրդատ II, որդի Վաղարշի: Զարմանալի չէ ուրեմն, որ Արտաւանի որդիքը՝ ապաւինելով Տրդատ II-ին կամ Խոսրովին, այնպիսի սաստկութեամբ ընդդիմացան Արտաշիրին. վասն զի երկու թագաւորներ Տրդատ II (ըստ ազգային ականջութեան Խոսրոյ) և Արտաւան, ինչպէս երևում է, մօտ ազգականներ էին, հաւանականապէս եղբայրներ իսկ: Ագաթանգեղոսի «եղբայրութիւն ազգականութեան» և Եղիշէի նամակի «հօրեղբայր» բառերին նայելով, մեր պատմութեան առաջին մասում (էջ 86, 87) ասացինք, որ Արտաւան և Խոսրով եղբայրներ էին: Ինչևիցէ Արտաշիրը, ըստ Դիոնի, տեսնելով Հայոց և Մարաց ընդդիմութիւնը, զնում է ժողովելու աւելի շատ զօրք Պարսից արևելեան սահմաններից և (230—234) պատերազմներ է մղում Հռոմվայեցւոց կայսր Ադրեանոսի Սևերոսի դէմ, որին, ինչպէս երևում է, Հայերը դաշնակից էին: Մաքսիմինոս թրակացու կայսեր ժամանակ (235—238) մենք գտնում ենք, որ Հայերը օգնական նիզակակից էին նորան Գերմանացւոց պատերազմի միջոցին (236 թ): Դորանից դժուար չէ գուշակել, որ Հայաստանը բաւականին անկախութիւն էր վայելում Հռոմվայեցւոց ազդեցութեամբ: Գարադաշեանը Արտաշրի մահը զնում է 235—238 թուականներում, երբ նա պատրաստում էր նոր յարձակում զործելու Հայոց և Հռոմվայեցւոց վրայ. այն ինչ ըստ Կրիմսկու Սասանեանց հարստութեան հիմնադիրը մեռաւ

242 թ. և նորան յաշորդեց որդին Շապուհ I (242—272),
 Հռովմայեցւոց և Յունաց մօտ Սապօր: Սա շարունակեց հօր
 Արտաշրի արշաւանքները. Արտաշիր պարտութիւն կրելով 233 թ.
 Սղեքսանդր Սևերոսից, կրկին միջամուխ եղաւ Հռովմայեցւոց
 երկիրները Մաքսիմինոսի օրերում (236—238) և նորան յա-
 շորդեցաւ հիւսիսային Միջագետքում տիրել երկու ամրոցներին՝
 Մծբնին և Խառանին: Շապուհ Առաջին արշաւելով Ասորիք՝
 հասաւ մինչև Անտիօք (242): Գորդիանոս III-ը արտաքսեց նո-
 րան, յետ խլեց Միջագետքում վերոյիշեալ երկու ամրոցները և
 վճռեց յառաջ ընթանալ Եփրատի ափերով և տիրել Տիգրոնին:
 Այն տեղում, ուր Խաբոր գետը թափւում է Եփրատի մէջ,
 Գորդիանոսը սպանուեց իւր թիկնապահների հրամանատար
 արաբացի Փիլիպպոսի ձեռքով 244: Սպանիչը իրան կայսր հրո-
 չակելով, ամօթալից դաշն խաղաղութեան կապեց Շապուհի
 հետ, և զիջեց նորան Հայաստանը և Միջագետքը: Խաղաղու-
 թիւնը տևեց մի քանի տարի. բայց 251 կամ 252 թ. Շապուհ,
 օգուտ քաղելով Հռովմայեցւոց ներքին խռովութիւններից, նո-
 րոգեց պատերազմը և արշաւեց դէպի Ասորոց երկիրը: Մի
 ասորի Կիրեազ առաջնորդեց Պարսից մինչև Անտիօք: Վերջա-
 պէս Վաղերիանոս կայսրը դուրս եկաւ Պարսից, բայց քանի մի
 պատերազմական գործողութիւններից յետոյ Միջագետքում,
 Եդեսիայի մօտ գերի ընկաւ Շապուհի ձեռքը 260 թ. և գե-
 րութեան մէջն էլ մեռաւ: Այս դէպքից խրախուսուած Շապուհ
 յառաջ խաղաց դէպի փոքր Ասիա. սակայն պարտութիւն կրե-
 լով Հռովմայեցւոց Բաղդիստա զօրավարից, երբ վերադառնում
 էր Պարսկաստան, ենթարկուեց անակնկալ նոր յարձակման Պալ-
 միւրայի իշխան Ողենատոս II կողմից և չարաչար ջարդուեց.
 արքայական կանանոցի մէկ մասը քնաց յաղթողի ձեռքում: Դո-
 րանից յետոյ Ողենատոս II-ը երկիցս պաշարեց Տիգրոնը: Ո-
 րովհետև Պարսկաստանը չունէր մշտական զօրք, Շապուհը ա-
 ռաջին պարտութիւնից յետոյ, որ կրեց Պալմիւրայի իշխանից,
 ընդմիշտ հրաժարուեց բիւզանդական երկիրներին տիրելու փոր-
 ձերից և [Թոյլ տուեց Հայոց անցնել Հռովմի կողմը: Այնուհետև

յրնթացս երեք հարիւր տարիների Պարսիկները էլ ոտք չկոխեցին Ասորիք մինչև Կալատ I և Խոսրով I-ին:

Պետութեան մէջ Շապուհ հռչակուեց իւր շինարար գործունէութեամբ. նա մեծամեծ շէնքեր կառուցեց Շուշտերում (Սուղիանա), կանոնաւոր ուսումնական համար Կարուն գետի շրէրով դաշտերը ու այգիները. նոյն տեղում նա շինեց գունդէ-Շապուհ քաղաքը, որ առաջին Աբբասեանց օրերում համաշխարհային հռչակ ստացաւ, իբրեւ ուսումնական կենդրոն, ուր նեստորական քրիստոնէից գեկավարութեամբ ծաղկում էին յունական գիտութիւնները և արաբական ամիրապետների ձեռքով հիմնուած էր բժշկական բարձր ուսումնարան, որի վարիչն էր Բոխտիշու բժշկական սերունդը: Նոյն Շապուհի օրերում աշկարայ կերպով քարոզւում էր Մանի պարսկի աղանդը, անարգել տարածուելով ամենուրեք, մինչև որ ինքն Մանին վերջապէս մոգերի զրգմամբ Վռամ I-ի հրամանով մորթաղերծ եղաւ և սպանուեց: Ահա այս է Շապուհի թագաւորութեան էական կէտերը, ըստ Կրիմսկու:

Մենք վերը տեսանք, որ հռովմայեցւոց ազդեցութիւնը հայաստանում վատարի Փիլիպպոս կայսեր շնորհիւ միառժամանակ փոխարինուեց պարսկականով: Բայց ինչ եղաւ Տրդատ II-ի Խոսրով և ո՛վ յաջորդեց նորան՝ օտարազգի պատմագիրները չեն լիշում: 218-ից, երբ Տրդատ II թագ ստացաւ Մակրինոսից մինչև Վաղերիանոսի գերութեան տարին՝ 260 թ. մենք գտնում ենք Արտաւազդ անունով մի թագաւոր հայոց, որի նամակից, զրուած Շապուհին, պարզ երևում է, որ հայերը նիզակակից էին Պարսից մինչև Աւրեղիանոս կայսրը (270—275): Յիշեալ նամակը Գարադաշեանը մէջ է բերում թարգմանութեամբ լատին պատմիչ Տրեբեղլիոս Պողիոնից և է հետևեալը. — «Արտաւազդ Արքայ հայոց գրեաց առ Շապուհ. «Ուրախ եմ ընդ փառս բո, այլ երկնչիմ թէ արծաւոցեք զհուր պատերազմի մանաւանդ քան յաղթեցեք: ԶՎաղերիանոս խնդրեսցեն և՛ որդի նորա, և՛ թոռն, և՛ զօրաւարք հռոմայեցւոց, և՛ համօրէն Գաղղիա, և՛ Ափրիկէ ողջոյն, և՛ բովանդակ Սպանիա, և՛ ամենայն Իտալիա, և՛ ամենայն զօրք, որ են ՚ի

Լիւրեկ և յարեւելս և 'ի Պոնտոս դաշնակիցք հռոմոց կամ ընդ իշխանութեամբ նոցա: Կալար դու զայր ոմն ծեր, և յարուցեր հակառակ քեզ զամենայն ազգս երկրի, թերևս և հակառակ մեզ՝ որ առաքեցաք քեզ օգնական. դրացի քո եմք և կրեմք հանապաղ վիշտս, յորժամ կռուիքդ ընդ միմեանս» (Գարազ. ԲՆՆ. պատմ. մ II էջ 274):

Բայց դառնանք այստեղ Պարսից պատմութեան, որ աւանդում է պրօֆ. Կրիմսկին: Շապուհին կարճ միջոցում յաջորդեցին՝ «Որմիզդ I (272—273), Վռամ I (274—277), Վռամ II-րդ (277—293), Վռամ III-դի (293) և Ներսէհի (293—303) թագաւորութիւնը հետաքրքիր է միայն հռովմայեցւոց յարաբերութիւնների շնորհիւ. Վռամ II-դի հետ պատերազմեցին Պրորոս և նորա յաջորդ Կարոս. այս վերջին կայսրը արդէն տիրել էր Տիգրոնին, բայց յանկարծակի մեռաւ. Ներսէհ փոքր մի յաջորդութիւնից յետոյ, ջարդուեց հայաստանում Դիոկղետիանոսի կեսար Գաղերիոսից, որ ղեկավարւում էր Դիոկղետիանոսի—հռովմայեցւոց հռչակաւոր կայսեր (284—305) հրահանգներով, որ նոր զարագլուխ սկսեց հռովմայ պատմութեան մէջ. Ներսէհի կանայք և որդիք գերի ընկան և այս ժամանակ խաղաղութեան դաշն կապուեց (298), որ տևեց 40 տարի (մինչև Շապուհ II-ի պատերազմը): Այդ դաշին զօրութեամբ Պարսկաստանը հրաժարուեց հայաստանից և Միջագետքից և մինչև անգամ զիջեց Տիգրիսի ծախ ափի մի մասը մինչև Քուրդիստան (մասն այսպէս ասած Փոքր Հայոց)»:

Մ. ՇՈՎՐԵԱՆ

Կը շարունակուի

ԳԻՏՈՒԹԵԱՆ ՏՕՆԸ

Անցեալ 1909 թուի Դեկտեմբերի 28-ից Մոսկուայում քացուեց «Ռուս բնագէտների և բժիշկների XII համագումարը»:

Նախընթաց XI համագումարը տեղի ունէր Պ. Բուրգում ութ թը տարի առաջ, 1901 թուին:

Թէ որչափ զգալի էր այդ համագումարի անհրաժեշտութիւնը ներկայ ժամանակիս համար, ցոյց է տալիս այս համագումարին զրուող անդամների թիւը, որը հաւասար է 5303-ի: Եթէ մենք ի նկատի առնենք բնագիտութեան զարգացման պատմութիւնը Ռուսաստանում, անկասկած կզանքայն եզրակացութեան, թէ՛ իրօք զա մի խոշոր թիւ է, որին չէ հասել Ռուսաստանում գումարուող ոչ մի գիտական համագումար: Այդ թիւը միևնոյն ժամանակ մատնացոյց է անում այն մեծ հետաքրքրութիւնը, որը առաջ է եկել ներկայ ժամանակաշրջանում դէպի էքսպէրիմենտալ, դրական բնագիտութիւնը:

—Վաղուց արդէն արտայայտուած էր այն միտքը, ի միջի այլոց ասաց համագումարի նախագահ պրոֆէսսոր Անուչինը, թէ գիտնականների համագումարները գիտութեան տօներ են: Ընդհատելով իրենց առօրեայ ծանր աշխատանքը, իրենց ամենօրեայ հոգսերը, գիտութեան և դպրոցի մարդիկ, ժողովուում են համագումարների թարմանալու հոգեպէս պարզ գիտութեան մթնոլորտում, իրենց ուսուցիչների, ընկերների, գործակիցների, աշակերտների յետ յարաբերութեան մէջ, այդպիսով վերակենդանացնելու իրենց ոյժերը ապագայ աշխատանքի համար գիտութեան և գասատութեան շրջանում: Անկասկած այդ հայեացքը մեր համագումարների վերաբերմամբ, իբրև գիտութեան տօների, մեծ մասամբ ճիշտ է. բայց միւս կողմից, հազիւ թէ ով և իցէ պնդի թէ գիտական համագումարների նշանակութիւնը սահմանափակում է միմիայն նրանով, որ դրանք տօներ են—և հէնց գիտութեան տօներ: Երևի բոլորը տրամադիր կլինին ընդունել, որ մեր համագումարը, ոչ թէ միայն տօն է, այլ և գործ, և նոյն ժամանակ լուրջ և կարևոր գործ:

Բնագէտների համագումարը նոյն գործի շարունակութիւնն է, որին մենք, համագումարի մասնակիցներս, նուիրում ենք մեր ամբողջ գիտակցական կեանքը, որով մենք պարապում ենք դըպրոցում, գիտական ճեմարաններում, գիտական հաստատութիւններում և ընկերութիւններում և որը արտայայտւում է նրանով, որ մենք սովորում ենք և ձգտում ենք սովորեցնել ուրիշներին. իսկ փոխադարձ յարաբերութեան մէջ ձգտում ենք ընդլայնել և պարզել մեր գիտական հորիզոնը: Ի հարկէ համագումարը չէ կարող փոխարինել ոչ բնութիւնը, ոչ գիրքը, ոչ աշխատանոցը կամ թանգարանը, բայց, միւս կողմից, բոլորին յայտնի է, որ հոգեկան ազդեցութեան միջոցներից ամենից ընդունուած և ամենափորձուածը կենդանի, հեղինակաւոր խօսքն է և դրան ուղեկցող փորձի և գիտողութեան փաստերի հետ գիտողական ծանօթութիւնը: Եւ եթէ այդպիսի կենդանի խօսքը գիտութեան տարածման անհրաժեշտ գործօնն է դպրոցում և հետաքրքրութեան արթնացման դէպի այդպիսիները, ոչ պակաս կարեւոր միջոց կարող է լինել կենդանի խօսքը համագումարների վրայ, ուր ամփոփուաներով հանդէս են գալիս բազմաթիւ գիտնականներ ամբողջ Ռուսիայից:

Մեր համագումարը, այդպիսով, միևնոյն ժամանակ և տօն է և գործ՝ սա իրականացնում է և ընկերական լայն յարաբերութեան հնարաւորութիւնը և համառուական բնագիտութեան բարձրագոյն դպրոցը: Իսկ ես թոյլ կտամ ինձ արտայայտել մի կարծիք, որ սա միևնոյն ժամանակ և քննութիւն, կամ, աւելի ճիշտ, ողու գիտութեան տեսութիւն է, ողու բնագիտութեան՝ ամբողջ մարդկութեան գիտութեան առաջ, մեր սեպհական հայրենիքի քաղաքակրթութեան խնդիրների առաջ, մեր իսկ, ողու գիտութեան մշակների, առաջ:

Համաշուումարի վրայ անխուսափելի կերպով արտայայտութիւն պէտք է գտնեն մեր գիտնականների վերջին տարիները աշխատութիւնները, մտքերը, գիտողութիւնները և փորձերը:

Սա պէտք է արտացոլի իւր մէջ ողու գիտութեան նորագոյն շարժումը, պէտք է հնարաւորութիւն տայ դատել իւր ոյժի և ուրդիւնաւէտութեան մասին, ինչպէս նախընթաց տասնամեակի, նոյնպէս և արեւմտեան գիտութեան ներկայ դրութեան վերաբերմամբ»:

Դեկտեմբերի 27-ի եր. 7 ժ. նշանակուած էր սկզբնական ժողով Бoльш. Московская հիւրանոցի ամենամեծ դահլիճներից մէկում՝ սպիտակ դահլիճում, բայց, որովհետեւ և այդ ընդարձակ

դահլիճը բաւական չեղաւ, համագումարի անդամներից ոմանք տեղափոխուեցին միւս դահլիճները, իսկ մի ճիւղ մինչև անգամ մի ուրիշ տեղ: Այս ժողովը նշանակուած էր միմիայն փոխադարձ ծանօթութեան համար, որովհետև շատ գիտնականներ աշխատելով իրենց գրասենեակի անաղմուկ հովանու տակ՝ ծանօթ չէին իրար հետ. համակրելով միմեանց մտքերն ու գաղափարները, բաժանուած լինելով ժամանակով և տարածութեամբ կամ հանգամանքներով, զուրկ էին փոխադարձ ծանօթութեան հնարաւորութիւնից: Այժմ այդ հնարաւորութիւնը հանդէս էր եկել. խորտակուել էին «հանգամանքների» սառնասիրտ պատերը և մարդկային աչքը շոյում էր այն գեղեցիկ տեսարանը, որը բացւում էր ամեն մի հանդիսատեսի առաջ:

Համալսարանում միակերպ առօրեայ տեսարանը փոխուել էր, ինչպէս վերը նկատեցինք, տօնական տրամադրութեամբ:

Համալսարանական պարապմունքներից դուրս մոայլ և տըխուր վիթխարի շէնքերի պատերի մէջ հնչում էր լայնատարած Ռուսիայից ժողովուած գիտութեան ե դպրոցի մարդկանց կենդանի խօսքը:

Ուր ոչ շատ առաջ հատ ու կէտ ուսանողների դէմքերն էին հրեւում, այժմ խոնուում էր բազմազան հասարակութիւնը, որոնք, ոգևորուած ընդհանուր գիտութեան գաղափարով, միացել էին մի ընդհանուր ուժեղ ամբողջութիւն կազմելու. առանց որևէ խրտութեան. ոչ քաղաքական տարբեր հայեացք, ոչ կրօն, ոչ սեռ:

Տասը օր տեւեց այս գեղեցիկ պատկերը. տասը երջանիկ օր աւելացրից ամեն մի գիտութեան իմաստը հասկացող մարդու յիշողութեան մէջ և երկար տարիներ այդ յիշողութիւնը վառ պիտի պահէ շատերի գիտութեան բաց տենչը, միշտ կենդանի խօսքով պիտի հնչէ պրօֆ. Ա. Ա. Էյխենվալդի վերջին ընդհանուր ժողովին (որ տեղի ունեցաւ 1910 թ. յունուար 6 ին) արտասանած ճառի վերջին դիմումը դէպի այն անձինք, որոնք անձամբ չեն կարող աշխատել պարզ գիտութեան ասպարիզում:

Ահա այդ խօսքերը:

Изъ вѣчности музыка вдругъ раздалась

И въ безконечность она полилась,

И хаосъ она на пути захватила,

И въ безднѣ, какъ вихрь, закрутились свѣтила.

Пѣвучей струной каждый лучъ ихъ дрожить,

И жизнь, пробужденная этою дрожью,

Лишь только тому и не кажется ложью,

Кто слышалъ порой эту музыку Божью...

Ռուս բանաստեղծ Պոլոնսկու խօսքերն են, որով յարգելի պրոֆեսսորը ցանկացաւ ցոյց տալ գիտութեան ներդաշնակութիւնը:

Նախ քան ժողովների նկարագրութեան անցնելը, մենք այստեղ առաջ կրերենք մի երկու հետաքրքիր թուական փաստեր, որ վերցնում ենք ներկայ թուի № 6 Русск. вѣд. լրագրում տպագրուած Тихонович-ի յօդուածից. համագումարի անդամների ընդհանուր թուից 330/0 կազմում են միջնակարգ դպրոցների ներկայացուցիչները, ապա գալիս են բարձրագոյն դպրոցները, որոնց տոկոսը հաւասար է 26-ի, բժիշկները կազմում են 190/0, ճարտարապետները 90/0, հողագէտները 40/0, ուսանողները մօտ 10/0 են. կանայք ընդհանուր թուի մի քառորդից աւելի են կազմում—270/0.

Ըստ տեղագրութեան հետաքրքիր են հետեւեալ թուերը. Սիբիրը և միջին Ասիան միասին և Կովկասը տուել են 2-30/0 ամեն մէկը: Իսկ գլխաւոր տոկոսը կազմում են կենդրոնական նահանգները:

Օգտուելով հանգամանքից այստեղ տալիս ենք և հետեւեալ ցուցակը. համագումարը բաժանւում է հետեւեալ մասնաճիւղերի՝

- 1 Մաթեմատիկա
- 2 Ֆիզիքա
- 3 Ֆիզիքական աշխարհագրութիւն և օդերևութաբանութիւն
Ստորաբաժանում թռչնարուեստ.
- 4 քիմիա
- 5 հանքաբանութիւն և երկրաբանութիւն (ստորաբաժանումներ են երով)
- 6 Բուսաբանութիւն
- 7 Կենդանաբանութիւն
- 8 Մարդակազմութիւն, մարդու և կենդանիների ընդհանուրութիւն. հիւսուածաբանութիւն ստորաբաժանումով:
- 9 Աշխարհագրութիւն, ազգագրութիւն և մարդաբանութիւն
վիճակագրութեան ստորաբաժանումով:
- 10 Հողագիտութիւն (ստորաբաժանումներով)
- 11 և 12 գիտական բժշկականութիւն և առողջապահութիւն:

Ահա և հետեւեալ օրը.

«Բլագորոդնոե սօբրանիե»-ի ընդարձակ դահլիճը իր 24 սպիտակ մարմարեայ հսկայական սիւնների տակ ընդունեց 4 հազար մարդ, որոնք ճեմելով երկար դահլիճում, զրուցում էին այս կամ այն խնդրի մասին. ամեն քայլափոխին կարելի էր լսել՝

Պարոն այր, ինչպէս Էք. չէք ճանաչում, եւ ապա հետեւում էր յիշողութիւնը երեկուայ նոր ծանօթութիւնից կամ՝

Բարեւ ձեզ, պ. բիւմ, չէք ճանաչում, տիկին գիւմ. և նորից յիշողութիւններ. և այդպէս անվերջ...

Գիտութեան արդիւնը էլէքտրական լապտերը լուսաւորեց դահլիճը. լոյսը ընկնելով ջահերի հարիւրաւոր եռանկիւնի ապակիների վրայ արտացոլում էր ծիածանի երփներանգ գոյներով և ֆանտաստիկ երևակայութիւն առաջ բերում:

Բարձրավանդակը գրաւում են գիտութեան ներկայացուցիչները. հնչում է դանդը և ամբիոն է բարձրանում մի ալէգարդ ծերունի. ներկայ համագումարի նախագահ, Մոսկուայի համալսարանի աւագագոյն պրոֆեսսոր Անուշինը:

«Ռուս գիտութիւնը և բնագէտների համագումարները» ճառով սկսուեց առաջին ժողովը. XII համագումարի «կարգադրիչ յանձնաժողովի կոմիտէի լիազօրութեամբ պատու ունիմ յայտարարել ողւս բնագէտների և բժիշկների XII համագումարը բացուած և օգտւում եմ հանգամանքից ողջունելու կոմիտէի կողմից ժողովուած անդամներին սրտագին ընկերական «բարի գալուստ» ով:

Միևնոյն ժամանակ, կատարելով Մոսկուայի համալսարանի խորհրդի տուած պատուաւոր յանձնարարութիւնը, ողջունում եմ ձեզ, XII համագումարի պ. պ. անդամներ, հնագոյն ողւս համալսարանի կողմից. հիւրասէր կերպով բանալով համագումարի պարապմունքների համար իւր բնակարանները, իւր գիտական ճեմարանները և լսարանները, Մոսկուայի համալսարանը յաջողութեան լաւագոյն մաղթանքներն է յայտնում համագումարի այսօր սկսուող գործունէութեան յօգուտ ողւս գիտութեան և լուսաւորութեան:

Կարգադրիչ Յանձնաժողովը անկեղծ բաւարարութեան զգացումով կարող է մատնացոյց անել, որ նրա կողմ ընկերներին լայն արձագանք գտաւ վերջինների կողմից: Այդ արձագանքը արտայայտուեց ինչպէս համագումարի անդամ գրողների մեծ թուով, նոյնպէս և զանազան մասնաճիւղերին ներկայացրած զեկուցումների մեծ քանակութեամբ, արտայայտուեց և այն գործակցութեան պատրաստակամութեամբ, որով մեր շատ յայտնի գիտնականները արձագանք տուին կօմիտէի հրաւերին կարգաւ ընդհանուր և միացեալ ժողովներում:

Այդպիսի արձագանքի անկասկած նպաստում էր, յայտնի չափով, այն հանգամանքը, որ ներկայ XII համագումարը հաւաքւում է երկար ժամանակամիջոցից յետոյ: Նախընթաց XI համագումարը Պետերբուրգում տեղի ունէր, ինչպէս յայտնի է, 1901 թուին, այն

է ութը տարի սրանից առաջ: Ութը տարի—սա մի այնպիսի ժամանակամիջոց է, որի ընթացքում, մեր XX դարում, գիտութիւնը ընդունակ է մեծ յառաջադիմութեան և, իրօք, այս վերջին ութը տարուայ ընթացքում, կարելի է մատնացոյց անել մի շարք կարևոր տեսողութիւններ և գործնական գիտութեան յայտնագործութեան վրայ: Այս յաջողութիւնները, ինչպէս որ կարելի է սպասել, կգտնեն իրենց արտայայտութիւնը համագումարում. որոշ չափով գիտութեան այդ նոր շարժման հետ ծանօթանալու յոյսը կարող էր շատերին դրդել մասնակցել համագումարի պարագմունքներին: Բայց, բացի վերջին ժամանակները ձեռք բերած նոր յաջողութիւններից, ութը տարուայ ժամանակամիջոցը համագումարների մէջտեղ պէտք է առաջ բերէր գիտութեան գործիչների և ուսուցիչների: մէջ ուժեղ ձգտում դէպի փոխադարձ ծանօթութիւն և շփում: Որչափ և անհրաժեշտ է գիտական աշխատանքի համար զրասնենակի առանձնացումը և աշխատանոցի առանձնութիւնը, բայց և այնպէս ոչ պակաս յամառ անհրաժեշտութիւն կարող է առաջ գալ երբեմն և անձնական շփման անհրաժեշտութեան նոյն կամ հարեան գիտական և ուսուցչական գործունէութեան ներկայացուցիչների հետ: Որոշ իրաւունքով կարելի է ասել, որ ռուս բնագէտները սովեցին երկար անշատումից և որ նրանք, այդ պատճառով, ուրախութեամբ արձագանք տուին համագումարին մասնակցելու հրաւերին, որը բանում է նրանց առաջ լայն ընկերական յարաբերութեան հնարաւորութիւնը:

Սրանից յետոյ գալիս է այն կտորը, որը բերինք վերը. ապա առաջ բերեց բնագիտութեան զարգացման պատմութիւնը Ռուսաստանում սկսած Պետրոս I-ից. մատնացոյց արեց այն խոչնդոտներն ու արգելքները, որոնք թոյլ չէին տալիս ռուս գիտութեան առաջ ընթանալ այն լայն շաւղով, որը նկատուում է Եւրոպայում: Առանձին մանրամասն կերպով կանգ առաւ ռուսական քաղաքակրթութեան զարգացման խնդրի վրայ:

Այդ ճառը պրոֆ. Անուշինը վերջացրեց հետեւեալ խօսքերով՝ «Նորից ողջունում եմ ձեզ Մոսկուայի համալսարանի կողմից», որ ծածկուեցին երկար ծափահարութիւններով:

Ապա ամբիոն բարձրացաւ Ակադ. Պավլովը, որ հաղորդեց իւր տասը տարուայ աշխատանքի արդիւնքները ամփոփելով «Բնագիտութիւն և ուղիղ» խորագիր կրող ճառի մէջ:

—Բնախօսութիւնը մեծ յառաջադիմութիւն արեց ջլային համակարգութեան ստորին մասի—ողնուղեղի—ուսումնասիրութեան մէջ, իսկ բարձր կենդանիների բարդ նեարդային գործունէութեան ուսումնասիրութիւնը, որը կապակցած է գլխուղեղի հետ,

համարեա տեղից չէ շարժուում. հոգեբանութիւնը իբրև մարդկային ներքին աշխարհի գիտակցութիւն մինչև այժմ դեռ ինքը փնտրում է իւր իսկական եղանակները, մեթոդները. բնախօսութեանը անհրաժեշտ է մնալ հաւատարիմ բնագիտական մեթոդներին, կհնդրոնական նեարդային համակարգութեան բարձր մասը ուսումնասիրելիս: Անհրաժեշտ է առանձնացնել առանձին ազդեցութիւնները և փորձերի օգնութեամբ ուսումնասիրել նրանց հետևանքները: Նեարդային համակարգութեան ամբողջ գործունէութիւնը ամփոփուում է երկու հիմնական մեխանիզմների մէջ. նախ ժամանակի կապի մեխանիզմի կամ պայմանական անդրադարձման, ռէֆլէքսի և ապա տարաբաղադրիչների (анализаторъ) մեխանիզմի մէջ:

Այս ուղղութեամբ փորձերը կատարուում էին Պավլովի և նրա օգնականների կողմից տասը տարուայ ընթացքում գլխաւորապէս շների վրայ և մի բնախօսական տեսակէտից չնչին անդամի—լորձագեղձի (слюнная железа) վրայ: Այս սկզբում պատահական ընտրութիւնը գործի վրայ շատ յաջող երևաց: Վաղուց արդէն յայտնի էր որ լորձագեղձը սկսում է մատակարարել իւր հեղուկը բերանին, երբ այնտեղ սնունդ է մտցւում կամ ուրիշ գրգռող նիւթեր, որոշ նեարդերի օգնութեամբ, որոնք գրգռուում հաղորդում են կենտրոնական նեարդային համակարգութեան, իսկ այնտեղից դէպի գեղձը, առաջ բերելով վերջինում լորձունքի արտադրութիւն: Սա անպայման անդրադարձում է, որը կատարուում է ճիշտ նոյնպէս և առանց գանգուղեղի մասնակցութեան: Նոյն ժամանակ բոլորին յայտնի է, որ լորձունքը գրգռուում է և հոգեպէս, միմիայն ուտելու մասին մտածելով: Այս բարդ նեարդային գործունէութեան համար անհրաժեշտ է արդէն ուղեղի վիրին ճիւղը: Սրան իբրև հիմք ծառայում է պայմանական անդրադարձման ժամանակի կապի մեխանիզմը. պայմանական ռէֆլէքսների ուսումնասիրութիւնը զբաւում է բնախօսութեան մի ամբողջ գլուխը: Ամփոփելով, կարելի է ասել, որ ամբողջ բարձր նեարդային գործունէութիւնը, ինչպէս դա արտայայտուում է պայմանական անդրադարձման մէջ, կազմուում է երեք հիմնական ընթացքների (կամ պրայեսների) հաւասարակշռութիւնով:

Միւս հիմնական մեխանիզմը տարաբաղադրիչների մեխանիզմն է: Տարաբաղադրիչը բարդ նեարդային մեխանիզմ է, որ սկսում է արտաքին ընդունող գործարանից և վերջանում է գանգուղեղում: Արտաքին գործարանը յատուկ ձևափոխիչն է (трансформаторъ) ներկայ արտաքին եռանդի դէպի նեարդային պրօցեսս: Ապա գալիս են մի շարք դեռ չվճռած խնդիրներ թէ՛ ինչ

ձեռով է կատարւում այդ ձեւափոխութիւնը վերջին կէտում, ինչ ընդհանուր օրէնքներով է կատարւում այդ տարաբաղադրութիւնը և այլն, ներկայումս այս բոլոր խնդիրները ենթակայ են օրեկտիւ ուսումնասիրութեան կենդանիների վրայ: Յաճախ համոզւում ենք, որ, ըստ երևոյթին, հոգեբանութեան տեսակէտից ամենաբարդ յարաբերութիւնները ենթակայ են պարզ և արդիւնաւէտ օրեկտիւ բնախօսական տարաբաղադրութեան (анализ), որոնք հեշտ ստուգւում են համապատասխան փորձերով. ի հարկէ այդպիսի փորձերը—արտաքին շրջանի ազդեցութեան օրգանիզմի վրայ—պահանջում են բոլորովին բացառիկ պայմաններ, այլ տեսակի աշխատանոցներ, ուր գոյութիւն չունի լոյսի յանկարծակի տատանում, չկայ օդի փոփոխական շարժում և այլն և այլն:

Պրօֆ. Պավլովը վերջը մատնացոյց արեց «բնական աշխատանոցի» անհրաժեշտութեան վրայ, միևնոյն ժամանակ ցանկութիւն յայտնելով, որ այդ աշխատանոցի գաղափարը իրականանայ Մոսկուայում:

Պրօֆ. Պավլովը ամբիոն բարձրացաւ և իջաւ երկար ծափահարութիւնների ձայների տակ:

Խօսքը պատկանում էր Մոսկ. բաղաբազուկ Պուշկովին, որը բաղաբի կողմից յայտնեց համագումարին լաւագոյն ցանկութիւնները և յաջողութիւն նրա գործունէութեան:

Ապա կարդացուեցին հեռագիրներ զանազան հաստատութիւններից և առանձին անհատներից. ի միջի այլոց Թիֆլիսի հայոց գիւղատնտեսական և տնայնագործական ընկերութիւնից և Թիֆլիսի բնութեան սիրողների ընկերութիւնից (общ. любителей природы). թէ մէկ և թէ միւս ընկերութիւնները խնդրում են նշանակել հետեւեալ համագումարը Թիֆլիսում:

Փոքրիկ ընդմիջումի ժամանակ կատարուեց նախագահի և 2 փոխնախագահի ընտրութիւնը. 1043 ձայնով նախագահ ընտրուեց պրօֆ. Դմիտրի Նիկոլաևիչ Անուշինը, իսկ փոխնախագահներ 901-ական ձայնով Ակադէմիկոս Իվան Պետրովիչ Պավլովը (Ս. Պ. բուրգ) և պրօֆ. Իվան Իվանովիչ Բորգմանը (Ս. Պ. բուրգի համալսարանի ուսկառնը):

Վերսկսուած ժողովի ընդհանուր որոշումով հեռագիր էր ուղարկուած յայտնի Պրօֆ. Կ. Ա. Տիմիրեազեւին, որը հիւանդութեան պատճառով անկարող եղաւ կարգալ իւր «Դարվինականութիւն և ներկայ գիտութիւնը» ճառը:

Կարդացուեցին մի երկու նոբ ցանկութիւններ, որոնց թւում Պ. Բուրգի բժշկների և բնագէտների լէհական ընկերութեան կող-

մից, իսկ Սոֆիայի համալսարանի ներկայացուցիչ պրոֆ. Պ. Ն. Ռայկովը բուլղարերէն ճառով ուղղունեց ներկայ եղողներին:

Նախագահի մի առաջարկութիւնից յետոյ գիտնականների ռուս ընկերակցութեան մասին, որի մասին կը խօսենք մի փոքր ուշ, ամբիոն բարձրացաւ Պրոֆ. Եգորովը:

Կիրիւհոֆի և Բուենզէնի մեծագիր նկարները, որ մինչ այդ լուռ նայում էին ամբիոնից ներկայ եղողներին, այժմ մարմնացան կենդանի խօսքի մէջ և գիտութեան պատմութեան փայլուն հորիզոնի վրայ նկարուեցին իրենց մտաւոր մեծութեամբ...

«Պատկերալուծութեան 50 տարին» ճառով Պրոֆ. Եգորովը նկարագրեց գիտութեան այդ ճիւղի զարգացումը սկզբից մինչև մեր օրերը:

Նոյն ժողովում նախագահը առաջարկեց մասնաճիւղերում քննել «Գիտնականների ռուս ընկերակցութեան» նախագիծը, որը կարգադրիչ մասնաժողովի կողմից ընդունուած ձևով կտպագրուի «Դնկնիկի» № 2-ում և որոշումները յայտնել ոչ ուշ քան յուն. 1-ը-Վիլսաւոր կէտերը հետևեալներն են.

1. Ռուսաստանում գիտութիւնը տարածելուն նպաստելու համար կազմուած է «գիտութեան զարգացման և տարածման նըպաստելու ռուս ընկերակցութիւն»:

2. ընկերակցութիւնը նպատակ է դնում բոլոր ունեցած միջոցներով նպաստել գործնական բնագիտութեան, մաթեմատիկայի, աշխարհագրութեան, գիտական բժշկականութեան և նըրանց հետ կապակցած գիտութիւնների զարգացման. այլ գիտական ընկերութիւններն ու հաստատութիւնները անձեռնմխելի թողնելով:

3. Այդ նպատակը իրագործելու համար ընկերակցութիւնը՝ ա). որքան կարելի է յաճախ և կանոնաւոր կերպով ժողովում է համագումարներ, մասնաճիւղերի բաժանիւղով, ընդհանուր և մասնագիտական հարցերի մասին հաղորդելու և համապատասխան գիտութիւնների զարգացման և տարածման միջոցները քննելու:

բ). նպաստում է գիտական հետաքրքրութեան արթնացնելուն և ամրապնդելուն, համագումարների ժամանակ սարքելով զանազան գիտական ցուցահանդէսներ, հասարակական դասախօսութիւններ, փորձեր, էկսկուրսիաներ, մասնագէտների ուղեկցութեամբ թանգարանների, արհեստագիտական հաստատութիւնների ևն դիտում: Գրքեր և ամսագիրներ հրատարակելով գիտութեան զանազան ճիւղերին վերաբերեալ. ևն.

գ). նպաստում է փոխադարձ մերձեցման գիտութիւններ ուսումնասիրող և դաս տուող անձանց, դրանց համար նիւթեր հա-

ւաքողները և դրանց յաջողութեամբ հետաքրքրուողներին. այդպիսի անձանց փոխադարձ յարաբերութիւնը թեթեւացնելու ինչպէս իրար, նոյնպէս և ուսական և օտարազգի գիտական հաստատութիւնների և ընկերութիւնների հետ:

դ.) Նպաստում է գիտական ուսումնասիրութեան աւելի սիստեմատիք ընթացքի և Ռուսիայի կարելոյն չափ լայն և բազմակողմանի ուսումնասիրութեան, ընապատմական, աշխարհագրական և այլ տեսակէտից:

ե.) Հնարաւորութեան չափ բարոյական և նիւթական օգնութիւն է հասցնում գիտական հետախուզութիւնների, գիտական նիւթերի ժողովելուն, հրատարակելու գիտական աշխատութիւնները, գիտական թանգարաններ, գրադարաններ, ցուցահանդէսներ հաստատելուն, ընկերութիւններ և ուրիշ լուսաւորող հաստատութիւնների և նախաձեռնութիւնների և մանաւանդ գաւառում:

զ.) Եթէ կգանուեն բաւական վումարներ, հաստատում է մրցանակներ, մեդալներ, նոյնպէս և պատուաւոր կարծիքներ է յայտնում և տալիս է այդպիսիները աչքի ընկնող գիտական աշխատութիւնների և ձեռնարկութիւնների համար և ընկերակցութեան մատուցած ծառայութիւնների համար:

է.) հարկաւոր դէպքերում միջնորդում է պետական և հասարակական հաստատութիւնների առաջ հովանաւորել և օժանդակել գիտական ձեռնարկութիւնները և ընկերակցութեան նըպատակները:

Ընկերակցութեան գլուխ է անցած խորհուրդը, որը վարում է բոլոր գործերը. գործադիր մարմինը Վարչութիւնն է (правление), որը բաղկացած պիտի լինի ոչ աւելի քան ինը հոգուց:


Համագումարները ժողովելուն նպաստում են տեղական կոմիտէները և այլն և այլն:

Այս նախագիծը ամբողջութեամբ տպագրուած է «Գնենիկ» № 2 ի մէջ և русск. вѣд. № 298 և № 299 1909 թ.:

Նոյն օրը սկսուեցին և միացեալ ու մասնաճիւղերի ժողովները:

Ա. Վ.

(Վերջը հետևեալ անգամ)



ՆՈՐԱԳՈՅՆ ՊԱՏՄԱԳԻՏՈՒԹԻՒՆ ¹⁾

ՀԻՆԳԻ ԴԱՍԱԽՕՍՈՒԹԻՒՆ

ԿԱՐԼ ԼԱՄՊՌԵԽՏԻ

II

ԳԵՐՄԱՆԱԿԱՆ ՊԱՏՄՈՒԹԵԱՆ ԸՆԴՀԱՆՈՒՐ ԸՆԹԱՑԲԸ ՀՈ-
ԳԵԲԱՆԱԿԱՆ ՏԵՍԱԿԷՏԻՑ.

Շաբաթներ ու ամիսներից ի վեր անդրադարձան աշխարհի այս մեծաթուիչ ու ընդարձակ, այս ազմկալի ու եռուցող կեանքում եմ տարում: Պատմական զոյութեան նոր ծնե-րի մէջ եմ թաղուել և թէև դեռ բոլորովին չեմ հասկացել, բայց այնուամենայնիւ շատ աւելի նախազգացած ու զգացած կանդ-նած են իմ առաջ մարդկութեան արժէքները, որոնց ես մի քառորդ տարի առաջ տպաւորութեան այսպիսի ընդարձակութեամբ և այս անմիջական մեծութեամբ դժուարութեամբ կարող էի ե-րացել:

Այս դրութեան մէջ պէտք է ձեզ հետ խօսեմ հին աշխարհի մասին. այն էլ այդ հին աշխարհի ոչ հասարակ բաների մասին. Աւելի շուտ նրանց վերջին և դժուարութեամբ պարզաբանուած յառաջադիմութիւնների մասին, միայնպիսի նեղ հոգեկան շրջանում, որպիսին է պատմագիտութիւնը և ուր հնարաւոր է մի քանի անձնապէս այս վերջին նուաճումներից դուրս կատարած քայ-լերի մասին: Եւ տեսնում եմ, ի՞նչքան դժուար է այսպիսի պայմաններում քննադատօրէն վերաբերուող ու զործը հասկա-ցող շրջանի առաջ պատմագիտական և պատմական խնդիրները վերլուծել: Բայց վերջի վերջոյ իւրաքանչիւր գերմանացու հա-մար պէտք է արժէք ունենայ Ուհլանդի խօսքը—համարձակ շվաբացին չի վախենում. ինչպատմաբանին է վերաբերում, պէտք է ասել, որ նրա համար միշտ պատրաստ է մի վերջին օժան.

¹⁾ Լուծւայ 1909 № 12

դակ միշոց, որը միաժամանակ նրա սկզբնական զէնքն է. նա նկարագրող կլառնայ. նա կսկսի պատմել:

Թոյլ տուէք այժմ նորագոյն պատմագիտութեան հարցերը, որոնց մասին ձեզ հետ լետագայ դասախօսութիւններում խօսելու եմ, այսօր սկսեմ իմ ժողովրդի պատմութեամբ—սկսած Քրիստոսից շուրջ 500 տ. առաջ մինչև այժմ: Գերման ժողովրդի պատմութիւնը մի ժամօւմ. լսում եմ ես: Այո՛, մի ժամում. հէնց մեզ հետագայ դասախօսութիւններում զբաղեցնող հարցերի առանձնացատկութիւնը այն պայմանն է, որ այսպիսի մի համարձակութիւն կարելի է ունենալ, այդ պատմութիւնը միայն մի ժամում դասախօսելու:

Քրիստոսի ծննդից մի քանի դար առաջ և առաջին դարում յ. Ք. մենք տեսնում ենք գերմաններին, մեծ մասամբ մեր ընդհանուր նախահայրերին, մի այնպիսի հազեկան գրութեան մէջ. որ մեզ, լետագայում ծնուածներին համար մօտիկից դիտելու դէպքում զարմանալի է: Նրանց երևակայութիւնը, հոգեկան բոլոր գործօններից այդ ամենանշանակալին, իւր յորժանքոտ յոժին նայելով, շատ հարուստ է, չի երևում զեռ ևս ոչ մի բանաստեղծութեան, ոչ մի ֆնչկատակ ներկայացման, ոչ մի երաժշտական դիստի, ոչ գեղարուեստի, սչ արձանագործութեան և ոչ նկարչութեան մէջ: Բայց նա վերին աստիճանի գործուն է. նա իւր հիմքով ընդգրկում է երևակայութեան գործունէութեան բոլոր տեսակները միաժամանակ. ոչ մի բանաստեղծութիւն չի աւելում, որի հետ չլինէին շարժումներ և մարմնի պլաստիկ-նկարչական դիրք տալ և խօսքերի երաժշտականութիւն. ոչ մի աօնական գործ, որը չստանար բանաստեղծական երաժշտական ձևեր. գեղարուեստի ոչ մի ստեղծագործութիւն, որի մէջ չլինէր ֆնչկատակային մօտիւներ և նրանց մէջ էլ չհնչէին միաժամանակ լեզուի և հնչիւնի եղանակներ: Երևակայութեան գործունէութեան այսպիսի ընդհանրութիւնը արտայայտութիւնների մէջ հասկանալիօրէն վերաբերում է գոյութեան բոլոր տարրերին հաւասարապէս: Այդպիսի տարրեր են ինչպէս բնականը՝ ծնունդ և նշանադրութիւն, ամուսնութիւն և մահ, այնպէս և հասարակականը՝ նախնական տնտեսութիւն, իրաւունք և սո-

վորութեան տարրեր, այնպէս և բնութեան փոփոխութիւնը, աշուն և գարուն և սրանց հետ կապուած զգացումները և ամենից աւելի աստուածայինի հետ յարաբերութեան մէջ մտնելու հանդիսաւոր տօնը: «Այս հանդիսաւոր դէպքում իրենք աստուածները, ինչպէս ներկայ եղողներ են ըմբռնուած. նրանց բերում են ուրախ ընդունելութեամբ դիւզը և տուն, նրանց առաջարկւած են հիւրասիրութիւն և ուղեկցում են դէպի առաջ: Երբեմն մի երիտասարդ կամ մի կոյս աղջիկ վերերկրայինի երևար ներկայացնելու սլատիւն էր ստանում. երբ այլևս այնքան համարձակ զգայականութեան մէջ էին ընկնում, այն ժամանակ առաջ ասածուն նուիրուած կենդանիներին էին տեղաւորում հանդիսաւոր զնացքի մէջ... երկնային կոչումը երկրի վրայ զգալի ներկայացնելու վարժութեան համար աստուածք մեծ պատիւներով էր ընդունւում: Ո՞վ չի ճանաչում երջանիկ երկրի տէր ներսուլին, որին տանում են կովերը կառքով և դարնանը երկրի վրայով անցնում է նոր սկսուող երկրից մի սեփականութիւն ստանալու համար: Երբ նա կառքը քշում է մի նոր դաշտ, նրան ողջունում է երկրագործ ընկերների անական խումբը. այն ժամանակ հնչում է նրա համար չափաւոր շարժումների հետ միասին փառաբանական ու զմայման երգը» *)

Ի՞նչն էր սակայն այս դարձանալի հոգեկան դրութեան, այս երբեմն զուրս ժայթքուած, բայց իբրև ամբողջութիւն ամենուրէք երևացող երևակայութեան սկզբնական միութեան և նրա դոյութեան բոլոր ուղղութիւններում ունեցած ազդեցութիւնների հիմքը:

Այս ժամանակում, մանր ժողովրդներից կազմուած գերմանացիները, երբ մօտ 100 տեսակի ազգութիւնների էին բաժանուած, երբ ռազմիկը գեռ ևս իւր տոհմի բնական բաժանումների սահմաններում էր ապրում և գլխաւորապէս առհմական պարտականութիւններ էր կատարում, այս ժամանակ նրանց համար աշխարհը մի պատկերացրած կամ մաւժուած

*) Կ. Լամպրեխտ Գերմանիայի պատմ. 1 հտ. 3 հրատ. (1902) 176 եր.

բան չէր, այլ ամբողջապէս միայն շօշափելի, պարզուած մի բան, ուստի շօշափելի էր այն պատկերը, որը նա նրա մասին կազմում էր: Կեանքի ինչ կարեւոր հանգամանքն էլ հոգեպէս պէտք լինէր ընդգրկել, այդ ոչ գաղափարներով էր նկարագրուած և ոչ էլ գառողութիւններով խճողուած, այլ որպէս այդպիսին շօշափելիօրէն վերարտադրուած էր, նրա մտքի համաժայն միանգամ ես հոգեկան գործօններում, որոնք նրա արտաքինը վերարտադրում էին, կրկնուած էր: Մեր հասկացողութեան համար այս վերին աստիճանի տարօրինակ, ուստի և դժուար ըմբռնելի դրութիւնը այլ կերպ նկարագրենք, որևէ պատկերացման կամ որևէ կամեցողութեան մտաւոր կազմուածքը մարմնանում էր իսկոյն մի արժէքալի գործողութեան մէջ, երևում էր, դեռ ևս իւր գործողութիւններում բազմաթիւ հիւլաւորման չենթարկուած, երևակայութեան մէջ այլաբանական ծնով:

Այլաբանութիւնը (սիմվոլիզմ) այս նկարագրած մտքով ասած այդ հին ժամանակի իսկական որոշիչ նշանն է, նշանակալի առանձնայատկութիւնը: Սրան, իբր կեդրոնական երևոյթի, ենթարկում են հոգեկան եզակի գործողութիւնները, օրինակ մտածողութիւնը, որքան վերջինս համեմատութիւնից առաջ եկած եզրակացութիւն էր, որը այլաբանութեան իսկական մտաւոր գործօնն է, կամեցողութիւնը, որքան սա իւր արտայայտման ամենապարզ ընկերներում, այն է գատարանի և համայնքի առաջ եղած դէպքերում շատ զարգացած այլաբանական ծնելով էր արտայայտուած. վերջապէս զգացումը, որը իւր բարձր ոգևորութեան դէպքում՝ կրօնական զգացման դէպքում, ստանում էր շօշափելի աշխարհայեցողութեան այնպիսի ծներ, որոնցից մէկի մասին այժմ խօսեցինք: Ինչպէս հիմնական գործօնները, նոյնպէս և նրանցից առաջ եկածները իրենց կարեւոր և յարատեւ արտայայտութիւնների ծնելով՝ լեզուի, դեղորուեստի, աշխարհայեցողութեան, սովորութեան, այլաբանական էին: Իրաւունքի այլաբանութիւնը սովորութեան մէջ խո-

*) Կ. Լամպրէխտ. Գերմանիայի պատմ. 1. 3 հրատ (1902) եր. 177.

րացել էր, վերջինս համարեա՝ ամբողջապէս զտնւում էր նրա սղգեցութեան տակ: Աշխարհայեցողութիւնը առասպելաբանութեան սահմաններից դուրս էր եկել. սա բնութեան և մարդկային կեանքի կարևոր երևոյթները այլաբանօրէն պատկերացրել էր աստուածների աշխարհում, որը երևոյթների ետևում զտնւելով, սրանց առաջ բերելով և կառավարելով, ապրում է. սա մի բարձր պատկեր է տեսանելի իրականութեան: Գեղարուեստը, որը սահմանափակուած էր միայն մի պարզ զարդադիտութեամբ, այլաբանօրէն պատկերացնում էր երևոյթների աշխարհի այլ տարրը, որը ամենից առաջ և սկզբնապէս ձեւերը կազմող լիզողութեան մէջ է պահւում, այսինքն շարժումը, չափը: Լեզուն էլ, երբ սկսեց այս չափը աւելի զիտակցօրէն, աւելի լաւ գործածուել, սկսեց սրան յատուկ, գերմանական եղանակին, որ է կազմող տարր հիւսել և աւելի խիստ ուշք դարձնել ոչ այնքան գեղեցիկ ձևեր կազմելուն, որքան նշանաւոր բովանդակութիւն ունենալու զարգացմանը:

Այսպիսով, որքան այս ժամանակի աղբատիկ տեղեկութիւններն հնարաւոր են դարձնում զարգացման նախկին և լատագայ հոսանքները տարբերել, հոգեկան կեանքը մի մեծ միութիւն ունէր: Կարող ենք տեսնել, ինչպէս այս բանը մի յատուկ անձնաւորութեան իդէալի մէջ իւր ազդեցութիւնն ունի, ինչպէս այդ անձնաւորութիւնը կրող է այդ բանի: Այլաբանական հոգեկան կեանքի այս աշխարհում եղակին կորչում է. նա միաժամանակ գերասան է իրենից անկախ առաջ եկող, իւր մէջ անգիտակցօրէն իշխող ընդհանուր հոգեկան կեանքի. նա ամբողջի մասն է դառնում. նա համարժէք հանուր գոյութեան անդամների կողքին նոյն արժէքն ունեցող մի անդամ է:

Գերմանական արտաքին կուլտուրայի էական, նկատողութեան արժանի յատկանիշը իսկապէս այս է: Մենք տեսնում ենք ազդր առանց որևէ կապի, որը ամբողջին քաղաքականապէս կապէր. սղգը բաժանուած է մի ամբողջ շարք ցեղերի. նրա անհատների հոգեկան մօտիկ նմանութեան շնորհիւ անհրաժեշտ կախիք չկար ամբողջի սերտ միութեան. ինչպէս այս պէտք է աշխատանքի բաժանման և միութեան դէպքում:

այս նշանակում է բարձր կուլտուրայի անհատական զործունե-
ութեան շերտաւորումն. Բայց ցեղերն էլ իրենք ոչ թէ պարզ,
այլ բարդ կազմութիւններ էին. սրանք կազմուած էին հարիւ-
րակներից և դերմանացին իսկապէս այստեղ է ապրում. այս
հարիւրակներն էլ աւելի պարզ սոցիալորութիւն ունին, իրենց
հիմքով զեռ տոհմեր են: Տոհմի մէջ դերմանացին հոգեպէս
կապուած է. տոհմը նրան պարփակում է իւր, զեռ չբաժա-
նուած կեանքով. այստեղ նա միայն մի օրինակ է և ոչ թէ անձ-
նաւորութիւն. նա ենթարկւում է արեան վրիժառութեան
համակարգութեանը, որտեղ անհատների հոգեկան նման մա-
կերւոյթում միատեսակ հոգեկան ելակէտ է իշխում: Նա իւր
անձնական հակումներով, իւր բարեկամութեան և թշնամու-
թեան մէջ տոհմի կեանքի ուղղութեան հետ է կապուած. նա
երեւում է, առնուազն արտաքուստ այնպէս, որ մեր զուտ անձ-
նական ձգտումների մասին ունեցած հասկացողութիւնների
տեսակէտից, իւր տոհմի միւս քիւրերի հետ կարող է շփութուել:

Այս հակադրութիւնը, աւելի ճիշտ ասած այս կատարելա-
պէս ժխտումն է այն բանի, ինչ որ մենք անձնաւորութիւն ենք
անուանում, տոհմի բնական բաժանման մէջ համապատասխանում
է այն տեսակին, երբ անհատները պետութեան ցեղերից կազմուած
դրութեան մէջ զօրծաղբւում են: Պետութիւնը զօրքն է և
պետութեան քաղաքացիութիւնն էլ ընկերականութիւնը ընկե-
րութիւն այն մաքով, որ ամբողջին ենթարկւում են ամբողջա-
պէս. այն մտքով, որ նոյն իսկ աչքի ընկնող հերոսների անձնա-
կանութիւնը ամբողջովին կորչում է: Ընկերական ու բնական
կապակցութիւնների շնորհիւ հայրենիքի հողային շահագործման
ամենանոր տնտեսական կապակցութեան ծնն է պայմանաւոր-
ւում: Մատ տոհմերի և հարիւրակների հոգն ու զետինը բա-
ժանւում է իբրեւ պատերազմի աւար ընկերական տեսակէտից.
այս պատճառով մշակութեան պարզ ծները համայնատիրական են:

Այս բոլոր տպաւորութիւններից յետոյ կարելի է զարմանալ,
որ հռոմայեցիք դերմաններին նոյն նախ քստարտաքինի, քստ զի-
մադժերի իրար շատ նման էին համարում: Մեծ ժողովրդագիր
Տակիտոսը այս արտաքին նմանութեան հիման վրայ այն բնո-

րոշ բանն էր ասում, թէ Yens propria et sincera et tantum sui simbilis.

Սակայն Տակիտոսից 2-3 դար յետոյ այս աշխարհը ոչ միայն արտաքին, այլ և հոգեկան շարժումն է սկսում. հինգ-վեց դար յետոյ տեսնում ենք նոր հոգեկան դրութիւն, որը շարունակում է մօտաւորապէս մինչև ժա. դարը, որը իւր նախկինից ամեն բանով, ուրեմն հիմնաւորապէս տարբերում է:

Ինչ նշանակութիւն ունեցաւ Գերմանիայի համար ժողովրդների գաղթը: Հին աշխարհի կործանումն. դիւա, բայց ոչ շուտով կառուցումն մի նոր աշխարհի: Դեռ ևս գերմանական լեզուի մէջ նկատելի են խոշոր զծերով փոխառնուած արտայայտութիւններ մի աւելի լաւ կենցաղի համար. օրինակ տան և ագարակի խմիչքի ու կերակրի վերաբերեալ: Սրանք անշնչելի հետքեր են այն ազդեցութիւնների, որ յղփացած կայսերութեան կուլտուրայից են մնացել. այն կայսերութեան, որի խնամքի առարկայ եղող խաղաղութեան մէջ խուժեց աւերող գերմանացին: Բայց այս կոպիտ և դեռ այսօր էլ եղակի զէպքում նկատելի ազդեցութիւնների հետ երևում են ռքան անթիւ մեղմ ազդեցութիւններ, որոնք գերմանական հողին դէպի աւելի խորն են մղում: Մերովինգեան պետութեան բարոյական ու մտաւոր տխուր դրութեան մէջ, ինչպէս և Միչերկրեայ ծովի գերմանական պետութիւններում տեսնում ենք որ հանգէս է գտի նախ համարեա՞ բոլորովին. նոր շերտաւորումն հին գերմանական ոգու. ոչնչանում է այն, ինչ որ կանոն էր և աստուածալին. գերիմացական-այլաբանական մտապատկերներն այժմ նշանակութիւն ստացան: Օտար կուլտուրայի անսանձ ջրերը փլատակ փլատակի ետևից տանելով վշշում են ինչպէս ջրհեղեղը, քանդում են եղածը. բայց դեռ շատ հեռու են այն բանից, որ նրանց կարելի լինէր տիրապետել և մի նոր հունի մէջ դնել: Շատ դանդաղօրէն է սկսում նորը և դեռ խաղաղութիւն է տիրում. հին կուլտուրայի հեռացող և վերջապէս չորացող ալիքների վրայ երևում է նոր աշխարհ, իւր հիմքով ոչ հռոմէական, այլ փոխուած, դարգացման աւելի բարձր աստիճանի վրայ գտնւող գերմանական կուլտուրայի պատկեր:

Հաւաքենք այս նոր կուրտուրայի զգեստի մի քանի արտաքին ծուկերը: Հին ժամանակը իբրեւ աչքի ընկնող երեւակայութեան արդիւնք և միաժամանակ իբրեւ հոգեկան և Ֆիզիքական երևոյթների աշխարհի գեղարուեստական արտագրութիւն գործ էր դնում դիակը և այսպէս ասած զարդակապը: Յանձին դիակի աօնում էին միաժամանակ միմիկայի, երաժշտական, բանաստեղծական արտայայտութիւններով հերոսի գործերը. ինչպէս Տալիտոսը Արմենիոսի մասին յիշում է. *canitur adhuc barbaras apud gentes*. զարդակապի մէջ ձևակերպող գեղարուեստը ի մի էր ամփոփում շարժումների չափական ձևերը: Երեւակայութեան գործունէութեան այս ձևերի տեղ տեսնում ենք ազգերի դադթից յետոյ ուրիշներն են հանդէս գալի և որոշ ներքին փոփոխութիւններով ծաղկում են մինչև XI-րդ դարը, Դիւցազներգութիւնը և տիպիկ դարձը: Դիւցազներգութեան հին ձևն է հերոսների մասին երգերը, որոնցից մէկը դեռևս 9-րդ դարուց, վերջին ծաղկման ժամանակից հիշերբրանդի երգի միջմնացել է. կարճ կարած, համարեա՛ դրամատիկական ձևով բնութացող, իհարկէ դեռ բարձր ծայնով երգուող և որոշ շարժումներով պատմուող մի աչքի ընկնող հերոսի մասին եղած պատմութիւն է: Սա մի ձև է, որը այս արտայայտութեամբ պէտք է ազգերի դադթի ժամանակ ժազած լինի. ազգերի դադթին են պատկանում ամենահին տնունները, որոնց կրօնները հարուստ և մաաչելի աւանդութիւններով մեզ են հասել: Բայց արդէն 8-րդ, եթէ ոչ 7-րդ դարուց այս ձևը, որը արդէն անկման շրջանի մէջ էր, տեղի է ապրիս մի ուրիշի և հեքիաթերգութեան, որտեղ նոյնպէս մեծ մարդկանց ու նրանց համարձակ գործերի մասին է պատմում, բայց սիրալիր կերպով կանգ է առնւում անցքերի մանրամասնութիւնների վրայ. աւելի ուշ ժամանակ համարեա՛ անեկդոտական մանրամասնութիւնների մասին իսկ. իւր ամբողջութեամբ սա իրականութեանը մօտ է, որը բանաստեղծօրէն է արտայայտւում: Այս ձևը մեզ հետաքրքրող ժամանակի վերջին դարերում է յատկապէս ծաղկում: Այդ դարձացման բարձր աստիճանը եղել է 900 թուին. յետագայում նրկատւում է հակումն աւելի մանրամասնութիւնների մասին խօ-

սել: Սրա հետ միասին առաջ է գալի կենդանիների առականների ճաշակը և վերջապէս գործնական, ներկային վերաբերող ուսանաւորով կազմուած ժամանակագրութիւնը. այլևս 13-րդ դարի ծաղրական երգերը, ինչպէս օրինակ մի կողմից Գօտֆրիդ Հագէնի գիրքը Քեօյն քաղաքի մասին, միւս կողմից թէև լատիներէն գրած, Ցեղարիուս Փօն Հայստէրբախի հրաշտխօսութիւնները. նաև 12-րդ և 13-րդ դարերի հազարաւոր հրաշքներ. այս բոլորը կարող են լուս բնութագրել այդ ժամանակը:

Դիւցադներգութեան այս զարգացմանը զուգահեռաբար ծաղկում է ձևախերպող գեղարուեստի մէջ տիպիկ զարդանկարը: Տեսնում ենք ինչպէս նախկին ժամանակի զարդանկարը հետզհետէ կենդանիների ձևեր է ստանում, մինչև որ ժապաւէնները փոխւում են օձերի և ամեն տեսակ չորքռօտանիների և թռչունների իհարկէ շատ սահմանափակ շարժման ձևերով: Կարող ենք տեսնել, թէ ինչպէս այս անցման ձևերի մէջ կենդանին հետզհետէ աւելի պարզ է երևան գալի. սկզբում իհարկէ իւր մօտաւոր ուրուագծով, ախպիկ բառի իսկական մաքով, այնպէս որ կարելի է զանազանել միայն չորքռօտանի, թռչուն և ձուկ լինելը և ոչ այդ ընդհանուր տեսակների առանձնայատուկ սեռերը: Սակայն 7-րդ և 8-րդ դարերից յետոյ երևում է, թէ ինչպէս շրջապատող ծածկոցի տակից այս ընդհանուր պատկերացումներից նորից յատուկ տիպեր են դուրս գալի. չորքռօտանիներից երևում է շուներ, եղջերուն, թռչուններից սաղր, արծիւ. սուկայն ոչ իրական ըմբռնուած տեսանելի առանձին պատկերներ նոյնիսկ ընդհանուր տիպի չափով արտայայտած, որ տեսնում ենք զինանշանի վրայ եղած կենդանիների մէջ. այնուամենայնիւ առանձին պատկերներ են, որոնք առանձին սեռեր են արտայայտում: Միաժամանակ երևում է մի ինչոր նորի թեթև հետքերը, որոնք 10-րդ դարու ընթացքում ծաղկած գեղարուեստի են փոխարկւում, որէ ծաղկազարդ քանդակի, շարժուող երեւոյթի՝ կենդանու տիպիկ վերարտադրութեանը հետևում են անշարժներին, բուսականը. նորից իհարկէ ընդհանուր ձևերով. չի երևում մի որևէ ծառի կամ բոյսի առանձնայատուկ երեւոյթը. դրա փոխարէն հին ժամանակ զարդաքանդակի մէջ

գործածուող ձևերը ճիւղերի և ոստերի հրաշալի ալիքանման շարժումների մէջ արտայայտուում են: Բայց այստեղ էլ առաջ է գալիս մի ուժեղ անհատականացում. ծառը, թուփը և բուսը, խոտանման և նուրբ ծաղկող պատկերները արդէն զանազանուում են, մինչև որ մի փոքր չեաոյ իրարից տարբերում են ծաղիկն ու ծառը և ծառերի մէջ էլ կաղնին ու հաճարին: Միևնոյն ժամանակ է, երբ նկարած իրերը տեղական գոյնով և ոչ պատահական, շատ անգամ պայծառ գոյներով նկարելու. վերջնական զարգացմանն է հասնում, իսկ կենդանական զարգաքանդակի մէջ համեմատաբար ժամանակակից գիշանշանի կենդանիների ուժեղ իրականութիւնն է իշխում:

Իսկոյն երևում է ինչպիսի զուգահեռական ընթացք են ունեցել այդտեղ ձևակերպող գեղարուեստը և բանաստեղծութիւնը, որոնք ազգային զարգացման այս դարերում միայն դիւցադներգութեան ու կենդանական զարգաքանդակի մէջ են արտայայտուել: Առաջին շրջանին՝ դիւցադներգութեան ու կենդանական զարգաքանդակին հետևում է մի երկրորդը՝ հէքաթերգը և բուսական զարգաքանդակը, որոնց միայնակ զարգացման նշանը առաջագիծող համապատասխանումն է իրականութեանը. թէ և մինչև զարաշրջանի վերջը միշտ նախ երևոյթների աշխարհի տիպերի արտայայտելն է նրանց յաջողում, քան անհատականը:

Բայց զարգացման ընթացքը միևնոյնը չէ՝ արդեօք, որը նոր ժամանակի երևակայութեան ամբողջ գործունէութիւնը նախորդ գերմանական նախաժամանակից բաժանում է. միայն թէ բաժանման գիծը ազգերի գաղթից առաջ և չեաոյ եղած ժամանակի մէջ աւելի ուժեղ է քան 7—9-րդ դարերում: Որովհետև երբ երևոյթների աշխարհի գեղարուեստական ըմբռնումը դեռ չի հասել շարժուող կենդանու մօտաւոր տիպին, վերարտադրութեան աստիճանին կարո՞ղ է նա ուրիշ բան անել, քան այն, որ միայն հէնց շարժումն է իրեն նիւթ դարձնում: Սա մի նոյն տեսակի դէպք է, բայց զուգահեռական է. երբ երեխան դեռ կենդանու և մարդու տիպիկ վերարտադրումից առաջ, որին աստիճանաբար նա հասնում է իւր զարգացման որոշ հասակով. քարեգրիչը, որ նրա ձեռքն են տալի, ուրիշ բան չէ

արտադրում, ըստ էթէ շարժումներ, գծեր, որոնք նրա ձեռքի անդիտակից, չափական շարժումներից են առաջ գալի միաժամանակ որոշ տեսակի կենդանիներ՝ կատուններ, շներ, ձիեր է պատկերացնում: Եթէ հոգեկան երևոյթների աշխարհը պատկերացնելու վերաբարտադրման ընդունակութիւնը մի որևէ հերոսի, թէ և զեռ տիպիկ, գործերի պատմութեանը չի հաւասարւելու, չպէ՞տք է արդեօք այս հերոսի զգացումների պատկերաւոր կրկնութիւնը և այս զգացումների յուզիչ վերաբարտադրումը յանձին գիակի հանդէս դար: Այս բանը զգացումների ներշնչումն է պատկերացուելիք առարկային, մի բան, որ նախաժամանակի այլաբանութեան նշանն է, ինչպէս որ տեսած շարժումը նկարող արուեստաւորի անձնական չափի հետ միացնելը այս ժամանակին յատուկ է: Նետեալ ժամանակը, որին կարող ենք Թիպիկ ասել, իւր հետ բերում է զգացումների վերլուծութիւն և իրերի շարժողութիւն, որի էութիւնը ու ձևը մօտաւորապէս է հասկացւում. նա բերում է դիւցադներգութիւն և զարդաքանդակ:

Այստեղ արած մի փոքր երկար զիտողութեան շնորհիւ մենք միաժամանակ իմացանք նախկին և ներկայ ժամանակի հիմնական տարբերութիւնը: Նախաժամանակը ընդգրկում է բնութեան հետ և նրա մէջ անգիտակից կենցաղի տարրեր, լինի այդ արտաքին, Ֆիզիքական երևոյթների կեանքի բնութիւնը կամ հոգու ներքին շարժումներին: Նոր ժամանակում մարդը սկսում է այս երևոյթները շնորհիւ գիտակցութեան աղօտ լուսաւորութեան իրենից դուրս նկարել. իբրև իւր սեփական եսից դուրս եղած մի առարկայական բան գնահատել. այս գնահատման շնորհիւ այդ առարկայականին տիրապետել: Սա զարդացման մի գիծ է, որը գերմանական զարգացման ընթացքում մինչև ներկան էլ շարունակւում է և սրա առանձին շրջանները խորը ըմբռնուած յղգային զարգացման ժամանակաշրջաններն են կազմում:

Միթէ յիշուի. նախաժամանակը այսպէս բոլորովին անգիտակից դէմ յանդիման կանգնած էր բնութեան երկրի և հոգու դէմ: Միթէ հետագայ ժամանակաշրջանից մի կատարեալ

անչափուհն է: Պատմական ամբողջ փորձառութիւնը ստիպուած է այդ հարցին ոչ-ով պատասխանել: Եթէ մենք գերմանական կեանքի աւելի նախնական ժամանակը ուսումնասիրենք, քան այսպէս կոչուած նախաժամանակն է, կտեսնենք, որ այն աւելի անդիատկից է առաջ դնացել, քան այս և որ իւր սեփական չատկութեամբ իբր առաջին և մեղ ծանօթ ժամանակ երևում է նախաժամանակը, իբր մի բացարձակ բան, որից իբրև անվերլուծելի տուեալից պէտք է սկսենք ժամանակաշրջանի հաշիւը:

Դառնանք 3-11-րդ դարերին, տիպիկի ժամանակաշրջանին. մի պարզ շրջահայեացք ցոյց կտայ, որ մինչև այժմ մեր ճանաչած հոգեկան էութեան բնոյթից են կախուած այս ժամանակի բոլոր երևոյթները, թէ արտաքուստ և թէ ներքուստ:

Պէտք է արդեօք ասել, որ անձնաւորութիւնները և իրերը համաժայն այն ընդունակութիւնների, որոնց միջոցով նրանք ճանաչուած են, բնականաբար ապրում են այնքան, որքան որ նրանք գործում են կամ ստեղծում: Այդ ժամանակի պետութեան մարդը և մարտիկը մի հերոս է հնազոյն դիւցապներդութեան տուած իդէալի նման, իսկ աւելի ուշ և հէթաթերդութեան ու նորագոյն վիպական բանաստեղծութեան տուած ծեփի նման: Գերմանը գերմանացի գառնալով մի տիպ էր, որը իւր ազգային արտաքին բնոյթը, իւր տիպիկ գերմանական էութիւնը հասկացաւ, երբ ծեփեկրպող գեղարուեստը օրգանական տիպերի ամբողջական վերարտադրման զարգացմանը հասաւ: Երկու ծայրին կանգնած են հերոսը և ազգը, որոնց մէջ եղած ուսումնասիրող ժամանակաշրջանի քաղաքական պատմութիւնը առաջ է գնում: Մի որոշ ժամանակի հոգեկան ընդունակութիւնների գործադրութիւն, որոնք առանց խորը կուլտուրական — պատմական հիմնաւորման իրենց սեփական չատկութիւններով անհասկանալի կմնան: Այս պատճառով, տիպի լրիւ հասկացողութեան ժամանակը, 9-րդ դարուց է սկսում. ուժմանական, գերմանական ազգերը արդէն դուրս են գալի կարլինգեան կայսերութեան մեծ, կրթական տանից ինքնուրոյն. այդ պատճառով քաղաքական պատմութեան մէջ արժանաւոր են զտնուած հերոսների գործերը և հերոսական երգերը. այդ պատճառով չիւս-

նազի տական դէպքերը դեռ ևս մի հերոսի միւսի հետ ունեցած անձնական յարաբերութեան հեաւտնքով է որոշւում: Պապի և Կարլոս մեծի յարաբերութիւնները կանոնաւորւում են կարօլինգեան իշխողի խոստովանելով. նա ուզում է միշտ էլ ս. Պետրոսին տաժաժ սէրը ամուր պահել: Այս ժամանակի արտաքին պատմութեան աւանդութիւնը նոյնպէս զիւցազներգական կլինէր, եթէ եկեղեցին հռոմէական աւանդութիւնների ընդունակութիւնները ունենալով հոգ չտանէր տարեգրական աւանդութիւնների համար: Ինչ զիտանք Կարլոս մեծի մասին ազգային զիւցազներգութեան աղբիւրները ի նկատի ունենալով: Պատերազմների մի շարք ընդդէմ մահմեդականների, ուխտազնացութիւններ երուսաղէմ և հազար այլ բաներ, որոնք աւանդութեանը, որքան վերջինս իրականութեանը համապատասխանում է, հազար տեսակ վանող բնաւորութիւն ունեցող զուգորդութիւններով շրջապատում են, քան թէ թոյլ են տալի, որ եղածը պարզ պատմուի:

Բայց անհատի և ազգային համայնքի, որոնք այս ժամանակում թէև թոյլ յենարաններով, իրենք իրենց միջից կառուցւում են, միջև մտնում են հազար տեսակ կենցաղական ծեւեր, որոնք ոչ պակաս ցոյց են տալի, որ պայտեանական ժամանակից յետոյ մի նոր ժամանակաշրջան է սկսուել: Անհատը, եթէ ոչ ընտանիքի, գոնէ տոհմի խնամակալութիւնից կամաց կամաց դուրս է գալի. նա աւելի է ազատւում, թէև մեր չափով նայելով նորա կախումը մեծ սահմանների մէջ է: Սկսում է ինքն իւր համար պատրաստուել, տնտեսապէս մի այնպիսի կազմ ստեղծել, որոնք համայնական կապերը տանում են դէպի խիստ ընկերականը. սօցիալական տեսակէտից դէպի աւելի ազատ պայմաններ պետութեան մէջ: Նախապատմական ժամանակի հին ժողովուրդների պետութիւնը խիստ նեղ սողմնաչին ընկերական կապով այժմ այլևս չկայ. սա մի աւելի ընդարձակուած պետական-տոհմական կազմի տեղի է տուել. այս վերջինիս վրայ բարձրանում է այս ժամանակաշրջանի վերջին դարերում մի մեծ, ազգային պետութիւն: Իհարկէ իսկապէս այս ժողովրդի սեփական ոյժերի ստեղծագործութիւնն է. այլ մի պատկեր է, որը դասական

ժամանակի վերջին մեծ պետութեանն է նմանում. այդ պատճառով սրա բարձր պարտականութիւններ կրողը՝ թագաւորը որը իւր մէջ միացնում է դասական կայսրութեան իդէան, թէև այդ միացման մէջ ապիկար, ազգին միշտ օգուտ տալ է երևում: Սակայն չաջողուել է այս պետութիւնը իւր ազգային ընկարծակութեամբ հիմքից ժողովրդական զարգացման հիմքի վրայ այնպէս կառուցանել, որ նա տիպիկ ժամանակից էլ աւելի է տևում: Այս ժամանակաշրջանի համար բնորոշն այն է, որ այս ժամանակում սովորութեան պայմանները, որոնց մենք իրր ազատ պայմաններ ենք նկատում, դեռևս իրաւական շղթայականաբար դրութեան մէջ են մնում. հնարաւոր է միայն այս պայմաններից մէկը՝ գերմանների համար իվաղուց անտի ամենակարգորը, այս առաջին ամբողջական պետական կազմակերպութեան հիմքում դնել, այն է հաւատարմութեան պայմանը: Այսպիսով առաջ է գալի վաստակական պետութիւնը տիպիկ հաւատարմութեան գաղափարի պետական կազմ. այսպիսով սա կենդանի կերպով շարունակում է մինչև ծանօթ գերմանական պատմութեան երրորդ շրջանի առաջին դարերը:

11-և 12-րդ դարերը բերին մի ուժեղ սօցիալական յետաշրջում. միջնադարի առաջին դարերից անցնում ենք միջնադարի վերջին դարերին տիպիկ ժամանակից հոլեկան կեանքի միակերպութեան ժամանակին:

Արդեօք սօցիալ հողեբանական գիտողութիւնը, որը այնուամենայնիւ նեղ գերմանական պատմութեան սահմաններում է գործում հիմնաւորապէս և ըստ ամենայնի, այս նոր ժամանակը, որ տևում է մինչև 15-րդ դարը, իբրև մի նոր ժամանակաշրջան կ'երևայ, որի ներքին կեանքի սահմանները, թափն ու ընդունակութիւնը այլաբանական և տիպիկ ժամանակներում եղածին հաւասարազօր լինին: Կարելի է կասկածել. արդէն գերմանական պատմութեան դիտողութիւնը այս հարցը անպատասխան է թողնում. արդեօք այս դարերը իբրև մի վերջին, անցողական ժամանակաշրջան չալէ՞սք է նկատել, տիպիկ ժամանակից անհատականին, 15-րդ դարուց 18-րդ դարը:

Ինչ էլ լինի. գերմանական պատմութեան մէջ այս ժա-

մանակաշրջանը լի է կեանքով և զարկերակը ուժեղ է խփում, այնպէս որ արուեստագէտի տեսակէտից նայած խնդրին թոյլ կտրուի այդ իբրեւ մի անկախ դրութիւն քննել:

Շուտ ըմբռնելու համար այս դէպքում ձեռնառու կլինի, ոչ թէ նոր ժամանակի հոգեկան կեանքի ուղն ուժուծը, այլ աւելի շուտ արտաքին, տնտեսական, սոցիալական կեանքի զարդացման ձևերը նկարագրել: Դիտողութեան համար այստեղ կատարուած անցքերից երկու խոշոր շարքեր են առաջ գալի, որոնցից մէկը անշուշտ իւր տնտեսական գործօններով շատ վաղ, անցեալ անգամ քննուած, ժամանակաշրջանում է թաղուած: Այս շարքերից մէկը հողատիրութեան զարգացումն է, միւսը սկզբնական քաղաքների կազմութիւնը:

Գերմանացիների գաղթականութիւնը սկզբում հաստատուած էին ագարակներում և գիւղերում. գիւղացիական կեանքը, սրա հետ միասին որոշ չափով հողատիրութիւնը և հողային արդիւնաբերութիւնը գերակշռող է լինում. բայց արդէն մերօրինակների ամենանախնական ժամանակից այս համեմատաբար միատեսակ հիմքը սկսում է տարրալուծուել. երևում է մեծ հողատէր ազնուական գասակարգը, որը գերազուսէր միջին կալուածատէրերի բազմութիւնից: Մեծ հողատիրութիւնը այդ ժամանակ կոչւում էին մեծ կալուածատէրեր: Մեծ հողաբաժինների միատեսակ մշակման համար անհրաժեշտ էր տնտեսութեան հիմնական ձևեր, մի բան, որին բարձր կուլտուրայի դրամական տնտեսութեան ժամանակին են հասնում: Մեր քննած դարերում մեծ կալուածը կարող է տնտեսապէս արդիւնաւէտ լինել, երբ նա ուրիշից տրուի կապալով: Կապալով վերցնողները չէին կարողանում կապալառուներ լինել, պայմանագրի պարտաւորութիւն չանձն առնել, այնէ պարբերաբար դրամ վճարել, իրենց շահագործած հողի համար, որովհետև դրամական տնտեսութեան ժամանակը չէր, նրանք ստիպուած էին բնական արդիւններով և անձնական ծառայութեամբ վճարել այս պարտքը. այս բանին հետեւեց այն, որ անձնական կախումն ունեցան իրենց տիրոջից. առաջ եկաւ մի սոցիալական դրութիւն, այն է ճորտատիրութիւն և կալուածատիրութիւն:

Այս նախաբանը արտաքույ կարգի, նոյն իսկ հոգեկան հետեւանքներ ունեցաւ: Մի սոցիալական շարժումն առաջ եկաւ, որի ընթացքում յարմարութիւններ ունեցող հողատիրական մասը, եթէ ուզուէ է հոգեկան շահերի հետեւեալ ազատ ժամանակ էր ունենում հոգեպէս աւելի ուժեղ տպւելու: Այս մի պատմական ժամանակ էր, երբ առնուազն հոգեւորական կալուածատէրերի մի մասը, ամենից առաջ վանքերը սկսած 9 և 10-րդ դարերից, այլպէս էին ապրում: Այս ժամանակը զուգահեռաբար էր զարգանում և միաժամանակ պատճառ ու հետեւանք էր գերմանական հոգուց բոլորքէ քրիստոնէութեան առաջին ընդունելութեան: Ինչ աչքի ընկնող են ընդամեն գերմանական քրիստոնէական բարեպաշտութեան առաջին արտայայտութիւնները, որոնք են մի մեծ եղբայրական կեանք, մարմինը տարօրինակ տանջանքների ենթարկելը և հրաշքների հաւատ, շտանձնափակուած համարեալ ոչ մի պատճառական գիտակցութեամբ, որը թւում էր թէ կարող է նոյն իսկ լեռները շարժել: Եւ այս հոգեկան հոսանքի հետեւանքները ինչպէս ուժեղ էին: Նոյն ձեով Փրանսիայում և Իտալիայում դուրս բղխելով հոսում էր նա իբրեւ կենդանի ջուր, որի հոսանքը 11-րդ դարու պապերի իշխանութեան ձգտման գիտակցութեանը այն դրութեանը հասցրեց, որ հռոմէական պապական իշխանութեան արեւմտեան առաջնութիւնից էլ անցաւ: Գրիգոր Է-րդ այս գիտակցութեան ծրագիրը իւր քաղաքական պարզ տեսութեամբ ձեւակերպեց և այս միջոցում տարածուած բարեպաշտական շարժումը, յատկապէս գերմանիայում աշխարհիկ իշխանութեան վրայ ճնշում գործ զնելով՝ հասցրեց եկեղեցական արժէք ունեցող համակարգութեան:

Pessimist

(Կը շարունակուի)

ՄԱՏԵՆԱԽՕՍԱԿԱՆ

ԴՐ. Գ. ՌՕԼԷԴԵՐ. ՕՆԱՆԱԿԱԿՆՈՒԹԻՒՆ

ԽՐԱՏՆԵՐ ԾՆՈՂՆԵՐԻ ԵՒ ԴԱՍՏԻԱՐԱԿՆԵՐԻ ՀԱՄԱՐ. Գ. 30 Կ.

Սեռային յարաբերութեան խնդիրը վաղուց արդէն դառել է քննութեան առարկայ ինչպէս մասնագէտների, նոյնպէս և հասարակութեան լայն շրջաններում և իրօք այս խնդիրը խիստ փափուկ խնդիրներից է, որոնց լուծելը աւելի դժուար է քան առաջին հայեացքով կարելի էր այդ ենթադրել. ժամանակակից գրականութիւնը շօշափելի կերպով ցոյց է տալիս այդ բազմաթիւ, խնդրին վերաբերեալ, հանրամատչելի կամ մասնագիտական գրքուածքները աշխատում են ապացուցանել խնդրի այս կամ այն որոշման նպատակայարմար և ճիշտ լինելը. որքան էլ բազմազան են կարծեքները, նոյնչափ բոլորը առաջ են գալիս անհերքելի ճշմարտութիւնից թէ՛ այդ խնդրին որոշ ընթացք տալու համար, կամ աւելի ճիշդ, այդ խնդրի վերաբերեալ գաղափարները կեանքում գործադրելու համար անհրաժեշտ են մեծ զգուշութիւն, մեծ ծանօթութիւն մանկավարժական ձևերի հետ:

Եւրոպական երկրներում, ուր հասարակութիւնը կարողանում է հասկանալ և կռիւ մղել ամեն տեսակ ժողովրդի Ֆիզիքական և մտաւոր ոյժերը թուլացնող ամեն մի չարիքի դէմ, վաղուց արդէն սկսել են զանազան դասախօսութիւնների միջոցով արմատացնել ժողովրդի մէջ առողջապահական առողջ գաղափարները. ինչպէս ստատիստիքան ցոյց է տալիս, այս եղանակը մեծ չափով ունենում է իւր դրական օգուտը. մենք առաջ կրեքենք թոքախտի վերաբերեալ մի տեղեկութիւն, ենթադրելով որ իրողութիւնը այդպիսով փոխուած չի լինի. Ռուսաստանում մահացութեան ընդհանուր թուի յիսուն տոկոսը թոքախտից է լինում, մինչդեռ Անգլիայում թոքախտից առաջ եկող մահերի տոկոսը հասնում է միմիայն ամեն մի տասը հազարի—ութի և Անգլիացիք աւելի քան համոզուած են, որ ամենակարճ ժամանակամիջոցում պիտի այդ տոկոսը շատ աւելի իջեցնեն, զինուած գիտական և առողջապահական բոլոր

փորձով ու գիտութիւնով, պէտք է կռիւ յայտարարել ժողովրդի ոյժերը թուլացնող ամեն տեսակ ախտի դէմ, լինի դա ֆիզիքական թէ բարոյական: Երբ մենք դիմում ենք մտաւորապէս աւելի զարգացած ազգերին, որոնք վաղուց արդէն ըմբռնել են այդ գաղափարը, մենք նկատում ենք, որ օգուտը միշտ լինում է մեծ:

Հասարակութիւնը վաղուց արդէն մտածում է սեռային յարաբերութիւնը կանոնաւորել, զանազան հիւանդութիւնների քանակը կրճատելու նպատակով, հիւանդութիւնների, որոնք պատճառ են դառնում շատերի հոգեկան տանջանքների և առաջ են բերում ցեղերի դէզէներացիա:

Որովհետեւ սեռային յարաբերութիւնները, գէթ այդպիսիների սկզբնաւորութիւնը, յատուկ է, ախտաբանական բացառութիւնները մի կողմը թողնելով, միմիայն մանուկներին, կամ աւելի ճիշդ կիսնքի առաջին շրջանին, ուստի և անհրաժեշտ է այդ խնդրի մասին խօսելիս անցնել համապատասխան շրջանը:

Խնդիրը պարզ բնորոշելու և այլանդակութիւնների դէմ խելացի կռիւ մղելու համար անհրաժեշտ է բազմակողմանի ծանօթութիւն մանուկների սեռային կիսնքի հետ:

Բժ. Ալբերտ Մօլլին իւր «Des sexualleben des Kindes» գրքի մէջ մանրամասն կերպով քննում է այդ խնդիրը. գրքոյի թարգմանուած է ռուսերէն և ցանկացողները կարող են օգտուել այդ գրքից:

Մանուկների սեկսուալ զգացումը շատ շուտ է արթնանում և եթէ նրանց շրջապատող անձերը պատրաստութիւն կամ հնարաւորութիւն չունին, որոշ և ողջմիտ ընթացք տալ այդ զգացումի, երբ մանուկը ինքը դեռ այնքան փոքր է և անփորձ, որ բոլորովին անկարող է գիտենալ թէ սպառնալիք չարիքները և կամ ողջմիտ ուղիով առաջ ընթանալ, մեծ և անփոխարինելի ծառայութիւն կարող է մատուցանել ամեն մի ծնող ոչ թէ իւր որդու, այլ և իւր մի ամբողջ սերնդի:

Սեռային զգացումը առհասարակ բաժանում են երեք շրջանի կամ երեք ճիւղի. առաջին շրջանի սէրը, որ մանուկը արտայայտում է դէպի իւր մայրը նկատուում է իբրև չեզօք սէր. այս շրջանում մանուկը դեռ չի ապրում սեկսուալ կեանքով, նրա մէջ դեռ գոյութիւն չունի սիրային ձգտումը. մասամբ միայն սրա հետ կարելի է համեմատել և անգործ սէրը, որը տաժում է ամեն մի ծնող դէպի իւր զաւակը. հետեւալ շրջանին սկսում է արթնանալ սիրային ձգտումը, բայց դեռ սեռի տարբերութիւնը չի զգացւում: Ահա այս շրջանն է իւր մէջ պարունակում ապագայ այլանդակութիւնների սկզբնապատճառը. մի սխալ քայլ:

մի չնչին շարժառիթ բաւական է առաջ բերելու այն այլանդակութիւնները, որոնք այս շրջանում սկիզբ առնելով դառնում են շատ վշտերի պատճառը:

Երրորդ շրջանը առաջ է գալիս իւր վերջնական ձևով: Ահա այս ձևով է բաժանում Մոլլը մանկան մէջ սիրային զգացումի զարգացումը:

Մտադրութիւն չունենալով այս խնդրի մասին խօսել, մենք ուղարկում ենք ընթերցողին ներկայ թուի № 4 Вѣстникъ Воспитанія ամսագիրը կարգալ, ուր զետեղած է յայտնի բժիշկ Կանելի «Մեռային հարցը մանուկների կեանքում» յօդուածը, որից և օգտուել ենք մենք. առաջ ենք բերում միմիայն պրօֆ. Էյլէնբուրգի խօսքերը: Բժիշկների, առողջապահների (гигиенисты) և մանկավարժների առաջ յարուցւում են աներևակայի զժուար և լուրջ խնդիրներ մանուկների սեռային զարգացման շրջանը բարելաւելու. ինչպէս բժիշկ և նեարդախտաբան (Невропатологъ) անհրաժեշտ եմ համարում մատնացոյց անել այն հանգամանքը, որ ներկայ պարագայում խնդիրը վերաբերում է մի պարագայի, որը ծանր նեարդային և հոգեկան հիւանդութիւնների սկզբնաւորութեան մէջ, որ մենք պարտաւոր ենք վերացնել, վճռական դեր է կատարում: Ես ի նկատի ունիմ ջղային երեխաներին, որոնց սեռային զգացումը շուտ է արթնանում և սեռային հասունութիւնից շատ առաջ նրկատւում է սիրային ձգտում, վերջինի փաստերը արտայայտութիւններով և ուղեկիցներով, այն է հակումով դէպի օնանականութիւն:

Բայց չպէտք է մոռանալ և այն, որ սեռային ամեն տեսակ այլանդակութիւնների հիմքը դրւում է սկզբնական շրջանում: Այդ պատճառով մենք պէտք է մտածենք նախազգուշացնող միջոցների մասին, որոնք գործնական են միայն այն դէպքում, երբ գործադրւում են իւր ժամանակին: Կհանքի ապագայ շրջաններում, արդէն արմատացած այլանդակութիւնները այլևս հնթակայ չեն բժշկութեան:

Եթէ այս ճիշդ է, որ անկասկած է, ուրեմն ամեն տեսակ այլանդակութեան դէմ մաքառելու և նախատեսնելու վերացնելու միակ կարող անձը ծնողն է. ինչպէս ասում է բժիշկ Ռօլէդէրը «Եթէ ի նկատի առնենք ակտի բոլոր հետեւանքները հոգու, մտքի և մարմնի վրայ, եթէ յիշենք, թէ որ աստիճան լայն կերպով տարածուած է այն երիտասարդների մէջ, թէ ինչ կորստարիւր աղղկութիւն ունի այս բոլորը ջահել յանցադրժների կամքի ոյժի, հոգու տրամադրութեան, բարոյականութեան և բնաւորութեան վրայ, ինչպիսի անուղղելի փնաս է հասցնում ընդհանրապէս մարդ-

կային ամբողջ յօրինուածքին—այն ժամանակ ամենքը, կարծեմ, կհամաձայնեն ինձ հետ, որ օնանականութեան առողջապահութեան վրայ ամենամեծ ուշադրութիւնը պէտք է դարձնել և այս պէտք է լինի ոչ միայն մասնաւոր մի գործ, ոչ թէ միայն ծնողներին և շրջապատողներին պէտք է վերաբերի, այլ պէտք է լինի հասարակական, պետական մի գործ,—ժողովրդական մասնաւոր և պետական ստորին և բարձրագոյն դպրոցների գործ»:

Եւ ամենից առաջ ծնողների գործ... Ահա ինչու երկար կանգ առանք մի գրքոյկի վրայ, որը կարելի է շատերը կարմրելով վերջնեն ձեռքը. բայց կեղծ ամօթխածութեան վերջ դնելու ժամանակը վաղուց արդէն հասել է:

Sana mens in corpore sano ! Ում թանկ է ցեղերի բարգաւաճումը, ժողովրդի զարգացումն ու առողջապահութեան գաղափարը տարածելու իմաստը, նա ոչ թէ ինքը առողջ գատողութեամբ կվերաբերուի այսպիսի խնդիրներին և հրատարակութիւններին, այլ և ուժեղ կերպով կնպաստի ժողովրդի լայն խաւերում տարածման նման գիտական գեղեցիկ արտաքինի մէջ ամփոփած իմաստները: Ընդունելով բժ. Գ. Ռօլէդէրի գրուածքի բոլոր արժանիքները, մենք չենք կարող մատնացոյց չանել մի խիստ կարեւոր մանկավարժական հանգամանքի վրայ. եր 37 և եր 43 հեղինակը խօսում է ծնողական հսկողութեան մասին: Մենք բոլորովին դէմ չենք այդ հսկողութեան ինչպէս վերը արդէն պարզցոյց տուինք, բայց ինչպէս այդ յաճախ լինում է, կասկած ենք տածում, որ մանկան նուրբ հոգին խիստ շուտ կարող է ըմբռնել հսկող աչքը և խիստ անախորժ հետեանքների պատճառ կարող է դառնալ այդ հսկողութիւնը, ինչպէս օրինակ կասկածկոտութեան, ծածկասրտութեան և այլն. մանուկը կարող է մօր սիրող աչքը ընդունել իբրև հալածող, որ նրա մէջ առաջ կբերի սոսկալի հետեանքներ: Ինքը բժիշկ Ռօլէդէրը կարծում ենք ի նկատի է առել թէ ընթերցողը կարող է նրբութիւնը ըմբռնել և չի բացատրել աւելի պարզ կերպով այդ խիստ փափուկ խնդիրը:

Ահա այս հետեանքներից զգուշացնում ենք բոլոր ծնողներին:

ՊԱՐՈՅՐ

ՍՏԱՅՈՒԱԾ ԳՐԳԵՐ

Х. Кучукъ Іоаннесовъ. Армянская надпись изъ Симферополя.

Оттискъ изъ № 44 Изв. Тавр. уч. Арх. Ком.

„ Арм. надпись изъ Карасубазара. тоже.

Երուանդ Վ. տէր Մինասեանց. Հայոց եկեղեցու վերանորոգութեան
խնդիրը. Թիֆլիս 1910.

Սարգիս Իսահակեան. Ժողովուրդը ժողովրդական լելէնհրի մէջ.
Բազում 1910.

Ալէքսանդրապօլի Հ. Ս. Փրկչի տղ. դպրոցի ուս. և տնտ. տեղե-
կագիրը 1908—1909 ուս. տ. Ալէքս. 1909.

Յովհ. Թումանեան 1. Գիրքը. Թիֆլիս 1909. 2. Տէրն ու Ծա-
ռան. 3. Սասող ձուկը:

Գ. Ղազարեան. Մայրենի լեզուի ուսուցումը. Թիֆլիս 1910.

Տեղեկագիր և հաշուեկշիռ Ռաշտի Հայոց գերեզմանատան յանձ-
նախմբի, Թեհրան 1909.

Դարբին, Տաճկաստանի շարժումը. Թիֆլիս 1909:

Տիգ. Վ. Դադեան. Բարձր է Սուրբիկը. մանկական պիես. Թիֆլիս-
1910.

ԱՄՍՈՒԱՅ ՏԵՍՈՒԹԻՒՆ

ՊԱՏՐԻԱՐԲԱԿԱՆ ՀՐԱԺԱՐԱԿԱՆ

Թերթերը հաւանական են համարում, որ Պոլսի Հայոց պատ-
րիարքը վերադառնայ իւր պաշտօնին և թէ Կիլիկիայի կաթողի-
կոսը յետ է վերցրիլ իւր հրաժարականը...

Այս բոլորը շատ լաւ: Բայց մի բան միշտ անհասկանալի է
մնացել, այն է՝ թէ կաթողիկոսները և պատրիարքները իրաւունք
ունին արդեօք նման պայմանների մէջ հրաժարական տալու
կամ յետ ընդունելու և երբ կամ ռապիսի պարագաներում:

Շնորհիւ այն բանի, որ հայ լրագրութեան մեծամասնու-
թիւնը միշտ հաւանութիւն է տուել այդպիսի հրաժարականներին,
պնդելով նրանց օրինաւորութեան վրայ—այդ հրաժարականները
դառնում են մի տեսակ առեղծուած, մի հարց, որ դեռ կարօտ է
նորանոր լուսաբանութիւնների:

Պոլսի Հայոց Պատրիարքի՝ Ս. Դուրեանի հրաժարականը ա-
ռաջինը չէ, Դոնէ մենք չենք յիշում մի պատրիարք, որ միքանի ան-
գամ հրաժարական տուած չլինի, որովհետեւ այդ բանը համարուել
է և համարուում է որպէս մի վերջին միջոց, որպէս բուռն բողոք:

Բողոք. բայց ում դէմ:

Շատ քիչ օրինակներ կան, որ պատրիարքը հրաժարական
տուած լինի Ազգային ժողովին: Մեր կարծիքով այսպիսի հրաժա-
րականը միայն ստիպողական է, մինչև անգամ անխուսափելի:

Թիւրքիոյ Հայութիւնը ունի իւր Ազգային ժողովը, յանձին
ժողովսդի ընտրեալների, որով և նա—Ազգային ժողովը ամենայն
իրաւամբազգի ձայնն ու կամքն է ներկայացնում: Ըստ սահմանա-
դրութեան, Ազգային ժողովն է որ պատրիարքներ է ընտրում կամ
հրաժարեցնում, թէ և նրա կատարած ընտրութիւնը վաւերացնում
է թրքական կառավարութիւնը յանձին Սուլթանի:

Երբ Ազգային ժողովի կամ սրա մեծամասնութեան ու պատ-
րիարքի միջև ծագում են տարաձայնութիւններ կամ տարակար-
ծիքութիւն, լինի սկզբունքի հոգի վրայ կամ ոչ, — այս դէպքում
պատրիարքի հրաժարականը անխուսափելի է այն բանաւոր պատ-

ճառով, որ երբ ազգը ներկայացնող մարմինը պատրիարքի հետ չէ, այն ժամանակ նա այլևս անզոր է գործելու:

Բայց ասացինք որ պատրիարքական պատմութեան մէջ այս բանաւոր հրաժարականի օրինակները շատ սակաւ են, մինչև անգամ եղիլ են դէպքեր. երբ պատրիարքները մի տեսակ մատների արանքից են նայել Ազգային ժողովի ձայնի ու իրաւունքների վրայ:

Սրա հակառակ պատրիարքական հրաժարականների մեծագոյն մասի դրդապատճառը եղել է գոտութիւնը պատրիարքի և Օսմանեան կառավարութեան միջև կամ այս վերջինիս բռնած ֆւսսակար ընթացքը դէպի հայ հպատակները:

Ս. Դուրեան պատրիարքի հրաժարականի պատճառը արդէն յայտնի է: Աղանայում տեղի ունեցաւ հայկական կոտորած, որ գերազանցեց անցեալում տեղի ունեցած բոլոր ջարդերին: Արիւնալից դէպի յիտազայ լուսաբանութիւնից պարզուեց, որ այդ կոտորածի մէջ որքան մեղաւոր են հին ութիմի հայատեսները, նոյնքան մեղաւոր են սահմանադրական ութիմի ղեկավարներից մի քանիսը, որպէս և սահմանադրական զօրքը:

Եթէ այս մեղադրանքը թիւրիմացութեան արդիւնք իսկ լինի, թիւրքերոյ սահմանադրական կառավարութիւնը մեղաւոր է հէնց այն բանում, որ փոխանակ գլխաւոր ջարդարարներին պատժելով սահմանադրական կառավարութեան արդարադատութիւնը երևան հանելու, ընդհակառակը, նա իսկական ոճրագործներին թաքցնելու մտքով, աշխատեց Ատանայի արիւնոտ դէպքի ամբողջ պատասխանատուութիւնը հայերի վրայ ձգել: Այս մտքով էլ Կիրիկիայի բանտերը լցուեցին կոտորածից մի կերպ ազատուած հայերով, որոնցից մի քանիսն իսկ կախաղան հանուեցին:

Սա արդէն չափազանց ակներև և միտումաւոր անարդարութիւն էր, որ գործեց Տաճկական կառավարութիւնը, այլ էլ այն սահմանադրական կառավարութիւնը, որ իւր ժամանակին չը քաշուեց բռնակալ ութիմի և միահեծան Համիդի ձեռքով նահատակուած հարիւր հազարաւոր հայերի մահը ողբալ և նրանց գերեզմանի վրայ կոկորդիլոսի արցունք թափել:

Կ. Պոլսի Հայոց Պատրիարքը, որպէս ներկայացուցիչ վտանգուած ուղգի, շտապեց բողոքել այդ անօրինակ անարդարութեան դէմ: Սակայն ոչ միայն նրա բողոքը անուշադիր թողնուեց, այլև կառավարութիւնը կիսապաշտօնական ձևով հասկացնել տուաւ թէ՛ քանի որ կայ Սահմանադրական կառավարութիւնը, ներկայացուցչական մարմին, որ կուշուած է բոլոր հպատակների շահերն ու իրաւունքները պաշտպանելու անխտիր,—պատրիարքի բողոքը

հաւասար է կառավարութեան գործերին միջամտելուն... որ ի-
հարկէ թոյլատրելի չէ:

Եւ ս. պատրիարքը որպէս բուն բողոքի արտայայտութիւն,
ուղարկեց իւր հրաժարականը: Եւ ռւմ.—այն կառավարութեան,
որի արեւնոտ վարմունքի դէմ բողոքելու ու իւր ձայնը լսելի ա-
նել տալու համար կոչուած էր ինքը:

Աւելի զօրմանալին այն է, որ պատրիարքական հրաժարա-
կանը անվիրջ նիւթ դառնալով լրագրական թղթակցութիւնների
ու քննադատութիւնների, հասարակութեանը բերեց այն եզրա-
կացութեան, որ պատրիարքի վարմունքը օրինաւոր է, որ բացի
հրաժարականից ուրիշ միջոց այլեւ չը կար:

Որ հարիւր հազարաւոր սուրհմբերի ու հազարաւոր թնդա-
նօթներ ունեցող կառավարութեան դէմ վճռական միջոցների դի-
մելու հնարաւորութիւն չունենք, այդ գիտեն ամենքը: Բայց որ
նոյնիսկ շատ աւելի ծայրայեղ դէպքում հրաժարական տալը Տաճ-
կական կառավարութեան բացարձակ անմտութիւն է—այս մասին
դեռ հարց չի եղել:

Հէնց այս է պատճառը, որ միմեանց յաջորդող պատրիարք-
ներն ու հայ սերունդները զոհ են գնացել թիւրիմացութեան:

Աշխատինք պարզիւ մեր կարծիքը, որ հուկառակ է տիրա-
պետող մեծամասնութեան կարծիքի:

Հայոց պատրիարքը Կ. Պօլսում Թիւրքիոյ Հայոց փոխ-կա-
թողիկոսը լինելով հանդերձ նա հանդիսանում է միեւնոյն ժամա-
նակ որպէս Թիւրքիոյ հայերի ներկայացուցիչ Թիւրք կառավարու-
թեան առաջ: Եւ այս ներկայացուցչական լիազօրութիւնը բղխում
է թէ համայն Թիւրքիոյ հայերից ընտրուած լինելուց և թէ մի
այդպիսի լիազօրութիւն տալիս է նրան Թիւրքիոյ Հայոց սահմա-
նադրութիւնը, որ ճանաչուած ու վաւերացուած է օսմանեան
Սուլթաններից:

Ուրեմն Թիւրքիոյ Հայոց պատրիարքը նոյնն է, ինչ որ օտար
պետութեանց դեսպանները թիւնք կառավարութեան առաջ, Իսկ
դեսպանը ուրիշ բան չէ, եթէ ոչ ներկայացուցիչն այն կառավա-
րութեան և այն ազգի, որից ղրկուած է իւր շահերն ու իրա-
ւունքները պաշտպանելու: Որպէս ամեն մի պետութիւն, նոյնպէս և
Թիւրքիան կարող է չընդունել այս կամ այն անձի նշանակուելը
դեսպանի պաշտօնի համար, նոյնպէս Թիւրք կառավարութիւնը
կարող է ընտրուած պատրիարքին չը հաստատել: Առաջին դի-
պլոմատում, անախորժութիւններից խուսափելու համար կառավա-
րութիւններն այս կամ այն անձին դեսպան նշանակելուց առաջ

մտքերի փոխանակութիւնն են կատարում. երկրորդ դիպուածում— նոր ընտրութիւն է կատարում:

Ասել է թէ ոչ միայն պատրիարքների վաւերացումն է կախուած թիւրք կառավարութիւնից, այլև դեսպանների վաւերացումը: Սակայն սա չի նշանակում որ դեսպանները կամ պատրիարքները թրքական պաշտօնեաներ են կամ որ և է կախումն ունեն թիւրքիայից հէնց նրա համար, որ նրանց հաստատուելը կախուած է թիւրքիայից: Ոչ, սա մի բնական պահանջ է, որ բղիւում է դեսպանների կամ պատրիարքների վրայ դրուած լուրջ պարտաւորութիւններից, յանուն որոնց շփումն պէտք է առաջ գայ սրանց և կառավարութեան միջև:

Որպէս դեսպանները, նոյնպէս և պատրիարքները իրենց պաշտօնի գլուխն անցնելուց յետոյ առիթը ներկայացած դէպքում դիմում են Օսմանեան կառավարութեան այս կամ այն խնդիրքով, առաջարկութիւններով, բողոքներով և այլն, միշտ իհարկէ յանուն այն պիտութեան, որից զրկուած են կամ յանուն այն ազգի, որից ընտրուած են, որովհետև ոչ դեսպանները և ոչ պատրիարքները ոչինչ իրանց անունից խնդրելու կամ պահանջելու իրաւունք չունեն:

Ենթադրենք որ այս կամ այն դեսպանի խնդիրքը, առաջադրութիւնը կամ բողոքը անկատար է մնում թիւրք կառավարութեան կողմից, որպիսի դէպքեր շատ յաճախ են պատահում:

Այդ հարց է՝ թե՛ն է անում այն դեսպանը, որի խօսքը գիտինն է ընդունում կամ դատարկ խոստումներ է միայն արւում:

Եթէ դեսպանները իրանց պաշտօնի լիազօրութիւնը հասկանան մեր պատրիարքների նման, պէտք է հրաժարական զրկեն թիւրք կառավարութեան ու իրենց պաշտօնին վերաբերող գործերը երեսի վրայ թողնելով, քաշուին իրենց տները:

Չէ՞ որ այսպէս են արել մեր պատրիարքները առաջնից սկզբած՝ մինչև ս. Դուրհանը:

Բայց մենք գիտենք, որ դեսպանները վարւում են ճիշտ սրա հակառակը: Նրանք կանգնելով իրենց պաշտօնի գլխին շարունակում են իրենց պահանջներն ու բողոքները մինչև որ միջոցներն սպառւում են: Սրանից յետոյ դեսպանի պաշտօնում մնալ կամ չը մնալը կախուած է լինում նոյն դեսպանին ուղարկող կառավարութիւնից և ոչ երբէք թիւրքիայից: Ծայրայեղ դիպուածում դեսպանի կառավարութիւնը նոր և աւելի խիստ հրահանգներով է զինում իւր ներկայացուցչին, եթէ հարցն այնքան ծանրակշիռ է և ներկայացուցչի ընդունակութիւնը գնահատելի. կամ հրահանգում է յարուցուած հարցը ժամտնակաւորապէս կամ ընդմիշտ

փակել և կամ կառավարութիւնը յետ է կանչում իւր դեսպանին. եթէ դեսպանի մէջ գտնուում է անընդունակութիւն կամ եթէ կամենում է իւր ընթացքը փոխել, և ուղարկում է նոր դեսպան:

Բացի այս բոլորից պատահում է նաև, որ ինքը դեսպանը այս կամ այն պատճառով հրաժարուելու հարկի մէջ է գտնուում: Այս դէպքում նա իւր հրաժարականը ուղարկում է իրեն ուղարկող կառավարութեան և ոչ թիւրքիային:

Սա մի բնական և չափազանց հասկանալի հետևութիւն է այն տրամաբանութեան թէ այս կամ այն պաշտօնեան, լինի դեսպան, պատրիարք, կառավարիչ, նախագահ և այլն, եթէ ստիպուած է հրաժարուիլ իւր պաշտօնից, հրաժարականով դիմում է իր կառավարութեան, ընտրող ազգին կամ հաստատութեան, և ոչ հրեք ուրիշի:

Այն ինչ մեր պատրիարքները հէնց սկզբից մինչև ս. Դուրեանը հետևել են սխալ քաղաքականութեան. հայ ժողովուրդը սկզբից մինչև մեր օրերը սխալ է հասկացել իրեն ընտրած պատրիարքի յարաբերութեան սահմանը թիւրք կառավարութեան հետ մի կողմից և դէպի իրեն ընտրող ժողովուրդը՝ միւս կողմից:

Եւ այդ սխալ հասկացողութեան պէտք է վերագրել պատրիարքների հրաժարակտն մատուցանելը սուլթանի կառավարութեան և հայ ժողովրդի և մամուլի հաւանութիւնը այդօրինակ հրաժարականներին:

Վերն ասացինք որ թիւրքիոյ Հայոց պատրիարքը նոյնն է ինչ որ օտար պետութիւնների դեսպանները: Մեր պատրիարքները հէնց այդպէս էլ պէտք է ընդունեն իրենց և ոչ երբէք համարուին որպէս մի թրքական պաշտօնեայ պատրիարքարանում բազմած: Նրանք պէտք է գիտնան, որ իրանց ամբողջ գործունէութեամբ պատասխանատու են միայն ու միայն Ազգային ժողովի առաջ, որ հայ ազգի ձայնն է ներկայացնում: Եւ դեսպանների նման պատրիարքներն էլ, ստիպողական պարագաներում, իրանց հրաժարականը պիտի մատուցանեն իրենց ընտրող և լիազօրող Ազգային ժողովին: Հրաժարականը ընդունել կամ չընդունել կախուած պէտք է լինի Ազգային ժողովից: Այս վերջինս պատրիարքի հրաժարականը պէտք է ընդունի երկու դիպուածում միայն. նախ՝ եթէ պատրիարքը բաւականաչափ ընդունակ չի գտնուել իրեն վրայ դրուած պաշտաւորութիւնները կատարելու մէջ և երկրորդ՝ եթէ հանգամանքներն ստիպում են պատրիարքարանի քաղաքականութեան ընթացքը փոխել: Այնժամանակ Ազգային ժողովը պէտք է նոր ընտրութիւն կատարի: Չընդունելով պատրիարքի հրաժարականը, Ազգային ժողովը վճռած կը լինի շա-

բունակել արդէն ընդգծուած քաղաքականութիւնը, որով և տըւած կը լինի պատրիարքին իւր վստահութեան քուէն:

Որոշ պայքար սկսող և այս առթիւ հրաժարական ներկայացնող պատրիարքին թողնել իւր պաշտօնի մէջ, միևնոյն ժամանակ փոխել արդէն սկսուած քաղաքականութիւնը—դա ոչ միայն անկարելի է, այլև ծիծաղելի:

Ս. Դուրեանը թիւրք կառավարութեան ներկայացրեց շատ տարրական պահանջներ, այն է—նա պահանջեց Ադանայի կոտորածի գլխաւոր յանցաւորները պատժումը և խնդրեց օրինաւոր միջոցներ, որով կարելի լինէր հայերին ապահովուած համարել նման վայրենի ջարդերից: Թիւրք կառավարութիւնը իւր սովորական սարսօ—մօրտալներէից յետոյ, որոշ խոստումներ արեց և միևնոյն խոստումները ու աչքակապութիւնները շարունակուած են մինչև այսօր: Սրբազան Դուրեանը շարունակ կրկնեց, որ ինքը դատարկ խոստումներին չի հաւատում և պահանջում է, որ կառավարութիւնը գործնականօրէն ցոյց տայ իւր արդարադատութիւնը...

Բայց քանի որ այդ կառավարութիւնը խաբուսիկ յոյսերից և աչքակապութիւններից այն կողմը չի անցիլ—ուրեմն ս. Դուրեանի վերադարձը միանգամայն անկարելի է ոչ միայն սկզբունքի տեսակէտից, այլև պատրիարքի անձնաւորութեան արժանապատուութեան տեսակէտից:

Իսկ պատրիարքարանը թողնել առանց պատրիարքի և գործերը լքեալ ու քաօսային դրութեան մէջ թողնել՝ անկարելի է:

Ուրեմն Ազգային ժողովը հաւատում է կառավարութեան արած խոստումներին կամ ոչ, նա տրամադիր է փոխել քաղաքակտնութեան ընթացքը և միջին ճանապարհ ընտրել, թէ՛ շարունակել նոյն ուղղութեամբ.—այդ միևնոյնն է, բաւական է, որ նրան ուրիշ ելք չի մնացել, բացի շուտափոյթ պատրիարքական ընտրութեան ձեռնարկելուց:

Սա մեր խորին համոզմունքն է, որպէս և այն, որ այսուհետև պէտք է վերանայ պատրիարքների հրաժարականը թիւրք կառավարութեան մատուցանելու սովորութիւնը:

Mars

ԻՆՉ ՊԻՏԻ ԱՆԵՆ ՀԱՅԵՐԸ ԹԻԻՐՔԻԱՅՈՒՄ

Հազարաւոր տարիներ ապրում է հայը աշխարհի երեսին և միշտ դժբախտ: Հայ ազգի պատմութիւնը իսկապէս մի մարտիրոսութեան և յիմարութեան անվերջ փաստերի նկարագրութիւն է: Բոլոր դրացի ժողովուրդները հայերին չեն սիրել և չեն սիրում: Զօւր չէ: Հայը իւր բարձր յատկութիւնների հետ միասին ունի և սոսկալի պակասութիւններ: Հայի համակրելի յատկութիւնները—նրա աշխատասիրութիւնն է, հայրենիքի սէրն է և երկրագործութեան և հողին կպած լինելը: Նրա սոսկալի պակասութիւնների գլխաւորը նրա անձայր անհաղաքանութիւնն է կամ հսականութիւնը, նոյնպէս և քաղաքական խելքից զուրկ լինելը, ֆանտազիօրութիւնը հասարակական գործերում և ահռելի ցուցամոլութիւնը: Այս յատկութիւններով հայը ապրել է մինչև այսօր միշտ հալածուած, միշտ յուսախաբ, միշտ նեղութեան մէջ, միշտ ծեծուած և կոտորուած: Պէտք է մի օր հայը ևս քննական աչքով նայի իւր անցեալին ու ներկային և ըստ այնմ տնօրինէ իւր ապագան թէ ճշ: Հայը իւր հասարակական գործերում ապրել է ինստինկտով, բնազդամբ, բայց ոչ գիտակցաբար, իսկ ամեն մի առանձին հայ միշտ տասն անգամ չափել է և յետոյ կտրել: Հայը իւր անհատական գործերում այլ եղանակով է գործել, իսկ հասարակական գործերում՝ այլ: Եւ այս շատ հասկանալի է:

Հայը վաղուց մտնել է իբրև պիտութիւն, իբրև հասարակական մարմին, իսկ իբրև անհատ ապրել: Հասարակական օրգանիզմ պահելու կարևոր յատկութիւններ զարգացնելու պայմաններ չեն եղել, իսկ անհատականապէս ապրելու կարևորութիւնը զարգացրել է հայի անհատական խելքը: Մինչև վերջին հայը չեն կարողացել կոտորելու արաբացի զօրավար Բուղաները, Թէյմուրլանգները, իշխան Գօլիցիները, Շաքիր փաշաները և այլն: Բայց այս հազարաւոր տարիների կոտորածներից, փորձերից և յուսախաբութիւններից յետոյ պէտք է ուշքի գալ իհարկէ պէտք է, եթէ ոչ խելքի կ'բերեն և աւելի սոսկալի ու աւելի խիստ կերպով, քան թէ եղել է մինչև այսօր: Ապացոյցը մեր աչքի առաջ է: Մինչև այսօր դեռ պարզուած չէ թէ արդեօք Ախմէդ Րիզայի կառավարութիւնը, որ կարողացաւ Մամէդ Ալի Շէֆկէթ փաշայ զօրապետի ուժով խորտակել Արգուլ-Համիդին՝ նոյն եռանդոտ և անկեղծութեամբ կամեցաւ դադարեցնել Ադանայի կոտորածները իւր ժամանակին թէ ոչ: Բայց չէ որ երբէք Արգուլ Համիդի ժամանակ գաւառներում այգալիսի սոսկալի կոտորած տեղի չէ ունե-

ցել: Ուրեմն: Ուրեմն պէտք է թուրք ժողովրդին, ուրեմն և թուրք կառավարութեանը համողել, որ հայը երկրի բարօրութեան համար կարևոր տարր է և այլևս քաղաքական խնտրիզների գործիք չպիտի դառնայ և ոչ էլ ցնորքներով ապրելու ցանկութիւն ունի: Բաւական է: Եւ այժմ րոպէն շատ յարմար է: Թուրքիայի դրութիւնը շատ ծանր է այժմ և շատ կարօտ երկրի ազգաբնակչութեան համակրութեան, Թուրքիայի վերածնութեան գործը հէնց այժմ էլ երկունքի մէջ է: Արդու-Համիդի անհեռատես և կործանիչ քաղաքականութեան և սխալների հետևանքները այժմ են արտայայտուում. թուրք կառավարութիւնը շատ մեծ զգուշութեամբ և մեծ խելքով պիտի գործէ պետութիւնը վերջնական քայքայումից ազատելու համար: Այսպիսի ժամանակ հայերը կարող են միմիայն մի քաղաքականութիւն ունենալ, իրենց հայրենիքի բարօրութեան հարսդատ զաւակներ լինել և օգնել բարեմիտ կառավարութեանը ու ժողովրդին երկիրը կարգի բերելու:

«Baky» լրագրի թղթակից պ. Սաշմանեան նկարագրում է հայոց ազգային ժողովի կողմից նախարարապետ Հակկի-Բէյին այցելող պատգամաւորութեան խօսակցութիւնը: Նախարարապետը շատ բարեմիտ էր դէպի պատգամաւորութեան արծարծած խնդիրները և ցանկանում է, որ ս. Պատրիարքը յետ դառնայ: Մի մոռացէք, թուրքահայ եղբայրներ, որ ոչ մի երկրում այսօր հայերը չեն կարող այն խնդիրների մասին խօսել կառավարութեան հետ, որպէս դուք և աշխատեցէք գնահատելի օսմանեան սահմանադրութեան շնորհիւ առաջացած կեանքի պայմանները և տնօրինելու ձեր ապագան կառավարութեան և դրացի ժողովրդի հետ փոխադարձ զխտակցութեամբ, որ դուք ընդ միշտ կապուած էք ձեր հայրենիքի հետ և ձեր աչքը մուրացկանի և դաւաճանի պէս դրսի յոյսերի վերայ չ'պիտի լինի:

Գ. ԵՆԳԻԲՈՐԵԱՆ

Ս. ՕՐՄԱՆԵԱՆ

Կ. Պօլսի Ս. Փրկչեան Հիւանդանոցի Վարչութեան հրատարակած ընդարձակ օրացոյցի 1910 էջ 45—57-ում գտնում ենք Կ. Պօլսի նախկին պատրիարք գիտնական Մաղաքիա Օրմանեանի հետեւեալ հակիրճ, բայց բաւական բնորոշ կենսագրութիւնը:

Այդ կենսագրութիւնը և Օրմանեանի ներկայ դրութիւնը ինքնին մի մեծ դատապարտութիւն են Կ. Պօլսի հայութեան և զանազան հացկատակ Շահէնների համար, ուստի և մեր կողմից մենք ոչինչ չենք աւելացնում, բացի բառացի արտատպութիւնը:

«1896 Նոյեմբր 6-ին 62 երեսփոխաններէն 47-ին քուէովը Կ. Պօլսոյ պատրիարք կ'ընտրուի և նոյեմբր 20-ին երգումը կատարելով, պաշտօնի կը մտնի, մէկ կողմէն կառավարութեան վստահութիւնը շահել փորձելով, միւս կողմէն ջանալով կարելի եղածին չափ դարմանելու ազգին նիւթական վնասները:

Օրմանեան պատրիարք պաշտօնի մտնելէն յետոյ դարձեալ կարելի չեղաւ Սահմանադրութեան կատարեալ գործադրութիւնը, և գրէթէ օրէ օր աւելի սաստկացան սահմանադրական սովորութիւններու դէմ հալածանքը, Օրմանեան ստիպուեցաւ զործել տասերկու տարուան շրջանին՝ առաջին տասը տարիներուն մէջ միակ վարչութեան մը հետ, որուն անդամները հետզհետէ պակսելով բոլորովին կորսնցուցին իրենց մեծամասնութիւնը: Օրմանեան պատրիարք յաջողեցաւ գաղտնապէս ընդհանուր ժողով գումարել և նոր վարչութեան մը ընտրութիւնը կատարել և վաւերացումը պահանջել, Մ. պատ. Օրմանեան, ճարհատ 1906 յուլիս 25-ին իր անուան տարեդարձի առիթով իբր թէ շնորհաւորութեան ընդունելութեան պատրուակին տակ, գաղտնապէս նիստի հրաւիրեց ազգային ժողովի մնացեալ անդամները և կատարել տուաւ կրկին ժողովներու ընտրութիւնը: Համիտ նախ ընդդիմացաւ, սակայն յետոյ զիջաւ վաւերացնելու: Հակառակ հալածանքին և սահմանադրութիւնը վերաքննելու համար Համիտի հետապնտումներուն, Օրմանեան կրցաւ սահմանադրութիւնը փրկել տասերկու տարի շարունակ Համիտը և իւր նախարարները խաբւիւրելով և ժամանակ շահելով, և միւս կողմէն ներքին մատակարարական գործերու մէջ միշտ պահպանելով սահմանադրական կարգերը, գոնէ իրենց արտաքին երևոյթովը: Այնպէս որ բացի ընդ. ժողովի պատկա-

նեալ գործերէն, միւս գործերը կը մատակարարուէին սահմանադրութեան տրամադրութեանց համաձայն կազմուած ժողովներու ձեռքով: Իւր պաշտօնավարութեան շրջանին գրէթէ մասնաւորապէս իւր անհատական հսկողութեան տակ և գլխաւոր աշխատութիւնը իւր վրայ ըլլալու պայմանով կը մատակարարուէի նպաստից սնտուկը, որ կը կատարէ գրէթէ նախախնամական դերն, բազմաթիւ որբանոցներու և դպրոցներու մատակարարութիւնը ընելով, կարօտեալ և արկածեալ վայրերու նպաստ հասցնելով, և ուրիշ կարօտութիւնները լրացնելով: Իր պաշտօնավարութիւնը դիւ մօտաւոր շրջանի պատկանելով աւելի չհնք ծանրանար:

1908 յուլիս 16-ից կը ստիպուի թողուլ իր պաշտօնը. ազատութեան խանտավառութիւնէն օգտուելով զինքը տապալելու հետամուտ խմբակի մը սարքած մէկ ցոյցի հետևանքը:

ՎԱՀԱՆ ՎԱՐԴԱՊԵՏ

Մեր ռուսահայ եկեղեցականութեան մէջ մէկը կայ, որ իր ուսմամբ, խելքով, փորձառութեամբ, բեղմնաւոր գործունէութեամբ թէ աշխարհական և թէ հոգեւորական ժամանակ, վերջապէս սրտով և անձնուիրութեամբ հայ ժողովրդի և հայ եկեղեցու շահերին—անօրինակ է, նա բարձր է բոլոր սեպուղիս և աշխարհիկ հոգեւորականներից: Բայց տեսէք, որ տասնեակ տարիներ է ինչ նա արհամարհուած է ու վտարանդի, և ոչ ոք չէ սիրտ անում նրա մասին խօսել անգամ. նա արքայութեամբ է ն. նախիջևանի ս. Սաղ Վանքը՝ իբր թէ հանգ. Հայրապետին սխալեցնող Հայ ուսումնարանների գործում: Եւ որ պիտաւորն է ամենքը վախում էին նրա անունը տալ երկիւղից՝ որ յետագէմ չանուանէ նրանց ժամանակի որդին...

Վահան վարդապետի գործունէութեանը հատորներ կարելի է նուիրել, բայց մենք բաւականանում ենք առ այժմ տպել Գ. Չալխուշեանցի մի նամակից հետեւալ քաղուածքը (Մշ. № 9).

Նա հին գործիչներիցն է. Սոսել չէ սիրում, խոստանալ երբէք, և իբրեւ աղգի անխոնջ մշակ նա բոլորիցս աւելի գործում է այժմ ս. Սաղ Վանքում:

Ո՛ւր չէ եղել հայր-սուրբը. Ղարաբաղի թեմական տեսուչ, նա ձիով թափառել է գիւղից-գիւղ և ամեն տեղ նա եղել է երիտասարդական օրերից և վարդապետ, և վարժապետ: Նա է եղել

առաջինը, որ մեր ծխական դպրոցներում, նուխում և Մօզդօկում արհեստներ է մտցրել:

Նա նշանակում է սինօդի անդամ: Պարտաճանաչ, ազնիւ, ատելով իր անձնական շահերը և հաշիւները, նա ջերմ պաշտպանում է ազգի, եկեղեցու իրաւունքները:

Յիշում էք Գօլիցինի չար ժամանակները:

Վահան վարդապետը գալիս է Նոր-Նախիջևանի ս. Սաչ վանքը արսոր:

Ի՞նչ էր առաջ ս. Սաչ վանքը:

Պատերը քանդած, դպրոցը փակ, եկեղեցին խեղճ վիճակի մէջ, բակը կեղտոտ, և ոչ մի ծառ, կամ բոյս:

Տեսէք այսօր մեր վանքը: Առաջ նա աղքատ էր, այժմ ունի և հող, և փող:

Մի քանի հարիւր դեսեատին հող հայր սուրբի ջանքով և շնորհիւ ստացուեց քաղաքից:

Բակը այժմ վայելուչ է: Ծառեր, բոյսեր, ծաղիկներ և երկու գեղեցիկ արձաններ Փամառ-Քաթիպայի և Միքայել Նալբանդեանի—դրանք բոլորը Վահան վարդապետի վանահայրութեան օրով զարդարեցին ս. Սաչ վանքը: Նա շինեց գեղեցիկ կամուրջ: Նա մաքրեց, կարգի բերեց աղբիւրը, որ հիանալի ջուր ունի: Նա գեղեցկացրեց, զարդարեց եկեղեցին: Ապահովելով ս. Սաչ վանքի նիւթականը, հայր Վահանը աշխատեց, որ ապագայում վանքը կախում չունենայ միայն վանահայրից՝ և նրա շնորհիւ այսօր մենք վանական կառավարութիւն ունենք:

Երկու գեղեցիկ երազներ երազում է այժմ ծերունի վարդապետը: Նախ աղբիւրի ջուրը բերել վեր՝ եկեղեցու բակը և ապա հիմնել գիւղատնտ. դպրոց վանքում:

Այդ երազները կիրագործուեն, հաւատում եմ: Մենք բոլորս նրան կօգնենք:

Եւ Նոր-Նախիջևանի հասարակութիւնը այժմ ցանկանում է, որ արժանապատիւ հ. Վահանը վարձատրուի:

Բարեգործական Ընկերութեան ընդհանուր ժողովը յունուարի 7-ին միաձայն որոշեց՝ ի նկատի առնելով ս. Սաչ վանքի վանահայր Վահան վարդապետ Տէր-Գրիգորեանի արդիւնալից գործունէութիւնը, թէ ընդհանրապէս Կովկասում և թէ մասնաւորապէս Նոր-Նախիջևանում, և գնահատելով նրա արժանիքները իբրեւ համեստ և անդուլ գործչի դիմել ընկերութեան նախագահի միջոցով ուր հարկն է՝ նրան եպիսկոպոս ձեռնադրել տալու համար: Մեր եկեղեցիների պատգամաւորների ժողովը պիտի որոշէ նոյնպէս միանալ ընկերութեան հետ այդ գործում:

Մեր միակ ցանկութիւնն է միայն, որ, բարձր յայտնեց ընդհանուր ժողովում և քաղաքագլուխ Մինաս Պալապանեանը, որ հայր-սուրբը, սրբազան դառնալով, ֆնայ մեզ հետ, մեր վանքում...

Լ ՈՒՐԵՐ

— «Սուրհ.» մէջ կարդում ենք:

«Վերջացած է Կովկասեան «դաշնակցականների» գործի վերաբերմամբ կատարուող նախնական քննութիւնը:

Այս գործի վերաբերմամբ դատական քննիչ պ. Լըփինը հիւսիսային Կովկասի, Անդրկովկասի խոշոր կենդրոններում և Ռուսիայի ուրիշ տեղերում կատարեց 1,000-ից աւելի խուզարկութիւն և ձերբակալեց 800 հոգուց աւելի: Սակայն, վերջիններիցս նա 696 հոգու վերջիվերջոյ արձակեց և միայն 105 հոգու վերաբերմամբ նրա ձեռքի տակ գտնուեցան «փաստեր» նրանց 102 յոգեածի հիման վրայ դատական պատասխանատուութեան ենթարկելու համար: Բայց դատի ենթարկուողների մէջ էլ մատնանշում են շատերին, որոնք «գործին» խառնուել են պարզ թիւրիմացութեամբ: Այսպէս, մի քանի փաստերի հիման վրայ պէտք էր ձերբակալել ոմն «Գէորգի», որի բնակութեան տեղը ցոյց էր տրուած Թիֆլիսը. որովհետև Թիֆլիսում շատ Գէորգներ կան ուստի սկսեցին բռնել այդ անունը կրող բոլոր կրթուած հայերին և վերջիվերջոյ կանգ առան Գէորգ Առաքելեանի վրայ, որն և այժմ պատասխանատուութեան է ենթարկուած: Մինչդեռ ստուգիւ յայտնի է, որ «դաշնակցականների» կուսակցութեան անդամ «Գէորգը», որին որոնում են, սեպտեմբերի սկզբին սպանուած է Թաւրիզ քաղաքի մօտ, և նրա մահը վկայիւ է ոռւսաց հիւպատոսարանը:

Նոյնը պատահել է և «Հաջի-Յակոբին»: Որոնում էր և պիտի ձերբակալուէր «թիւրքահայտակ հայ Հաջի-Յաքովբը»: Նրա ձերբակալման մասին կարգադրութիւն էր եղած, և այդ անունը կրող 10 ձերբակալուածներից ընտրուած է Երևան քաղաքում ձերբակալուած թրքահայտակ հայ Հաջի Յակովբ Աւետիսով, մի զառամեալ ծերուկի, որ, ինչպէս ասում են, կուսակցութեան հետ ոչ մի կապ չունի: Մինչդեռ քննչին հարկաւոր Հաջի-Յակովբը, որ թրքահայերի մէջ յայտնի գործիչ է, Թիւրքիայում սահմանադրութիւն մտցնելուց յետոյ, տեղափոխուել է և ապրում է այնտեղ ազատ:

Այնուհետև «դաշնակցականների» կուսակցութեան զլխաւոր կոմիտէի անդամների թւում կար ոմն «Իշխան», որ ոռւսերէն նշանակում է, «Князь» քննիչը այդ հիման վրայ էլ վճռեց, որ

«Իշխանը» «КНЯЗЬ» իշխան Յովսէփ Արղութեան Երկայնաբազուկն է, որն և այդ պատճառով բռնուեց և բանտ դրուեց և այժմ պատասխանատուութեան է ենթարկուած: Մինչդեռ այս տարուայ նոյեմբերի սկզբին իսկական «Իշխանը» Թիւրքիայում ներկայացել է ուսաց հիւպատոսին և յայտարարել է, որ ինքը ամենևին իշխան չէ, այլ մի հասարակ մահկանացու, իսկ «Իշխանը» իր մականունը և կեղծ անունն է, որն և հաստատել է փաստաթղթերով:—

— Տաճկաստանի գաւառներում Զմիւռնիայից յետոյ առաջին անգամ միայն Կարինում գիտէինք, որ հրատարակուած է «Յառաջ» թերթը, այժմ ստացանք Նիկոմիդիայի Իզմիտ քաղաքում տպուած տասնօրեայ «Բիւթանիա» թերթի առաջին համարը բաւական հետաքրքրական բովանդակութեամբ, որի մէջ տպուած կայ հանգ. Խրիմեան կաթողիկոսի մի գրութիւնը Ռուսիոյ մեծ. կայսեր, հայոց եկ. կալուածների գրաւման առիթով:

— Առաջիկայ մարտի 14-ին Շուշիում տոնուելու է Ղարաբաղի Հայոց թեմական Դպրոցի ուսուցիչ Գաբրիէլ Ղուլիքեանցի գործունէութեան 35 ամեակը:

— Ինչպէս ամէն գաւառի մէջ՝ այստեղ ալ սկսաւ Դաշնակցութեան խնդիրներ արծարծուիլ: Սակայն տեղապահին ժողովրդական քարոզներուն շնորհիւ Եղեսիացիները մազի չափ պիտի չթեւանան իրենց նախկին քարոզիչ Թաթէոսի և Բարթողիմէոսի ճշմարտագոյն կրօնէն: Դաշնակցականներ կ'ճգնին ծածկաբար անհաւատութեան որոմներ ցանել նորհաս երիտասարդութեան մտքին մէջ: Անցեալ շաբթու Ուր. երեկոյ, Տեղ. Հօր զգուշաւոր դիրքով Եղեսիոյ Հայը սղատեցաւ կուսակցական ընդհարումէ մը: Եթէ տեղապահը դուրս գար և յանդիմանէր խլրտող երիտասարդները՝ արդեօք քանիններու դժբախտութեան վրայ պիտի ողբայինք: Որովհետեւ Հալէպն ու Այնթապը վրդովող Տիգրան Ամասեանի ոտքերը մինչև այս կողմ երկնցան: («Բիւզ.»)

— Էդիստոնը մի նոր գիւտ է արել, որով տրամուայի վագոնները այսուհետեւ կարող են երթեկեկել առանց վերին հաղորդիչ լարերի: Յունուարի 7-ին Նիւ-Եօքըում փորձեր են կատարուած: Անողութիւնը կատարեալ է: Ամերիկայի էլէքտրոտեխնիկները չեն կասկածում, որ Էդիստոնի նոր գիւտը ամեն տեղ կը տարածուի ամենամօտիկ ապագայում:

— Յունուարի 14-ին, երեկոյեան ժ. 6¹/₂-ից Էկզարխեան հրապարակով և և նրան կից փողոցներում անցնողները նկատեցին, որ երկնքից դէպի վայր է թռչում ոչ մեծ մի հրեղէն գըննակ, որն ընկնում է 4-րդ Թաղամասի ոստիկանատան մօտի փողոցը: Անցնողները կարծել են, թէ դա գիսաստղ էր, որ վայր

ընկաւ, հետաքրքրողները շտապել են ընկնելու տեղը: Աստ-
ղաքարն ընկնելու ժամանակ փշրուել է և բաժանուել մանր բե-
կորներով:

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

«Արօր»-ի խմբագրութեան. Դուք մեզ առաջարկել էիք փոխանակել
մեր թերթերի յայտարարութիւնները և թերթերը. մենք
արձագանք տալով՝ անմիջապէս տպեցինք Ձեր յայտարարու-
թիւնը «Լուսնայի» ղեկավարների համարում: Բայց ինչքան
եղաւ մեր զարմանքը, երբ Ձեր թերթի № 1-ում ամեն
լրագրի յայտարարութիւն կար տպուած. . . . բացի «Լու-
սնայ»-ից:

Բազու Գ. Ենգ.—Փետրուարի համարը պէտք է լոյս տեսնի ամսոյս
վերջը. Ձեր յօդուածը խնդրում ենք այնպէս կարգադրէք ու-
ղարկել, որ չմնայ մարտի համարին:

Ղարաքլիսա. Բօֆֆօրին, միւսները չտպեցինք. սպասում ենք նո-
րերին:

Կ. Պօլիս. Օ. Թերթիս խմբագրի միամսեայ հիւանդութիւնը ար-
գելք եղաւ Ձեր նամակներին մանրամասն պատասխանել:
Շուտով կհոգանք:

Ն. Նա/ս. Ե. Շ. գրքերն ուղարկեցինք:

1909 Թ. ՆՈՅ. ՀԱՄԱՐՈՒՄ Ս. ՕՐԽԱՆԵԱՆԻ ՅՕԴ. ՄԷՁ ՄՏԵԼ
ԵՆ ՀԵՏԵԻԵԱՆՆԱՆՆԵՐԸ

	Վրիպակ	Ուղիղ
Եւ. 51. տող 4	աքսորական	արքունական
» » 19	շարունակութեան	պարունակութեան
» » 39	Յովհաննու	Յովհաննա.

Յ Ա Յ Տ Ա Ր Ա Ր Ո Ւ Թ Ի Ի Ն Ն Ե Ր

„ՍՈՒՐՀԱՆԴԱԿ“

Գրական, քաղաքական, հասարակական և առևտրա-արդիւնաբերական լրագիրը, որն առ այժմ լոյս է տեսնելու շաբաթը երեք անգամ՝ կիրակի, չորեքշաբթի և ուրբաթ օրերը, իսկ ապագայում ամեն օր:

«Խ ԱԹԱԲԱԼԱՅԻ» ԲԱԺՆԳԻՆՆ Է

ԱՌԱՆՁԻՆ

Տարեկան 5 ռուբլի
 Կէս տարին 3 ռ.
 Երեք ամիսը 1 ռ. 50 կ.
 Թիֆլիզում տարեկան . . 4 ռուբլի

«ՍՈՒՐՀԱՆԴԱԿԻ» ԲԱԺՆԳԻՆՆ Է

ԱՌԱՆՁԻՆ

Տարեկան 7 ռուբլի
 Կէս տարին 4 ռ. » »
 Երեք ամիսը 2 ռ. 25 կ.
 Ամիսը 75 կ.

ԽԱԹԱԲԱԼԱՆ ԵՒ ՍՈՒՐՀԱՆԴԱԿԸ ՄԻԱՍԻՆ ԱՐԺԵՆ

Տարեկան 10 ռուբլի
 Կէս տարին 6 ռ.

Երեք ամիսը 3 ռ. 50 կ.
 Մէկ ամիսը 1 ռ. 20 կ.

Հասցէն՝ Тифлисъ, Редакция „Хатабала“. Հեռագրով՝ Тифлисъ „Хатабала“
 Արտասահմանից՝ Tiflis, Caucas rédaction «Khatabala»

Բացած է 1910 թ. բաժանորդագրութիւնը

Հ Ո Ր Ի Զ Ո Ն

Գրական, քաղաքական, քաղաքական եւ հասարակական լրագիր

ՏԱՐԵԿԱՆ	6 ԱՄՍԻԱՆԸ	3 ԱՄՍԻԱՆԸ	1 ԱՄՍԻԱՆԸ
Ռուսաստանի համար. . . 8 ռ.—կ. [⌚]	4 ռուբ. 50 կոպ. [⌚]	2 ռուբ. 30 կոպ. [⌚]	80 կոպ. [⌚]
Պարսկաստանի 9 ռ.—կ. [⌚]	5 ռուբ. — » [⌚]	2 ռուբ. 70 կոպ. [⌚]	1 ռուբ.— » [⌚]
Թիւրքիայի 20 ղրշ. [⌚]	70 ղրշ. — » [⌚]	35 ղրշ. — » [⌚]	14 ղրշ. — » [⌚]
Ամերիկայի 6 դոլլար [⌚]	3 1/2 դոլլար » [⌚]	— » [⌚]	— — » [⌚]
Եւրոպայի 30 ֆր. [⌚]	18 ֆր. » [⌚]	— » [⌚]	— — » [⌚]

Բաժանորդագրութիւն ընդունում է միայն իւրաքանչիւր ամսի 1-ից: Ապագիկ ոքի թերթ չէ ուղարկւում:

1909 թ. տարեկան բաժանորդները կստանան թերթը՝ վճարելու միայն 6 ռուբլի:

Հասցէն՝ Тифлисъ. Редакция „ОРИЗОНЪ“ Вельяминовская, № 16. Արտասահմանից՝ Rédaction „H o r i z o n“ Tiflis (Russie-Caucase):

ԲԱՅԻԱԾ Է 1910 Թ. ԲԱԺԱՆՈՐԴԱԳՐՈՒԹԻՒՆԸ

XXVIII **ԱՂԲԻԻՐ ԵՒ ՏԱՐԱԶ** **XXI**
Տ Ա Ր Ի **Տ Ա Ր Ի**

Պ Ա Տ Կ Ե Ր Ա Ջ Ա Ր Դ Հ Ա Ն Դ Է Ս Ն Ե Ր Ի

Հրատարակում են ճոխ, բազմաբովանդակ, մասնակցութեամբ մեր և ևրդպական ակնյայտնի գրականագէտների, հրապարակախօսների, լրագրողների, արւեստագէտների և գեղագէտների:

Բ Ա Ժ Ա Ն Ո Ր Դ Ա Գ Ր Ո Ւ Թ Ե Ա Ն. Պ Ա Յ Մ Ա Ն Ն Ե Ր Ը

1. ԱՂԲԻԻՐ դպրոցական աշակերտուհիների և աշակերտների համար տարեկան Մէկ ԲՈՒԲԼԻ (1 ր.):

2. ԱՂԲԻԻՐ և ԱՂԲԻԻՐԻ ԱԿՈՒՆՔ ս. ՍԱՀԱԿԻ, ս. ՄԵՍՐՈՊԻ և ՄԻՔԱՅԷԼ ՆԱԼԲԱՆԴԵՍԻ մեծագիր 3 պատկերներով տարեկան ԵՐԿՈՒ ԲՈՒԲԼԻ (2 ր.).

3. ԱՂԲԻԻՐ դպրոցների, գրադարանների, հաստատութիւնների և հասակաւոր բաժանորդների համար 3 ր. (Արտասահման 5 ր.)

4. ԱՂԲԻԻՐ և ՏԱՐԱԶ Աղբիւրի Ակունք դպրոցական աշակերտի հասցէով, ընտանիքների համար, տարեկան 10 բուբուլ փոխարէն 5 ր.: Մինչև դեկտեմբ. 15-ը ստորագրւող բաժանորդներին կուղարկւին և պրէմիաները՝ ՎԵՀԱՓԱՌ ԻԶՄԻՐԼԵԱՆԻ բազմագոյն ձիթանկար և ս. ՍԱՀԱԿԻ, ս. ՄԵՍՐՈՊԻ, ՄԻՔԱՅԷԼ ՆԱԼԲԱՆԴԵԱՆԻ մեծագիր 4 պատկերներն էլ: Դեկտեմբերի 15-ից յետոյ բաժանորդագրւող աշակերտները վճարում են այդ պրէմիաների համար մէկ բուբուլի, այսինքն փոխանակ հինգ բուբուլ ՎԵՑ ԲՈՒԲԼԻ:

5. ԱՂԲԻԻՐ-ՏԱՐԱԶ, Աղբիւր Ակունք, Յաւելածներ և պրէմիաներ դպրոցների, հաստատութիւնների, գրադարանների և հասակաւոր բաժանորդների համար տարեկան 10 ր. Արտասահման 18 ր. կամ 50 ֆռ:

РѢДКІЙ СЛУЧАЙ !

за 7 руб. 25 коп.

высылаемъ 2 зимнихъ, или осеннихъ костюма: 1 отрѣзъ **Англійское трико** шерстяная, прочная и модная матерія, новѣйшаго рисунка, 2-хъ ар. ширины $4\frac{1}{4}$ арш. на полный мужскій костюмъ и 1 отрѣзъ въ 8 арш. „**Трико Панама**“ для дамскаго, прочнаго и элегантнаго костюма, новѣйшаго рисунка, съ нашей упаковкой и пересылкой почтой, безъ задатка и безъ риска, не понравится, Фабрика возвращаетъ деньги сполна; По желанію высыла-ется за ту-же цѣну два мужскихъ или два дам-скихъ отрѣза. за наложъ присчитывается 16 коп. а въ Сибирь еще 85 коп. Адресовать; въ фабрику Т-ва „**Суконно-Шерстяной Мануфактуры**“ Подзь № 51

Բացուած է 1910 թ. բաժանորդագրութիւնը
(ՀԻՆԴԵՐՈՐԴ ՏՆՐԻ)

ՀԱՍՏԵՐ

մանկական պատկերազարդ ամսագրի

Ամսագիրը լոյս է տեսնում Թիֆլիսում 32—48 երեսանոց
մեծագիր գրքոյկներով նախկին ընդարձակ ծրագրով
Մշտական աշխատակցութեամբ ՅՈՎՀ. ԹՈՒՄԱՆԵԱՆԻ եւ ՍՏ. ԼԻ-
ՍԻՑԵԱՆԻ

Ամսագիրը ունինաւ ՄԱՆԿԱՎԱՐԺԱԿԱՆ ԳՐԱԴԱՐԱՆ, ուր շօշափ-
ւում են ընտանեկան կրթութեան վերաբերեալ կարեւորագոյն
հարցեր:

ԲԱԺԱՆՈՐԴԱԳԻՆՆ Է ՀԱՆՍԱՊԱՐԱԾԱՆՍՈՎ

Տարեկան ՀԱՍՏԵՐ, մանկ. բաժին 3 և մանկավարժ. բաժ. 4 և	
Կէս տարուանը	2 և. 10 և.
Մէկ ամսուանը	— 30 և. — 35 և.
Պարսկաստանում	3 և. 50 և. 4 և. 50 և.
Արտասահմանում տարեկան	ԻՆԸ ֆր. ՏԱՄՆԵՐԿՈՒ ֆ և.
Հրատարակութեան սկզբից մինչև 1909 թ. վերջը	11 և. 15 և.

15-Դ Տ Ա Ր Ի
ԲԱՑՈՒԱԾ Է ԲԱԺԱՆՈՐԴԱԳՐՈՒԹԻՒՆ

1910 ԹՈՒԻ

Լ Ո Ւ Մ Ա Յ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳՐԻ

1910 թուին Լուսման լոյս կը տեսնի իւր այժմեան դիրքով, բաղկացած 64—80 երեսներէց, մեր մշտական աշխատակիցներէ գործակցութեամբ, Ինչպէս միշտ հարկաւոր դէպքերում, կտրուեն պատկերներ հասարակական երևոյթներէ առթիւ:

1910 թուի «ԼՈՒՄԱՅ»-ի ԿԱՆԽԻԿ ՎՃԱՐՈՂ Բաժանորդները կստանան իբրև ՊՐԷՄԻԱ

Ե Ղ Ի Հ Է Ի

ՎԱՐԴԱՆԱՆՑ ՊԱՏՄՈՒԹԵԱՆ
աշխարհաբար նոր թարգմանութիւնը:

ԲԱԺՆԷԳԻՆՆ Է տարեկան 6ռ., կէս տ. 4ռ.
Արտասահման „ 8 „ „ 5„

ՈՒՍՈՒՑԻՉՆԵՐԻ, ԱՇԱԿԵՐՏՆԵՐԻ, ՔԱՀԱՆԱՆԵՐԻ
ԵՒ ԳՈՐԾԱԿԱՏԱՐՆԵՐԻ ՀԱՄԱՐ «ԼՈՒՄԱՅ»-Ի
ՏԱՐԵԿԱՆ ԲԱԺՆԷԳԻՆՆ Է 4 ՌՈՒԲԼԻ

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.

Տ Պ Ա Գ Ր Ո Ւ Թ Ե Ա Ն Է Յ Ա Ն Չ Ն Ո Ւ Ա Ծ

ԳԻԻՏ Ա. Ք. ԱՂԱՆԵԱՆՑԻ

„ՉԱՐԱՄԻՏՆԵՐԻ ԶԱՌԱՆՑԱՆՔՆԵՐԸ“

վերնագրով բրոշիւրը